

# **Jesu'walaŋ Mede Momooŋ**

## **Lukdi youkuk**

### **Yodakale Mede**

Lukdi Jesu'walaŋ Mede Momooŋ youlene metam Jesu keleyaugin baigoŋ hinek yeninadiune mede kahat momooŋ hinek timimbune nadiŋa youkuk. Medeniŋ daniniŋ indiŋ kameeŋ youkuk. "Jesu adi Isilaehi'walaŋiŋ Tubuloda niŋ mintadok Bepaŋdi yofolok tubune halibuguk wondiniŋ folooŋ." Ala Jesu adi Isilae metam hogok yehitubulodadok mu buguk. Adi yadi metam kwetkwet hatiyam indi maan nihitubulodadok nadiŋa buguk. Ale Mede Momooŋ yohautaluguk adi Isilaehi metam fofonitdok hogok moŋ. Mede Momooŋ uyadi noli indi'walaŋ baniŋnikdok maan nadiŋa yoluguk. Tiŋa yonadifo mede fe youkuk. Tububihila Jesu minta tugukneningoŋ nadifo mede youla uge uge kumuŋ gineniŋ kaikaan pilali hatigene kunum gineŋ logukneŋ ungoŋ youdapmaguk. Tiŋa undugoŋ Ungoŋiŋ Munabulidi fooŋ Jesu'walaŋ kayoŋbop nadisukilitihik tubukilitiguk. Ala me mede inoŋ youkukdigoŋ Aposel heki'walaŋ pepa maan undiningoŋ youkuk kayam.

Fiye 1, 2 eŋ 10 wooŋ 19 gineŋ mede hakiŋ uye Lukdi pepa youkukneŋ hogok youkuk. Matiyu dut Makdi mede u mu youkumuk. Kahat uye indih. Aŋelo hekidi Jesu mihi mintagukneŋ kap tonadifo tigiŋ. Domba yabudoko hekidi Jesu mihi

mintaan hakuk u kane ugin. Jesu mekuya-kabe ginen Silonyotnen hatiguk. Samalianin me moon dinin yoyout mede. Me wapum nin'wala mihinin mone kadakaan file tuguk dinin yoyout mede. Agan ninadidok mede adi gigne hinek tinja youla uguk.

Lukdi mede daninin lufomkulitnin nimaan indin youkuk. Ungonin Munabuli dinin mede, tamwoidi Jesu'wala kwanai ginen tubulodagin dinin mede, agan Bepandi yomnik tumolokut-nimulak dinin mede.

### **Luk'wala Mede dinin yohebet**

1.1-4 Yodakale

1.5-2.52 Jon dut Jesu'wala mintaminta en kuyahi ginen hatigumuk

3.1-20 Jon Imeyout Tububihit'wala mede kahat

3.21-4.13 Jesu Imeyout tuguk en tikamanda mintaminguk

4.14-9.50 Jesudi Galili kwetnen mintadakaleen kwanai tuguk

9.51-19.27 Galilinin Jerusalemde uguk

19.28-23.56 Jerusalem en yokwet magimagi ginen kwanai tuguk

24.1-53 Jesu kaikaan pilakuk, agan mintahebi tuguk, agan kunum ginen loguk

*Lukdi Jesu'wala kahat nolinin Teopilodok youliminguk*

<sup>1</sup> O notne Teopilo, mehinek feedi nemek indi'wala inon mintaguk wondinin mede kahat youkin. <sup>2</sup> Tinja adi nemek koom tububihit ginen mintaune me noli adi dauhikdi kan gigitjin

yohautaune nadiņa youkiņ. <sup>3</sup> Kaņ nu maan nemenemek tububihila mintagukneningoņ nadinadi kwanai baigoņ hinek tiņa didimeningoņ youkamulat. <sup>4</sup> Unduņ tibe nemenemek ganin-didimegiņ u biyagoņ hinek unduņ nadiweņ.

*Aņelodi Sakaliya Siloņyot maaneņ mintamiņguk*

<sup>5</sup> Helot adi Judiyahi'walaņ mapme hatiguk nai uņaņiņ me niņ Siloņyot diniņ talitimeņ hatiluguk wou Sakaliya. (Adi Abaisa diniņ bop gineniņ). Tamņiņ wou Elisabet, adi maan Alon'walaņ yalakiņiņ. <sup>6</sup> Memalam adi Bepaņ'walaņ Yodoko Mede didimeņgoņ hinek keleeņ hatiyagumuk. <sup>7</sup> Tiņa adi wapmihi nemu yehitubu-mintaan hogok hatiņa metam gawada hinek tugumuk.

<sup>8</sup> Ala heleniņ Sakaliya adi me Siloņyot diniņ talitimeņ hekidi Siloņyotneņ fooņ tagiņ unduņ titiņdok nainiņ dulaguk. <sup>9</sup> Ala nai uņaņiņ Siloņyot diniņ talitimeņ adi titiņhik keleeņ Sakaliya adi Siloņyot maaneņ fooņ wahu munduņ hemundumunduņe kwanai tibek nindapmagiņ. Kaņ adi unduņ tibe Wapum'walaņ Siloņyotneņ folune <sup>10</sup>metam bop wapum adi ninadi kwanai fakaņ ila tigiņ.

<sup>11</sup> Kaņ Sakaliya adi hemundumunduņe hatulu Wapum'walaņ aņelo niņdi mintamiņa alta gagayeņ Sakaliya'walaņ kohoņ didimeniņneņkade yakuk. <sup>12</sup> Yalune Sakaliya adi aņelo kaņ nadibedi tiņa munta tuguk. <sup>13</sup> Unduņ tubune niņguk, "Sakaliya, du munta mu tibeņ, Bepaņ adi yonadige agaņ nadiguk, ala tamge Elisabet adi mihi niņ tubumintagambaak. Kaņ

wou Jon youlaan. <sup>14-15</sup> Adi Wapum'walaŋkade me loloŋnit tibaak doktiŋa mintaune du nadifo wapum hinek tibaanŋ kaŋ metam nolidi maan nadifo undugoŋ tineen. Mihi mintaune nai unŋaningoŋ Unŋoniŋ Munabulidi welen maanenŋ fotokowaak tiŋa wain be ime fafaŋeniŋ nemu nawaak, moŋ hinek. <sup>16</sup> Adi Judahi metam fee kotigoŋ yanagilune Bepaŋ'walaŋkade uneen. <sup>17</sup> Tiŋa adi timenŋ wooŋ saŋiniŋnit hinek polofet Ilaija dabugoŋ Wapum baakdok talik dobui timimbaak. Adi baŋ heki enŋ wapmihihie tubukulamaune welekubugoŋ tineen, enŋ metam mede wobu tiinŋ yanagila talik didimeninŋ keledok yenindidimewaak, tiŋa Wapum metamŋiye u Wapum ne buŋa yabudok yehitiulidokowaak.”

<sup>18</sup> Unduŋ yoguk kaŋ Sakaliyadibo niŋguk, “Nu tiŋa tamne indi agaŋ metam gawadahi hinek tamut doktiŋa nemek i biyagoŋ nobu mintawaak u deti nadiwene folooŋ tibek?”

<sup>19</sup> Unduŋ yobu aŋelodibo niŋguk, “Nu wotnene Gabiliye. Nu Bepaŋ'walaŋ namanda foloŋ yatat ale adigoŋ naninŋkulune gigitmede fofooŋ i tiŋa bu ganilat. <sup>20</sup> Inŋoŋ du nemek nainŋinŋ foloŋ biyagoŋ mintawaak u ganimbe medene mu nadisukilitilaŋ doktiŋa du mage tehep tubune mede mu yoŋa hatibune wooŋ gigitmede ganiŋat wondi folooŋ mintaune mede kedem yobaanŋ.”

<sup>21</sup> Sakaliya adi unduŋ ha-tulu metam adi dedinŋ tiŋa Siloŋyotneŋ fooŋ yagigi hinek hatak yoŋa nadibedi tiŋa hakiŋ. <sup>22</sup> Ala fooŋ buŋa metam mede mu yeninŋa kohonŋdi welewele hogok tiyembune metam adi kaŋ yoginŋ, adi Siloŋyotneŋ

unjon kudi nin binek kanjak doktina tilak.

<sup>23</sup> Undun tina kwanai unjon titindok nainin dapmaune yopmande uguk. <sup>24</sup> Woon muninin hatilune tamnin Elisabet adi mihiwele ikuk. Undun tina muyakip 5 yopmankadegon kabup hebihatiluguk. <sup>25</sup> Yopman hali indin yoguk, “Kobuk agan Wapumdi tali indin ginen nehitubu-lodalak. Tina Bepan adi metam namandahik ginen mekanjon hatilat u agan nolom mongokutnamulak.”

### *Anelodi Maliya mintaminguk*

<sup>26</sup> Elisabet adi mihiwele ila muyakip 6 hatilu Bepandi Gabiliye nin kulune Galili kwetnejon unjon yokwet wapum nin hatak, wou Nasalet, unjon foguk. <sup>27</sup> Unjon waabihem nin hatuguk, wou Maliya, adi Josepdok gigit nimbune hatiguk. Josep adi mapme Dewit'walañ yalaki. <sup>28</sup> Ala anelodi Maliya hakuknejon foon indin ninguk, “Du kulemanjon hatiben. Wapumdi dukut hatilak doktina kahan tigamulak.”

<sup>29</sup> Undun yobu Maliya adi nadibedi wapum hinek tina mede u mebi dedindok undun nilak yo nadiguk. <sup>30</sup> Kan anelodi ninguk, “Maliya, du Bepandi momoon hinek tigamulak doktina munta mu tiben. <sup>31</sup> Du mihiwele ila mihi tubumintaon wou Jesu youlaon. <sup>32</sup> Adi loloñnit hinek tibaak kan Bepan Loloñnit mihinin nineen. Kan Bepan Wapumdi papañ Dewit dabugon mapme wapum kameu ilaak. <sup>33</sup> Tina adigon Jekop yalakinnye'walañ mapme wapum fafanenin hinek hatibaak, adi'walañ mapme kwanainin adi mu dapmawaak.”

<sup>34</sup> Unduŋ yoguk kaŋ Maliyadibo niŋguk, “Nu yohone mu tugut iŋgoŋ mihi deti nagilaat yo nanilaŋ?”

<sup>35</sup> Unduŋ yoguk kaŋ aŋelodibo niŋguk, “Uŋgoŋiŋ Munabulidi welege maaneŋ fotokoune Bepaŋ’walaŋ saŋiŋiŋdi gehikufulawaak. Unduŋ doktiŋa Mihi Uŋgoŋiŋ u mintaune Bepaŋ Mihiniŋ nineeŋ. <sup>36</sup> Elisabet namage u nadiweŋ, adi wapmihi tuwot mu nagitdok iŋgoŋ mihiwele ilu muyakip 6 agaŋ tilak, tam gawadaŋ hinek iŋgoŋ unduŋ tilak. <sup>37</sup> Bepaŋ adi nemenemek tuwot mu tibek nemu hatak.”

<sup>38</sup> Unduŋ yobu Maliyadibo yoguk, “Nu adi Wapum’walaŋ tipilapilaye tam doktiŋa yolaŋ undugoŋ hinek mintanambaak.” Unduŋ yobu aŋelodi bikabuŋa uguk.

### *Maliyadi Elisabet nadifo mede niŋguk*

<sup>39</sup> Aŋelo uune Maliya adi tiulidoko tiŋa Nasalet bikabu woaŋ Judiyahi’walaŋ guyaŋneŋ uguk. <sup>40</sup> Woaŋ yokwet Sakaliya malam itowagumukneŋ wosuwaŋ yohineŋ foŋ Elisabet niutumbe tuguk. <sup>41</sup> Kaŋ Elisabet adi Maliya’walaŋ youtumba mede ya-nadilune nai uŋaŋiŋgoŋ eyaŋ welaŋ maaneŋ hakuk u kayoŋ pilaŋ tuguk. Unduŋ tubune Elisabet adi Uŋgoŋiŋ Munabulidi fotokomimbune <sup>42</sup> mede wapum indiiŋ yoguk, “Du Bepaŋdi tamwoi noli yalakapmeen kahaŋ wapum tigamulak, tiŋa mihi tubumintawaŋ u maŋ kahaŋ wapum timilak.”

<sup>43</sup> Unduŋ yoŋa yoguk, “Nu nedigoŋ hinek doktiŋa Wapumne’walaŋ miŋdi nabene bulak? <sup>44</sup> Nu

du'walaŋ youtumba mede nadiwene eyaŋ we-lene maaneŋ hatakdi nadifo tiŋa kayoŋ pilaŋ tiŋak doktiŋa ganilat. <sup>45</sup> Bepaŋ adi nemek titiŋdok yoŋak wondok biyagoŋ nadisukilitilaŋ doktiŋa kahaŋ momooŋ hinek tigamulak.”

*Maliyadi Bepaŋ wou nintiloŋ niutumbaguk*

<sup>46</sup> Unduŋ yobu Maliyadi indinŋ yoguk,

“Welenedi Wapum niutumbalak, <sup>47</sup> Bepaŋ adi nu'walaŋ Tubuloda me doktiŋa munabulinedi nadifo tilak. <sup>48</sup> Tipilapilaye waabiŋiŋ fofonŋit nu kaule mu tinamulak doktiŋa kaminŋ tububihila kougoŋ kougoŋ bunit metam hogohogok adi Bepaŋdi kahaŋ tinamguk u nadineeŋ. <sup>49</sup> Bepaŋ saŋiniŋ molom adi nemek wapum i tinamuŋak doktiŋa wou adi uŋgoŋiŋ hinek. <sup>50</sup> Metam bebet hatitalabiŋ tomboyoula hatitaloneeŋ indigoŋ Bepaŋ kaŋ gikiŋgoŋ timiŋ adi kulema yemuluwaak. <sup>51</sup> Adi kohoŋ wapuhidi kihiwali metam sigitiŋalo tiŋ adi nadihebethik bunit yehitubu-fiitak. <sup>52</sup> Adi me mapme wapuhi iithik foloŋ yanagi fooŋ yapmeeŋ metam fofonŋhinit yanagi loloŋ tilak. <sup>53</sup> Adi metam nemenemek lohi tiŋ yemiŋa metam bombonŋhinit yeniŋkulu hogok wiŋ. <sup>54</sup> Adi mamani-papaniye mede yofafane tiyemguk u agaŋ yehitubulodalak. <sup>55</sup> Adi Abalaham tiŋa yalakiŋiye kulema fafaŋeniŋ tubumintayemdok yeniŋguk u kaule mu tuguk.”

<sup>56</sup> Unduŋ yoŋa Maliya adi muyakip lufomkulit-  
niŋ Elisabet dut uŋgoŋ hatiŋa kotigoŋ yolide  
uguk.

### *Mihi Jon mintaguk*

<sup>57</sup> Kaŋ Elisabetdi eyaŋŋiŋ mintamindok nai  
tubune mihi nagikuk. <sup>58</sup> Metam noliŋiye adi  
Wapumdi nemek momooŋ timiŋguk u kaŋ nadifo  
noŋgoŋ tigiŋ. <sup>59</sup> Tiŋa melenai 8 dapmaune sigiŋ  
gitnem diki foloŋ Judahi'walaŋ fek timiŋa wou  
Sakaliya youtnim yogiŋ. <sup>60</sup> Kaŋ miŋdi moŋ yoguk,  
“Mihi wou adi Jon.”

<sup>61</sup> Unduŋ yoguk kaŋ niŋgiŋ, “Du magemageye  
nebek wou unduŋ nemoŋ iŋgoŋ deti unduŋ youle  
yolaŋ.”

<sup>62</sup> Unduŋ yoŋa metam adi Sakaliyadi mihi wou  
dediŋ yobek yoŋa welewele timiŋgiŋ. <sup>63</sup> Kaŋ  
Sakaliyadi tafedok yenimbu mimbune wou “Jon”  
youkuk. Unduŋ youlu metam adi u kaŋ boho  
tigiŋ. <sup>64</sup> Unduŋ tiŋa nai uŋaŋiŋgoŋ hinek Sakaliya  
maŋiŋ dilitombune mede yoŋa Bepaŋ niutum-  
baguk. <sup>65</sup> Unduŋ tuguk kaŋ meŋimenjiye uŋoŋ  
yakiŋ adi u kaŋ muntaanŋ gigitŋiŋ yohautaune  
Judiya diniŋ kwet haŋgihaŋgi indigoŋ udap-  
maguk. <sup>66</sup> Kaŋ metam u nadigiŋ heki adi mihi  
u bedinaditomuŋa kougoŋ dediniŋgoŋ hinek hat-  
ibaak yoŋa nadigiŋ. Tiŋa undugoŋ mihi u Wa-  
pum'walaŋ saŋiniŋ adut hatak u miŋgoŋ dakale-  
lak yo kagiŋ.

*Sakaliyadi kigili mede yoŋa Bepaŋ niutum-  
baguk*



<sup>67</sup> Jon beu Sakaliya adi Unjonin Munabulidi welen maanen fotokoune Bepan'walaṅ mede indin yoguk,

<sup>68</sup> “Indi Isilaehi'walaṅ Bepan Wapum u niutumbayam. Adi metamniye buṅa yehitubu-lodaguk. <sup>69</sup> Adi Dewit'walaṅ yalaki nin inditok Tubuloda me kameniminjak. <sup>70</sup> Koomkwaha polofet unjoniniye yenimbu undugon yogin. <sup>71</sup> Adi metam momoon mu tinimiin be memiknik fiyen yona nibudoko tibe yofafane tuguk. <sup>72</sup> Mamani-papaniye dut yofolok tuguk u kaule mu titindok yona kulema tubumintayemguk. <sup>73</sup> Adi papanik Abalahamdok mede yofafane tiṅa indin ninjuk, <sup>74</sup> ‘Hidi memik fiyen doktiṅa nu habudokowene muntanit mokit nu naniutumbayaneṅ.’ <sup>75</sup> Undun tiṅa helemahelamaṅ adi namanda folon unjonin eṅ didimeṅon yayatdok nadiṅa yoguk.

<sup>76</sup> “Mihine, du adi Wapum baakdok talik dobui timimbaṅ doktiṅa du adi Bepan Lolonit Hinek'walaṅ polofet ganiṅdok. <sup>77</sup> Tiṅa talik dobui tiṅa metamniye kadakaninṅhik biyemiṅa yehitubu-lodadok gigit yohautawaṅ. <sup>78</sup> Bepanik'walaṅ kulemadi nibudokoune kunum dinin hautaṅinṅdi indi nihitubu-hautawaak, <sup>79</sup> tiṅa metam kumuṅ dinin mambip gineṅ hatiin hogohogok yehitubu-hautaune kulema dinin talik didimeṅon

keleneņ.”

<sup>80</sup> Unduņ yobune Jon adi bedinaditombu munabulidi weluņ maaneņ fotokoune kwet fiileņ woon hatilune Isilaehi metam namandahik foloņ mintayemdok nai tuguk.

## 2

### *Mihi Jesu mintaguk (Matiyu 1:18-25)*

<sup>1</sup> Nai uņaņiņ Lomahi'walaņ mapme wapum Sisa Ogastas adi kwetkwet memetam hogohogok wohiye youkudip tiyemdok yoguk. <sup>2</sup> Kwiliniya adi Siliya kwetneņ kiyap wapum hatilugukneņ kwanai u tububihikiņ. <sup>3</sup> Ala metam hogohogok adi yokwet mebihik hayemtauguk indigoņ tuwot youkudip uņoņ tine ugiņ. <sup>4</sup> Kaņ Josep adi Dewit'walaņ yalakiņiņ doktiņa Dewit'walaņ yokwet mebineņ Betelehem uņoņ youkudip titiņdok yoņa yokwet wapum Nasalet biņa Judiya kwetneņ Betelehemde uguk. <sup>5</sup> Tiņa tamņiņ gigit niņgiņ wou Maliya adigut wohik youkudip tide ugumuk. Woon tamņiņ mihiwelenit <sup>6</sup> ala Betelehem uņoņ mintadok nai tuguk. <sup>7</sup> Kaņ nalum hekidi woon iitdok yotmaņ u tuwot tokiguk doktiņa mihiņiņ Tuwo mintaune hauleđi yauneņ makau heki muwagehik nanaņe nayagiņ gineņ kameu hakuk.

### *Aņelo heki dompa yabudoko me heki gigit mo- moon yenimbihikiņ*

<sup>8</sup> Kaņ Betelehem yokwet gagayeņ me noli dompa yabudokoņ timiņ damo mu deila hogok

hakin<sup>9</sup> kañ Wapum'walañ añelodi mintayembune Wapum'walañ hautadi yehitubu-hautaune munta kisañ tigiñ.

<sup>10</sup> Unduñ tigiñ kañ añelodi yeninguk, “Hidi munta mu tineñ. Nu gigitmede momoon tihambulat. Metam hogohogok adi u nadiña nadifo wapum tineñ. <sup>11</sup> Kamiñ Dewit'walañ yokwet mebineñ hidi'walañ Tubuloda mehik, Wapum Kilisto mintalak. <sup>12</sup> Ala woon eyañ hauleđi tumula makau heki'walañ muwage gineñ kamenjit kañ agañ uñakoñ yo nadineñ.”

<sup>13</sup> Unduñ yenimbu pilap hinek kunum gineniñ añelo mohok buña añelo nohik dut Bepañ indin niutumbagiñ.

<sup>14</sup> “Bepañ kunum gineñ nintilolon titiñdok, Adi me welesilon tiyemulak, Adi'walañkade kulema mintalak.”

<sup>15</sup> Unduñ toña añelo heki kotigon kunum gineñ loune me dompa yabudoko tigiñ heki adi yogiñ, “Indi Betelehemde woon Wapumdi nemek ninilak u kane.” <sup>16</sup> Unduñ yonã pilap hinek woon Maliya dut Josep makau yotneñ ikagumuk yabuña eyañ muwage gineñ deihakuk u kagiñ.

<sup>17</sup> U kañ woon añelodi eyañ wondok yeninguk u metam yenimbu <sup>18</sup> nadiña boho tigiñ. <sup>19</sup> Unduñ yeningiñ kañ Maliya adi mede u nadiña kaule mu tuguk, adi welenđi mede u nadituwatuwale hinek tuguk. <sup>20</sup> Kañ dompa yabudoko tagiñ adi nemek añelodi yeninguk wendok tuwot buña kañ nadiña Bepañ niutumbaañ nintiloon udaneñ kotigon dompa yabudokone ugiñ.

*Simion dut Ana adi mihi Jesu kagumuk*

<sup>21</sup> Mihi mintaan halu melenai 8 dapmaune Judahi'walañ fek timiña wou koom miñ welen maaneñ mu hatu anelodi yoguk unakon, wou Jesu youkiñ.

<sup>22</sup> Moses'walañ Yodoko Mede hakuk ungon takaliña yehitubu-walandadok nai tuguk, kañ Josep malam adi mihihik nagila Jelusalemde ugu-muk. <sup>23</sup> Tiña undugon Wapum'walañ Yodoko Mede gineñ adi "Tuwo hogohogok mintane Wapum silon timindok," youkiñ wondoktiña nagila ugumuk. <sup>24</sup> Tiña Wapum'walañ Yodoko Mededi yolak unduñ, butigili lufom be melebihi lufom tuwaan Bepandok hemundumundune tide ugu-muk.

<sup>25</sup> Nai unaniñ Jelusalem unon me niñ hatiluguk wou Simion, adi me momoon tiña Bepañ nadisuk-ilimiluguk, eñ Ungoniñ Munabuli adut hatiluguk, tiña adi Judahidi kedebadok nai wendok woomuluguk. <sup>26</sup> Doktiña indin ninguk, "Du hogok hatiña Wapumdi Kilisto kamewe yofafane tuguk u bu-une kañ kumumbaan." <sup>27</sup> Nai unaniñ Ungoniñ Munabulidi Simion nimbune Silonyotneñ foguk. Kañ Jesu miñbeu adi Wapum'walañ Yodoko Mededi yolak unduñ tide fogumuk kañ <sup>28</sup> Simion adi mihi u toboña Bepañ indin niutumbaguk.

<sup>29</sup> "Wapum, du yofafane medege kameen hali bulan ale tipilapilayege nu kulemangon napmeu wit. <sup>30</sup> Nu daunedu hinek tubuloda-me du'walaaniñ agañ kalat, <sup>31</sup> u metam hogohogokdi kaneen yona kamelan. <sup>32</sup> Uyadi metam Judahi'walañ feknit mokit adi'walañ welehik gineñ

hauta wapum mintawaak. En Isilae metam'walaṅkade wohogegigit wapum hinek mintawaak.”

<sup>33</sup> Mede unduṅ yobu Jesu miṅbeu adi nadiune unṅoniṅ hinek tuguk. <sup>34</sup> Simion adi mede unduṅ yoṅa kahaṅ tiyemiṅa Maliya indiṅ niṅguk, “Eyaṅ i Isilaehi metam nolidi adut galiṅa hati-hati fofoṅ kahileneeṅ e metam noli adut mu galineeṅ adi kadaka tineeṅ yoṅa Bepaṅdi tubumintaguk. Tiṅa adi yadi Bepaṅ'walaaniṅ kudi niṅ unṅakoṅ <sup>35</sup> doktiṅa metamdi nehi unṅoṅ aditok siweneṅ nadinadihik kabup hatak u miṅgoṅ tubumintaune bulanṅoṅdi subalige duṅgoṅ hinek tamat titobune nadiwaaṅ.”

<sup>36</sup> Koom polofet tam niṅ hatiguk wou Ana, adi Fanuwe waabiṅiṅ, eṅ Asa'walaṅ yalakiṅiṅ. Adi koom tamkuya yali me tiṅa gulet 7 hatiṅa yohoi kumuṅguk. <sup>37</sup> Kaṅ tam kahat hatibu gulet 84 tuguk. Ala adi helemahelamaṅ Siloṅyotneṅ foṅ Bepaṅ niutumbaaṅ nanane kamehep tiṅa hati Bepaṅ ninadi kwanai tuluguk. <sup>38</sup> Ala nai unṅaniṅgoṅ Simion mede yolune Anadi maan Siloṅyotneṅ foṅ Josep malam yehitubu-mintaṅ Bepaṅ niutumbaguk. Unduṅ tiṅa Jelusalemhi Tubulodahik kameu bubuṅdok woom hatiyagiṅ adi Jesu mihi mintagukdok gigitṅiṅ yeniṅguk.

<sup>39</sup> Jelusalem unṅoṅ nemenemek Wapum'walaṅ Yodoko Mededi yolak u keleeṅ tubudapmaan yohikwehineṅ Nasaletde ugiṅ. <sup>40</sup> Unṅoṅ hatiṅa mihi u agaṅ Bepaṅdi kahaṅ timimbune saṅiniṅnit beṅiṅa nadinadinit tuguk.

*Gulet foloŋ mihi Jesu nagila Jelusalemde ugu-  
muk*

<sup>41</sup> Gulet indigoŋ Jesu miŋbeu adi Aŋelodi Yabukiyondaan Yalakapmegukdok hinamunide Jelusalemde yawagumuk. <sup>42</sup> Ala Jesu guletŋiŋ 12 tubune Aŋelodi Yabukiyondaan Yalakapmeguk wendiniŋ gulet itne feŋ tagiŋ unduŋ Jelusalemde ugiŋ. <sup>43</sup> Gulet dapmaune Jesu adi uŋgoŋ hakuk kaŋ miŋbeu adi mu naditumbaan yopmande ugu-  
muk. <sup>44</sup> Adi metam noli dut wiŋ yoŋa ugumuk ala hele kubugoŋ dapmaune mehimehiye gineŋ lohigumuk <sup>45</sup> iŋgoŋ mu kaŋ kotigoŋ Jelusalemde lohitaugumuk. <sup>46</sup> Woon lohi hatibune kade-  
hati lufomkulitniŋ dapmaune Silonyotneŋ looŋ kalune Jesu adi Judahi Yodoko Mede hinale heki'walaŋ lekiŋgoŋhik gineŋ ila medehik nadiŋa yeninadi tuguk. <sup>47</sup> Kaŋ me noli adi Jesudi mede tubu-udaneyemguk u kaŋ nadiune beweniŋgoŋ hinek tuguk.

<sup>48</sup> Unduŋ ha-tulu miŋbeu adi maan woon kaŋ boho tiŋa miŋdi niŋguk, “Mihine, du maŋgoŋde nilamulune baha indi nadibedi kisaŋ hinek tiŋa golohiyamut?”

<sup>49</sup> Unduŋ nimbu adibo yeniŋguk, “Hidi maŋgoŋde nolohiyamuk? Nu batnedi kwanai indiŋ titiŋdegoŋ nanindapmaguk u hidi mube nadiyamuk?”

<sup>50</sup> Mede u yeniŋguk uyadi mu nadidakalegu-  
muk. <sup>51</sup> Tiŋa kotigoŋ noŋgoŋ Nasaletde ugiŋ, woon hatiŋa Jesudi miŋbeu'walaŋ mede tiloloŋ kwanai tiyemiluguk. Miŋ adi nemenemek uŋoŋ mintaguk u kaŋ woon kaule mu tuguk, u welen

ginen nadiñale nadiñale hatiluguk. <sup>52</sup> Kañ Jesu adi welen be foloon wanañ sañiniñnit bediguk. Kañ me be Bepañ adi kaune utumba hogok tuluguk.

### 3

*Jondi meeniñ mute mede yeniñila Imeyout tiyemguk*

*(Matiyu 3:1-12; Mak 1:1-8; Jon 1:19-28)*

<sup>1</sup> Taibiliya adi Lomahi'walañ Mapme Wapum hatilune gulet 15 tubune Jon Imeyout Tububihit adi kwanainiñ tububihikuk. Nai unañiñ Pontiyas Pailatdi Judiya kwetneñ kiyap wapum hatiguk, kañ Helot adi Galili kwet kadokome hatiluguk, kañ kwayañ Filip adi Ituliya dut Telekonaitis'walañ me wapum hatiguk, eñ Lisaniya adi Abilinihi'walañ me wapum hatiguk, <sup>2</sup> kañ Anas dut Kaifa adi Silonyot diniñ Talitimen Wapum hatigumuk. Kañ nai unañiñ Sakaliya mihiniñ Jon adi kwet fileñ hatilune Bepañ'walañ mededi adi'walañkade buguk. <sup>3</sup> Buune Jon adi Jordan Ime fukuniñ be fukuniñ yaudapmaan metam indin yenhautaluguk, "Hidi kadakaninñhik sigilulum tiyemiña buune Imeyout tihambe Bepañdi kadakaninñhik tumolokuhambek."

<sup>4</sup> Polofet Aisaiyadi Youkudip Mede ginen indin youkuk wondok tuwot mintaguk, "Me nin kwet fileñ indin kutilak, "Wapumdok tiulidoko tineñ, tiña talik didimengon imindok. <sup>5</sup> Kwet lonafonatin u tubudidime hinek titinñdok. Kweboboe wapuhi be kuyahi u fipupuheneune

didimengon hinek mintawek. Talik gembugolohi u tubudidime tiņa iindok, tiņa kwet tuntunehi hefulaņa igumuta hinek titindok. <sup>6</sup> Unduņ tiņa metam hogohogok adi Bepaņdi metamņiye yehitubu-lodaan kadakanin ginenin yanagilaak u kaneen.’ ”

<sup>7</sup> Metam fee adi Jondi Imeyout tiyembek yo bugin kaņ adi indin yenintoguk, “Hidige! Mingembet miknit dinin yalakinıye hidi! Hidi Bepaņ’walaņ kwihita mintaune momonim be yo tiin? <sup>8</sup> Kadakanin hik agan sigilulum tiyemiin habudok wendok kwanai tineņ. Tiņa hidegon Abalaham’walaņ yalakinıye mu yoneņ. Nu biyagon hinek hanilat, Bepaņ adi kedem yobune kawade yendi Abalaham’walaņ yalakinıye gitipmuņ mintaneņ. <sup>9</sup> Finanņon nin bem kiliki momoņgon mu foin u mebi ginenon fiyapmaan kudup gineņ yakutdok woom hatak.”

<sup>10</sup> Unduņ yeninguk kaņ metamdibo ninadigin, “Unduņ yolaņ ale indi dedin tinim?”

<sup>11</sup> Unduņ yobune yeninguk, “Nebek nin dahidahi lufom nobu moņgo hatiluwek kaņ noli me dahidahinit mokitdok mimbek, be nebek nin nanaņenit kaņ nanaņe u dane tibek.”

<sup>12</sup> Me takis muneen moņgomogot tagin me noli Imeyout tine buņa ninņin, “Hinale, indi dedin tinim?”

<sup>13</sup> Unduņ ninņin kaņ yeninguk, “Hidi muneen dedin moņgotdok yonit hatak u kalakapme mu tiņa moņgokaneen.”



<sup>14</sup> Kaŋ mikme hekidibo buŋa niŋgiŋ, “Kaŋ in-diyoŋ, indi dedin̄ tinim.”

Unduŋ ninadigiŋ kaŋ yeniŋguk, “Metam muneen̄ hamdok yeniŋgigine mu taneen̄, be metam yalaŋ yeniŋa yanagila yot fafaŋeniŋneŋ mu yapmeyaneen̄. Kwanaihik diniŋ tuwaŋiŋ dedin̄ moŋgokaneen̄ uŋakoŋ nadiune tuwot tiluwaak.”

<sup>15</sup> Jon adi unduŋ yoŋa tubune metam adi kaŋ nadinadihik kaikaune nadibedi tiŋa indin̄ yogin̄, “Me yadi Kilisto bidak.”

<sup>16</sup> Unduŋ yogin̄ kaŋ Jondibo indin̄ yeniŋguk, “Nu adi imedi hogok Imeyout tihamulat inŋoŋ me niŋ mindaŋ bulak adi yadi Uŋgoniŋ Munabuli dut kudupdi youhambaak. Adi loloŋnit, nu nalakapmeŋ tilak. Tiŋa nu aindiniŋdi tipilapilaye timindok tuwot moŋ. <sup>17</sup> Adi yadi yohumuŋnit buŋa nanane yotniŋ tutumbawaak. Tiŋa nanane nanaŋdok u daneen̄ yopmaŋ boiwaak eŋ figifigi u yohumuneen̄ wali wooŋ kudup gineŋ heune dawaak.”

<sup>18</sup> Jon adi metam Mede Momoon̄ yeniyeniŋ tiŋa metam weleyouyout mede tali fee gineŋ yeniŋguk. <sup>19</sup> Tiŋa Helot adi dali’walaŋ tam Helodiya lom nagikuk, eŋ nemek kadakanin̄ noli maan̄ tuguk doktiŋa Jondi kamehep mede niŋguk. <sup>20</sup> Kaŋ Helotdi kudi kadakanin̄ hinek niŋ indin̄ tuguk. Jon nagila yot fafaŋeniŋ gineŋ kameguk.

*Jesu Imeyout tulune Uŋgoniŋ Munabuli fo-  
tokomiŋguk*

*(Matiyu 3:13-17; Mak 1:9-11)*

<sup>21</sup> Metam hogohogok adi Imeyout tigiņ kaņ Jesu maañ Imeyout tuguk. Tiņa ninadi kwanai yatubune kunum dilitombune <sup>22</sup>Uņgoniņ Munabulidi butigili wele tiņa adi'walaņ folooņ foloņ foguk. Kaņ kunum gineniņ mede niņ indiiņ foguk, "Du adi na'walaņ mihine hinek, welenedi hinek gabukahilelat. Nu nadigambe utumba hinek tilak."

*Jesu dadaniye'walaņ wohiye hebet  
(Matiyu 1:1-17)*

<sup>23</sup> Jesu adi guletņiņ 30 tubune kwanaiņiņ tububihikuk. Kaņ metamdi Jesudok nadimimbu Josep'walaņ mihi tuguk,

kaņ Josep adi Heli mihiniņ, <sup>24</sup> Heli adi Matat mihiniņ, Matat adi Lewi mihiniņ, Lewi adi Meliki mihiniņ, Meliki adi Yanai mihiniņ, Yanai adi Josep mihiniņ, <sup>25</sup> Josep adi Matataiyas mihiniņ, Matataiyas adi Amos mihiniņ, Amos adi Nahum mihiniņ, Nahum adi Esili mihiniņ, Esili adi Nagai mihiniņ, <sup>26</sup> Nagai adi Maat mihiniņ, Maat adi Matataiyas mihiniņ, Matataiyas adi Semein mihiniņ, Semein adi Yosek mihiniņ, Yosek adi Yoda mihiniņ, <sup>27</sup> Yoda adi Yoanan mihiniņ, Yoanan adi Lesa mihiniņ, Lesa adi Selababel mihiniņ, Selababel adi Siyatiyel mihiniņ, Siyatiyel adi Neli mihiniņ. <sup>28</sup> Neli adi Meliki mihiniņ, Meliki adi Edi mihiniņ, Edi adi Kosam mihiniņ, Kosam adi Elimadam mihiniņ, Elimadam adi Eya mihiniņ, <sup>29</sup> Eya adi Josuwa mihiniņ, Josuwa adi Eliyesa mihiniņ, Eliyesa adi Yolim

mihiniņ, Yolim adi Matat mihiniņ, Matat adi Lewi mihiniņ, <sup>30</sup> Lewi adi Simion mihiniņ, Simion adi Juda mihiniņ, Juda adi Josep mihiniņ, Josep adi Yonam mihiniņ, Yonam adi Eliyakim mihiniņ, <sup>31</sup> Eliyakim adi Meliya mihiniņ, Meliya adi Mena mihiniņ, Mena adi Matata mihiniņ, Matata adi Neiten mihiniņ, Neiten adi Dewit mihiniņ, <sup>32</sup> Dewit adi Jesi mihiniņ, Jesi adi Obet mihiniņ, Obet adi Boas mihiniņ, Boas adi Salmon mihiniņ, Salmon adi Nason mihiniņ, <sup>33</sup> Nason adi Aminadap mihiniņ, Aminadap adi Atmin mihiniņ, Atmin adi Lam mihiniņ, Lam adi Hesolon mihiniņ, Hesolon adi Peles mihiniņ, Peles adi Juda mihiniņ, <sup>34</sup> Juda adi Jekop mihiniņ, Jekop adi Aisak mihiniņ, Aisak adi Abalaham mihiniņ, Abalaham adi Tela mihiniņ, Tela adi Neho mihiniņ, <sup>35</sup> Neho adi Selak mihiniņ, Selak adi Leu mihiniņ, Leu adi Pelek mihiniņ, Pelek adi Iba mihiniņ, Iba adi Sila mihiniņ, <sup>36</sup> Sila adi Keinan mihiniņ, Keinan adi Afaksat mihiniņ, Afaksat adi Siem mihiniņ, Siem adi Nowa mihiniņ, Nowa adi Lemek mihiniņ, <sup>37</sup> Lemek adi Metusala mihiniņ, Metusala adi Inok mihiniņ, Inok adi Yelet mihiniņ, Yelet adi Mahalalel mihiniņ, Mahalalel adi Keinan mihiniņ, <sup>38</sup> Keinan adi Inos mihiniņ, Inos adi Set mihiniņ, Set adi Adam mihiniņ, Adam adi Bepaņ'walaaniņ.

## 4

*Jesudi Sadan'walaŋ tikamanda kakiyondaan kelekufakuk*

*(Matiyu 4:1-11; Mak 1:12-13)*

<sup>1</sup> Jesu Jodan Imenenin udaneune Unŋonin Munabuli welen maanen fotokoon nagilune kwet fiilen uguk. <sup>2</sup> Unŋon woon helebufa 40 wondok tuwot nanane nemu naan map hatilu Sadanđi tikamanda timinŋuk.

<sup>3</sup> Sadanđi indin ninŋuk, “Du Bepan mihinin biyagon nobu hatiliwen kan kawade i yenimbu nanane yageleneŋ.”

<sup>4</sup> Undun nimbu Jesudi yoguk, “Yodoko Mededi indin yolak, ‘Mehinek adi nananedok hogok mu hatidok.’ ”

<sup>5</sup> Undun yobune Sadanđi kotigon nagiloon kweboboe wapum folon yali pap hinek nimbune kwetkwet u kaguk, <sup>6</sup> kaune ninŋuk, “Nemene-mek yabulan hogohogok wondinin saninin be wougigit hogohogok haliulak u dutok gamdap-mait. U nu'walaŋ kohone folon kamenjit doktiŋa nebek ninđok mimbe nadiŋa kedem mimbit. <sup>7</sup> Undun doktiŋa du mulelem tinamuŋa naniu-tumba tiben kan kedem gambit.”

<sup>8</sup> Undun nimbune Jesudibo yoguk, “Bepan'walaŋ Mededi indin yolak, ‘Wapumge Bepan hogok niutumbaŋ mulelem timiŋa adi'walaŋ falipmen hogok hatibaan.’ ”

<sup>9</sup> Undun yobune kotigon nagila loon Jelusalem Silonyot ki folon logumuk. Loon Sadanđi ninŋuk, “Du Bepan mihinin biyagon nobu hatiliwen kan

inaniŋ tatakula kwetfolon fowen. <sup>10</sup> Bepaŋ'walaŋ Mededi indiŋ yolak doktiŋa tatakula fowen, 'Bepaŋ adi aŋelonŋye yapmeune buŋa gehitubulodaŋ gabudokoneŋ.'

<sup>11</sup> Tiŋa indiŋ maan yolak, 'Adi kohonŋon gitagonŋ ganagi foonŋ gapmeune kawadedi kayoge-kabe nemu youlek.' "

<sup>12</sup> Unduŋ yobune Jesudibo niŋguk, "Bepaŋ'walaŋ Mededi indiŋ maan yolak, 'Du Wapumge Bepaŋ tikamanda mu timimbenŋ.' "

<sup>13</sup> Sadaŋ adi tikamanda mebimebi unduŋ timiŋa bikabuŋa uguk. Woonŋ nai niŋdok woomhatiguk.

*Jesu ne'walahi menot momoonŋ mu timiŋinŋ  
(Matiyu 4:12-17; 13:53-58; Mak 1:14-15; 6:1-6)*

<sup>14</sup> Unduŋ tiŋa Uŋgoniŋ Munabulidi miŋ-ikiliti timimbune Jesu Galilide uguk. Uune gigitŋinŋ Galili maaneŋ nadidapmaginŋ. <sup>15</sup> Kaŋ bopyotneŋ foonŋ Bepaŋ'walaŋ mede yoyo tubune metamdi nadiŋa nintilolonŋ tigiŋ.

<sup>16</sup> Unduŋ tiŋa Jesu adi yolikwelide Nasaletde uguk. Uŋonŋ woonŋ feŋ tuluguk unduŋ Sabat folon Judahi'walaŋ bopyotneŋ foonŋ Bepaŋ'walaŋ Youkudip Mede kunale pilali yakuk. <sup>17</sup> Kaŋ polofet Aisaiyadi pepa youkuk u tiŋa miŋinŋ. Kaŋ pepa bilibetnit u tiŋa fiyali kudi indiŋ youkuk u kaŋ kunahautaguk,

<sup>18</sup> "Metam fiyewakahi mede momoonŋ yeniyeniŋ titiŋdok naniŋguk doktiŋa Wapum'walaŋ Munabuli nukut hatak. Nu adi meeniŋ kayohik kohohik tawadi ibikilitiŋit u fiyakuyemdok yoŋa napmeune bugut,

tiņa me dauhik sipmakahi u yehitubutomyemdok napmeune bugut, eņ me yalaņ yeniņa kubo tiyemiin u yehitubulodadok napmeune bugut. <sup>19</sup> Tiņa undugoņ gulet deniņ hinek Wapumdi mehinekņiye yehitubu-lodawaak yoguk u yohautadok yo napmeune bugut.”

<sup>20</sup> Jesu adi mede unduņ kunali pepa gwihiņa tipilapilaye-me yakuk u miņa fo ikuk. Kaņ metam hogohogok uņoņ ikinj adi Jesu dautelet timiņiņ. <sup>21</sup> Unduņ tubune yeniņguk, “Mede i kunale nadiņit kamiņ agaņ folooņ mintalak.”

<sup>22</sup> Unduņ yobune metam uņoņ ikinj adi medeņiņ nadiņa boho tiņa mede momooņ yolak niņiņ. Tiņa indinj yogiņ, “Me yadi Josep mihiniņ. Detiņa mede unduņ yolak?”

<sup>23</sup> Unduņ yobu adibo tomboyoula indinj yeniņguk, “Hidi mede indinj agaņ naninenj hinek nadilat, ‘Haguwo me, du mebige be kudi Kafanaum gwaņ tilaņ undugoņ da’walaņ yokekwwakenenj ingoņ tubune gabunim.’ ”

<sup>24</sup> Unduņ yoņa tomboyoula indinj yeniņguk, “Polofet adi yolikwelinenj meņimeniyedi kahaņinda tiin. <sup>25</sup> I nadinenj. Koom Ilaija’walaņ nai foloņ Judiya kwetneņ uņoņ tam kahat fee hatigiņ, kaņ nai uņaniņ gwi mu ula hatibu gulet lufomkulitniņ tiņa muyakip 6 dapmaune Judiya kwet uņoņ map wapum hinek mintaguk. <sup>26</sup> Unduņ tuguk ingoņ Ilaija niņkulune nebek ne’walahi yabe mu uguk, adi tobo niņkulune tam kahat niņ Saidon kwetneņ Salefat uņoņ itouluguk kawe uguk. <sup>27</sup> Tiņa undugoņ polofet

Ilaisa'walaņ nai foloņ Judiya uņoņ me wede hakihinit fee hatigiņ iņgoņ me noli mu yehitubu-kedebaguk adi me Siliya niņ me Naiman hogok buune tubukedebaguk.”

<sup>28</sup> Unduņ yenimbu metam bopyot maaneņ ikin hogohogok adi welehik kadakaune <sup>29</sup> pilali Jesu hamanti yokwet wapum magineņ fogiņ. Fooņ nagila kweboboe foloņ looņ bebelineņ silone tukutne logiņ. <sup>30</sup> Iņgoņ Jesu adi metam banamhik gineņ uņgoņ wooņ wodimaan uguk.

*Jesu adi Kafanaum yokwetneņ uņgoņ kwanai tuguk*

*(Mak 1:21-28)*

<sup>31</sup> Unduņ tiņa Jesudi wooņ Galili kwetneņ yokwet wapum niņ Kafanaum uņoņ wooņ Sabat foloņ metam Bepaņ'walaņ mede yenindidime tuguk, <sup>32</sup> kaņ metam uņoņ ikin hogohogok adi mede molomdi fuluņgoņ hinek yoguk doktiņa nadiņa boho tigiņ.

<sup>33</sup> Tiņa me niņ bopyotneņ uņoņ ikuk adi yabapnit ala kutifiyeen indin yoguk, <sup>34</sup> “Jesu Nasaletniņ, du maņgoņ tinimbe buņa? Du nihitubukadaka be tibe buņa? Du Bepaņ'walaaniņ me uņgoniņ u agaņ nadigamulat.”

<sup>35</sup> Unduņ tobune Jesudi yabap indin nintoguk, “Kabup! Mede wabiņa me adi'walaņ welen maaneņniņ labubuņa wen.” Unduņ nimbune yabapdi me u folofigita nemu miņa hogok tukulune maņ halune labubuņa uguk.

<sup>36</sup> Kaņ metam uņoņ ikin adi boho tiņa nehi uņgoņ indin yonadigiņ, “Mede i dediniņgoņ

hinek yonak? Me ya yabap heki mede sanjiniñnit hinek yenimbu mede nadiñ.”

<sup>37</sup> Jesu adi unduñ tubune gigitñinđi yokwet wapum magimagi u tuwot udapmaguk.

*Jesudi Saimon yapmañ tam eñ meeniñ yagithinit noli yehitubu-kedebaguk  
(Matiyu 8:14-17; Mak 1:29-34)*

<sup>38</sup> Unduñ tiña Jesu adi bopyot biña fowoon Saimon yolineñ uguk. Saimon yapmañ tam adi yagit tiña foloon kudup daune hakuk. Kañ Jesu nimbune <sup>39</sup> foon Saimon yapmañ deihakukneñ yali yagit u niñkulune Saimon yapmañ kedebaan pilali nanañe nonñonñ nanañdok yonã tiulidokoguk.

<sup>40</sup> Mele fohebiune metam nohiye yagithinit yanagila Jesu'walañ buune kohon foloohik folon kameeñ yehitubu-kedebaguk. <sup>41</sup> Tiña yabap heki maañ yehikeleune mehinek welehiñ maaneñniñ fobuña woon yakawe tonã “Du Bepañ Mihiniñ” niñniñ. Tiña yabap heki Jesu adi Kilisto agañ nadigiñ, doktiña unduñ mu yodok yonã Jesudi yenihep tubune ugiñ.

*Jesu adi yokwetkwet wanañ yaunã Mede Moomoon yohautaguk  
(Mak 1:35-39)*

<sup>42</sup> Helehelede Jesudi yot biña foon woon kwet mehinek mokit gineñ uguk. Kañ helehautaune metam adi foon lohigiñ, lohina tubumintaan yokwet u mu bibiñdok niñniñ. <sup>43</sup> Nimbune yeninguk, “Nu Bepañ'walañ Hatihati Unñoniñdok Mede Moomoon yoyo yokwet noli gineñ maañ tibit, tiña Bepañ adi wondegon napmeu bugut.”



44 Undun yonã Judiya kwetneñ yaunã Judahi'walañ bopyotneñ foyaunila Mede Momoon yohauta yauguk.

## 5

*Jesu medeññ nadiña pisi fee mongokin  
(Matiyu 4:18-22; Mak 1:16-20)*

<sup>1</sup> Heleniñ Jesu adi Genesalet imengwan maginew yatune metam feedi Bepañ'walañ mede nadinim yonã Jesu yakukneñ bugiñ. <sup>2</sup> Metam fee woon bopneune kwet kili tuguk kañ muwage lufom labu imengwan magineñ yakumuk kañ me pisi kaliñ tigiñ adi umbenhik youtet tulu <sup>3</sup> Jesu adi muwage niñ foloñ loguk. Muwage u Saimon'walañ ala looñ ilaña nimbune kabemuniniñ siloneune imengwan gineñ uguk. Kañ Jesu adi ungoñ ila Mede Momoon yeniyeniñ tuguk.

<sup>4</sup> Mede Momoon yendiapmaan Saimon niñguk, “Hidi muwagehik-kabe siloneune uyeu umbenhik kotigoñ kiyapmaan kanew.”

<sup>5</sup> Undun niñguk kañ Saimondibo yoguk, “Bombongi, indi timiñ kwanaimiñ wondegoñ tiña folooñ nemu kamun ingoñ du yolañ doktiña umben kedem kiyapmaan kawit.”

<sup>6</sup> Undun yonã umben kapmaune ime gineñ foguk kañ pisi mohok gibitañ fotokoune umben dokodegoñ tuguk. <sup>7</sup> Kañ me nohiye muwage noli foloñ hakiñ u kohowai kuyembune buña yehitubu-lodaan pisi mongo boiune muwage lufomnikoñ tokooñ ime maaneñ fofondegoñ hinek tugumuk. <sup>8</sup> Kañ Saimon Pitadi u kañ Jesu heben

folonj mulelem timina ninguk, “Wapum, nu me kadakaninjit ale binabuña wenj.”

<sup>9</sup> Saimon tina me nolinye adi pisi gibita mongokin u kanj boho tiginj. <sup>10</sup> Kanj Saimon nolinyat Jems dut Jon, adi maanj kanj boho tugumuk. Meyat u Sebedi mihinyat. Undunj tiginj kanj Saimon ninguk, “Munta mu tibenj, kaminj tububihila hatitalowaanj adi metam mongomongot kwanai tuluwaanj.”

<sup>11</sup> Undunj yenimbu muwagehik yehiamane labu kinj folonj boina bombonhik ungonj biyabuña Jesu keleenj uginj.

*Jesudi me wede hakinit tubukedebaguk  
(Matiyu 8:1-4; Mak 1:40-45)*

<sup>12</sup> Jesu adi yokwet wapum ninj ginenj hakuk. Unjon me ninj wede hakinit itouluguk. Ala Jesu kanj kwetfolonj maanj hali ninguk, “Me wapum, da nadilanj, nehitubu-lodawe kanj kedem nehitubukedebawenj.”

<sup>13</sup> Undunj nimbune Jesudi kanj kohonj kihiwali honeenj ninguk, “Kedem nadigamulat ale walandawenj.” Undunj nimbune nai unjaningonj me u kedebaguk. <sup>14</sup> Kedebaune Jesudi indinj niheguk, “Metam mu yenimbihilaanj. Silonyot dininj talitimen’walañ didimenjonj wenj kanj gabunadiwek. Kanj metamdi gabuña aganj kedebanjañ undunj gabunadinenj dok wooñ koom Mosesdi yoguk undunj Bepanj dok kale dumunj hemundumundune timimbenj.”

<sup>15</sup> Undunj niheguk ingonj Jesu’walañ gigitnjindi kwetkwet u hautadapmaune metam feedi buña

medenij nadiune yagit mebimebihinit yehitubu-kedeban <sup>16</sup> metam biyabuŋa kwet fileŋ woon ninadi kwanai maan tuluguk.

*Jesudi me niŋ kayon kohon kumuhi tubukede-baguk*

*(Matiyu 9:1-8; Mak 2:1-12)*

<sup>17</sup> Helenij Jesu adi Mede Momoon yoyo tulune Falisi tiŋa Yodoko Mede hinale Galili, Judiya, tiŋa Jelusalemhi adi buŋa ila nadigin. Kaŋ yagithinit yehitubu-kedebadok Wapum'walaŋ saŋiniŋ u Jesu dut hakuk. <sup>18</sup> Kaŋ me noli adi me niŋ kayon kohon kumuhi falik folon kameen nagila bugin. Buŋa yot maanen fon Jesu heben folon kamenim yo tigin <sup>19</sup> inŋon metam fee doktiŋa baŋam nemu hakuk kaŋ beemiŋa yot foloniŋ login. Loon ginan kitomuŋa gulup ginen unduŋon halu kapmaune foguk. Foon metam baŋamhik ginen Jesu heben folon hinek fon hakuk.

<sup>20</sup> Kaŋ Jesudi nadisukilitihik kanadiŋa niŋguk, "Notne, kadakaninŋe agaŋ tumolokutat."

<sup>21</sup> Unduŋ nimbune Falisi me eŋ Yodoko Mede hinale heki adi nadinadihik ginen indin nadigin, "Me i dediniŋon doktiŋa sigin tiŋaloon Bepaŋ'walaŋ kwelikon tilak. Kadakanin bibin adi Bepaŋdi hogok tilak."

<sup>22</sup> Unduŋ yonadigin kaŋ Jesu adi nadisuhik agaŋ kaŋ yeniŋguk, "Hidi nadisu undihi maŋonde tiin? <sup>23</sup> Mede lonŋon dedin yodok, kadakaninŋe tumolokutat, be pilali wen? <sup>24</sup> Unduŋ yoiŋ doktiŋa Me Kobumuŋ nu kwetfolon inon kadakanin bibindok saŋiniŋne hatnamulak u tibe kanen."

Unduŋ yeniŋa me kayoŋ kohoŋ kumuhi u niŋguk, “Nu ganilat, pilali gulupge moŋgola yokede weŋ.”

<sup>25</sup> Unduŋ nimbune nai uŋaŋiŋgoŋ me u pilali gulupŋiŋ moŋgola Bepaŋ niutumbaaŋ yolide mauguk. <sup>26</sup> Uune metam adi u kaŋ boho tiŋa muntaaŋ Bepaŋ niutumbaaŋ yogiŋ, “Kamiŋ nemek uŋgoŋiŋ hinek kayam.”

*Jesudi Lewi kahileeŋ adi keledok nihamaneguk  
(Matiyu 9:9-13; Mak 2:13-17)*

<sup>27</sup> Unduŋ tiŋa Jesu adi wooŋ takis moŋgomoŋgot me niŋ wou Lewi adi kwanai yotneŋ itune kaŋ niŋguk, “Nehikeleweŋ.”

<sup>28</sup> Unduŋ niŋguk kaŋ Lewi adi pilali nemene-mek biyabuŋa Jesu keleguk. <sup>29</sup> Tiŋa Lewi adi Jesudok yoŋa yolineŋ hinaŋ wapum tuguk kaŋ takis moŋgomoŋgot me fee tiŋa metam noli wanaŋ wooŋ nagiŋ.

<sup>30</sup> Nanaŋe ila nalune Falisi tiŋa Yodoko Mede hinale noli adi Jesu mihiniŋye indiŋ yeninadiŋiŋ, “Hidi detiŋa me takis muneeŋ moŋgomoŋgot me heki tiŋa me kadakaniiŋ titiŋ dut nanaŋe noŋgoŋ naiŋ?”

<sup>31</sup> Unduŋ yonadiŋiŋ kaŋ Jesudibo yeniŋguk, “Haguwo me adi metam kedehi mu yehitubulodalak. Adi metam yagithinit yehitubulodalak. <sup>32</sup> Undugoŋ nu maan me fofohi lolonhinit yehitubulodadok mu bugut. Nu adi me kadakaniiŋ titiŋ yehitubulodawe bugut.”

*Jesudi nanaje kameheja ninadi titinj dini mede yoguk*

*(Matiyu 9:14-17; Mak 2:18-22)*

<sup>33</sup> Metam nolidi Jesu indinj ninadigin, “Jon Imeyout Tububihit mihiniye tiña Falisi heki mihihiye adi nanaje kamehep tiña map hali ninadi kwanai tiinj, kañ du mihigeye adi nanaje ime manjonde nainj?”

<sup>34</sup> Undun ninadigin kañ Jesudibo yeninguk, “Hidi dedinj nadiinj, me kohokukut titindok adi hinamuni ginej unjon halune me nanaje nanadifodok bunej adi nanaje kamehep kedembe tinej? U tuwot mon. <sup>35</sup> Injon nai ninj me wapumhik yolom nagilune nai unjaninj adigili kadem nanaje kameheja map hatinej.”

<sup>36</sup> Undun yenija tomboyoula yoyout mede indinj yeninguk, “Nebek ninji haule kobut dobuja dahidahi bumun folon mu kamegaliña tibinelak. Undun tubune dahidahi kobuli u tubukadakafit tibek. Tiña komi be kobuli adi undihiyakingon mon. Undun doktiña tuwot mu tibek. <sup>37</sup> Be nebek ninji wain ime gitipmun tutumbaar kale gitnemdi ime tout tibineyagin unolok komi ginej tuwot mu ugolowek. Undun tibek adi wain ime kobulidi tout komi tubutawaan kwatne tibek. <sup>38</sup> Ale undun mu titindok, tobo wain ime kobuli adi tout kobuli ginej hogok ugolodok. <sup>39</sup> Kañ nebek ninj wain ime komi nahatilak adi wain ime kobuli nakaan indinj yobek, ‘Wain ime kobuli adi kobañ mon.’ ”

*Jesudi Falisi heki Sabat dinij mede tubudaneen yeninguk*

*(Matiyu 12:1-8; Mak 2:23-28)*

<sup>1</sup> Sabat folon Jesu adi mihinjiye dut wit fiye ginen talik ugin. Unjila mihinjiyedi wit foloon wootitiila fagihina kaipmun nagin. <sup>2</sup> Kan Falisi heki adi yabune tuwot mu tubune yenintonan indin yeningin, “Yodoko Medenikdi Sabat folon kwanai mu titindok yolak kan hidi mangonde undun tiin?”

<sup>3</sup> Undun yobune Jesudibo yeninguk, “Hidi Dewit tina meniyedi map nadinan tigin u mube kunali nadinan? <sup>4</sup> Dewit adi woon Bepan’wala Silonyotnen fon Bepandok belet ungonin yonan kamegin u tina naan meniyeye yembune nagin. Kan Yodoko Medenikdi undun mu titindok yonit, adi Silonyot dinin talitimenan hogok nanandok yonit.”

<sup>5</sup> Tina tomboyoula indin yeninguk, “Undun doktina Me Kobumun adi Sabat maan kadokolak.”

*Jesudi Sabat folon me nin kohon kumun tubukedebaguk*

*(Matiyu 12:9-14; Mak 3:1-6)*

<sup>6</sup> Sabat noli folon Jesu adi Judahi’wala bopyotnen fon Mede Momoon yoyo tuguk kan me nin kohon didimenin kumun tuguk adi ungon ikuk. <sup>7</sup> Kan Falisi tina Yodoko Mede hinale heki adi Jesudi Sabat folon nebek nenobu tubukedebaune kan mede ginen kameandok yonan yamangon ila kakuwakin.

<sup>8</sup> Kañ Jesu adi nadinadihik u kanadiña me kohon kadakanin u ninguk, “Pilali ingon laben.” Undun ninguk kañ me u pilali yakuk <sup>9</sup> kañ metam yeninguk, “Nu yonadi nin tibit. Yodoko Medenikdi Sabat folon dedin titindok yolak? Meenin yehitubu-lodadok be yehitubu-kadakadok yolak? Be meenin hatihatihik tomboyoyemdok be yehitubu-kadakayemdok yolak?”

<sup>10</sup> Undun yonã metam unon ikin yabudapmaan me kohon kumon ninguk, “Kohoge kihiwalen.” Nimbune kohon kihiwalune utumbahinakaguk.

<sup>11</sup> Kañ Falisi heki adi kwihitanon hinek nadiña Jesu dedin timindok u nehi unon yonadigin.

*Jesudi mihiniye 12 yehikahileen yehidaneguk  
(Matiyu 10:1-4; Mak 3:13-19)*

<sup>12</sup> Nai unon Jesu adi kweboboe nin folon loon timin Bepan ninadi kwanai hogok ha-timilune heleguk. <sup>13</sup> Kañ hanin metam Jesu keleyagin yenimbu bunã bopneune me 12 yehidaneen wohik Aposel yeninguk. <sup>14</sup> Me yehidane tuguk wohik indin: Saimon (wou noli Pita), agan kwayan Endulu, Jems, Jon, Filip, agan Batolomi <sup>15</sup> Matiye, Tomas, agan Jems Alifiya mihinin, agan Saimon Selot, <sup>16</sup> en Judas Jems mihinin, tinã Judas Kaliotnin, adi kougon hatigene Jesu memik kohohik folon kameguk.

*Jesu'walañ saninininindi metam fee yehitubu-  
kedebaguk  
(Matiyu 4:23-25)*

17 Jesu adi unduŋ tiŋa mihiniye dut kwet gutuneŋ foon metamŋiye fee gut hatilune metam Judiyahi, Jelusalemhi, tiŋa ime gagayeŋ Taiya dut Saidonhi <sup>18</sup> adi Jesu medeŋiŋ nadiune yagit mebimebihinit yehitubu-kedebadok yona bugiŋ.

Jesudi metam yabaphinit yehitubu-kedebaguk <sup>19</sup> tiŋa saniniŋiŋiŋdi metam hogohogok yehitubu-kedebaguk doktiŋa metam feegoŋ nehi wehemila kedebadok gigne tigiŋ.

*Jesudi metam fofonhinit mede yeniŋkiliti tiŋa mute mede yeniŋguk  
(Matiyu 5:1-12)*

<sup>20</sup> Jesudi metam yabuŋa indinŋ yoguk,

“Metam nai indinde fiyewakahi hatiŋ, hidi Bepaŋdi kahaŋ tihamulak. Hatihati Unŋoniŋ adi’walaŋ hebenŋ gineŋ hatak u hiditok gigit, wendoktiŋa hiditok adi nadiwene utumba tilak.

<sup>21</sup> “Metam nai indinde map tiŋ, hidi Bepaŋdi kahaŋ tihambune kougoŋ natoki tineeŋ. Wendoktiŋa hiditok adi nadiwene utumba tilak.

“Metam nai indinde kobulabulaye tiŋ, hidi Bepaŋdi kahaŋ tihambune kougoŋ nadi-foon gege tineeŋ. Wendoktiŋa hiditok adi nadiwene utumba tilak.

<sup>22</sup> “Hidi Me Kobumuŋ’walaŋ mede tilolon tubune me nolidi habukwihitaanŋ hehikelekuŋ tiŋa hanimpekit tineeŋ wendok nadibedi mu tineeŋ. Bepaŋdi kahaŋ tihambaak doktiŋa habunadiwene utumba tilak.

<sup>23</sup> “Metam nemek undihi tihamneeŋ wendok nadibedi mu tineeŋ. Hidi kougoŋ kibikoŋ kunum



gineŋ moŋgotneen wondok nadifo tineŋ. Me unduŋ tiin heki adi koom papahiyedi polofet hekidok undugoŋ tiyemagiŋ.”

<sup>24</sup> Unduŋ yoŋa mute mede indinŋ yoguk, “Me muneen bombonhinit hidi hatihati kulemanŋ aganŋ hatiinŋ doktiŋa habunadiwe tuwot mu tilak. <sup>25</sup> Me kobuk nai indidegoŋ natoki tiinŋ hidi kougoŋ map tineenŋ doktiŋa habunadiwe tuwot mu tilak. Me gegeham tiinŋ hidi malabumuŋ wapum hinek tubumintaanŋ kobulabulaye tineenŋ doktiŋa habunadiwe tuwot mu tilak.

<sup>26</sup> “Me metamdi haniutumba tiinŋ hidi habunadiwe tuwot mu tilak. Koom papahiyedi polofet yalayalanŋ hekidok undugoŋ hinek tiyemagiŋ. Unduŋ dokti nadinadinŋale hatineenŋ.”

*Jesudi memikniye welenikdi yabukahileen  
menot tiyemdok yoguk*

*(Matiyu 5:38-48; 7:12)*

<sup>27</sup> “Metam medene nadiinŋ hidi indinŋ hani-lat. Memikhiye yabukahileenŋ menot tiyemaneenŋ, tiŋa me habukwihita tiinŋ maanŋ undugoŋ momooŋ tiyemaneenŋ. <sup>28</sup> Me mede kadakaninŋ haniinŋ u not tiyemaneenŋ tiŋa me momooŋ mu tihamiinŋ aditok Bepaŋ ninadiyaneenŋ. <sup>29</sup> Nebek ninŋ fauge foloŋ ulune kaŋ fambekenenŋ kotigoŋ fauge fuku-ninŋ maanŋ mimbune utuwaak. Be nebek ninŋ dahidahi wahininŋ golom tubune kaŋ dahidahi hinek\* maanŋ kwihimiluwaanŋ. <sup>30</sup> Metam neenŋdi nemek ninŋdok ganimbune u kedem miluwaanŋ, tiŋa nebek ninŋdi nemek du’walaŋ golom beune

---

\* **6:29:** Dahidahi wahininŋ u saketdok yolak. Enŋ dahidahi hinek adi sinjilis wendok yolak.

kaŋ koti gamdok mu niluwaan. <sup>31</sup> Metam nolidi titiŋ dediniŋ tihamdok nadiiŋ, undugoŋ hinek hidi maan aditok tiyemaneen.

<sup>32</sup> “Hidi metam kibi momoon tihamiin aditok hogok kibibo momoon nobu tiyemiŋa kahaŋ deti moŋgotneŋ? Me kadakanin hinit adi undugoŋ metam nolidi nadiyemiin u kibimaan undugoŋ tiyemiin. <sup>33</sup> Tiŋa hidi metam momoon tihamiin hekidok hogok kibimaan momoon tiyemiŋa kahaŋ deti moŋgotneŋ? Metam kadakanin titiŋ adi undugoŋ tiin. <sup>34</sup> Tiŋa hidi nemek niŋ metam yembune kotigoŋ hamdok nadiŋa yemiin aditok hogok yemiŋa kahaŋ detiŋa moŋgokaneen? Me kadakanin hinit adi maan nemek me nolidok yemiŋa undihigoŋ moŋgotdok nadiin.

<sup>35</sup> “Unduŋ adi mu taneen, hidi adi memikhiyedok nadiyemiŋa momoon tiyemiŋa nemek yemaneen u tobonin moŋgotdok mu nadiyaneen, kibikon adi kougoŋ moŋgotneen, tiŋa Bepaŋ Lolonit’walaŋ wapmihi tineen. Tiŋa metam noli mu nadimiin be metam kadakahi u maan momoon tiyemulak. <sup>36</sup> Unduŋ doktiŋa hidi Behikdi welekulema ha-tilak undugoŋ hidi maan metam welehihiki hinek yabukahileen welekulema tiyemaneen.”

*Welekulemanit hatiŋa yom bibiŋ taneen*  
(*Matiyu 7:1-5*)

<sup>37</sup> “Hidi metam yomhikdok kibikon tiyemdok mede mu yodapmayaneen kaŋ Bepaŋdibo kibi hide’walaŋ yomhikdok kibikon tihamdok mede mu yodapmawaak. Tiŋa undugoŋ hidi meeniŋ yomhinit yenisilone mu tiyaneen kaŋ Bepaŋdi

maan undugon hide mu hanisilonewaak. Undun doktiņa hidi me noli'walaņ kadakaninņhik biyem-bune kedem Bepaņdi hidi'walaņ kadakaninņhik maan bihamuluwaak.

<sup>38</sup> “Tiņa hidi metam noli nemenemek yemaneen kaņ Bepaņdi kibibo hamuluwaak. Inņon hidi metam nolidok dediniņon yemaneen kaņ Bepaņ adi u kaņ kabe-kalakapmeen wapumņon hamuluwaak.”

<sup>39</sup> Undun yeniņa yoyout mede indin yeniņguk, “Me niņ dawi sipmakaņ adi noliņin tuwot mu nagila talik nindidimeen udemek. Undun tiņa woon adi ham gineņ nonņon mademek. <sup>40</sup> Be pepayot wapmihi niņdi hinaleniņ kalakapme mu tilak, inņon pepayot wapmihi adi pepayothik fodapmaan mindaņ hinale dut nonņononņon tiņ.

<sup>41</sup> “Du maņņonde noke dawi gineņ figifigi kaņ da'walaņ dauge gineņ kwet muņ wapum foon ihelak u mu kadakalelaņ? <sup>42</sup> Kwet muņ wapum dauge gineņ ihelune noke indin detiņa nimben: ‘Notne nadiune figifigi dauge gineņ ihelak u tukulit.’ Yalaņ-me du! Da'walaņ dauge gineņ kwet muņ wapum itak u timen tukulaņa diwedakaleen kedem noke'walaņ dawi gineņ figifigi u kaņ tukulimimben.”

*Bem dediniņon yetiņ adi foloon undiniņon mintalak*

*(Matiyu 7:17-20; 12:34-35)*

<sup>43</sup> “Bem fofoon folon mindipmuņ hogoli mu mintaiņ, be bem hogoli folon mindipmuņ fofoon mu mintaiņ. <sup>44</sup> Bem hogohogok kiliki mintaiņ u

agañ nadiyam. Hidi bim u ñaso foloñ mu youyap-mainj, be kopi u haut foloñ mu tomiinj.† <sup>45</sup> Undun doktiña me momoonj adi welenj ginenj nemek momoonj hatak u miñgoñ yobihitak, eñ me hogoli adi welenj maanenj nemek hogoli hatak u miñgoñ yobihiletik. Nemenemek welehik maanenj ikiinj u foloñ mahikdi eñ namandahik foloñ yobihikiinj.”

*Yot mamañ diniñ mede*  
(Matiyu 7:24-27)

<sup>46</sup> “Wapumne, Wapumne naniinj, hidi mangoñde nu nemek titiñdok hanilat u mu tiinj? <sup>47</sup> Metam hogohogok nu’walañkade buña medene nadiña kelenj tiinj adi yadi indihini. <sup>48</sup> Me niñ adi yot niñ maguk, yot mawe kwet wenetafoonj yot taka kawade foloñ wenedagak. U yot fafañej maguk doktiña ime gabuñ wapum buña yot foloñ youkiñgineej uguk iñgoñ yot waliwali mu tuguk.

<sup>49</sup> “Kañ me medene nadikabeleenj mu kelenj tiinj adi indihini. Me niñ adi yot kiñ foloñ maguk, kañ ime gabuñ wapum buña yot foloñ youkiñgineune yot u maañ golomunumunuke tuguk. Me medene nadiña mu kelenj tiinj adi undihini kuyoñ.”

## 7

*Jesudi mikme heki’walañ talitimenj diniñ*  
*tipilapilaye-meniñ tubukedebagak*  
(Matiyu 8:5-13)

---

† **6:44:** Jesudi bem kilik fofoonj yendok wain eñ fik yoguk.

<sup>1</sup> Jesu adi metam mede unduŋ yenindapmaan Kafanaumde uguk. <sup>2</sup> Uŋoŋ mikme'walaŋ talitimenŋ wapum niŋ hatiluguk ala adi tipilapilayemeniŋ momooŋ hinek timiluguk adi yagit kisaŋ tiŋa kumundegoŋ tuguk. <sup>3</sup> Kaŋ adi Jesu buguk u nadiŋa Judahi me wapuhidi wooŋ Jesu nimbune buŋa tipilapilaye mihiniŋ tubukedebadok yeniŋguk. <sup>4</sup> Kaŋ Judahi me wapuhi adi wooŋ Jesu baigoŋ hinek indiŋ ninadigiŋ, "Me u fofooŋ doktiŋa tubuloda hinek tibenŋ nadiyam. <sup>5</sup> Adi adi Judahi indi welenŋdi nibukahileenŋ bopyot niŋ maninguk."

<sup>6</sup> Unduŋ niŋa nagila nonŋoŋ ugiŋ wooŋ yot tubudulaune mikme'walaŋ talitimenŋdi mede indiŋ kameu uguk, "Wapum, nu me loloŋnit bale nu yotneneŋ beŋ? <sup>7</sup> Tiŋa nu aindiniŋ doktiŋa mu wooŋ gabuŋat, ale hogok uŋoŋ hali mede hogok yobenŋ kaŋ tipilapilaye-mene kedem kedebawek. <sup>8</sup> Nu na maanŋ me wapum diniŋ falipmenŋ hatilatdi mikme unenŋ yenimbe wiŋ, be bunenŋ yenimbe biŋ, be tipilapilaye-meneye nemek u tineŋ yenimbe tiŋ doktiŋa ganilat."

<sup>9</sup> Unduŋ nimbu Jesudi mede u nadiŋa boho tiŋa metam keletaugiŋ indiŋ yeniŋguk, "Nu nadisukil-iti indiniŋ nemu kagut, Isilae kwetneŋ maanŋ nemu kagut."

<sup>10</sup> Unduŋ yobune me mede nai tiŋa bugiŋ u udaneenŋ yopmanŋ wooŋ kaune tipilapilaye-me agaŋ kedebaanŋ hakuk.

*Jesudi tam kahat niŋ'walaŋ mihiniŋ kumuŋ gineniŋ tubukaikaguk*

<sup>11</sup> Muniniŋ hatigene Jesu yokwet wapum niŋ wou Nain uŋoŋ uguk. Kaŋ mihiniye tiŋa metam bop wapum noŋgoŋ keletiŋa ugiŋ. <sup>12</sup> Woon yokwet wapum'walaŋ yeme gineŋ wosuwalune me dabaŋ niŋ wenene bem bugiŋ. Me kumuŋ tuguk u tam kahat niŋ'walaŋ mihi, tam kahat u mihiniŋ kubugoŋ-kabe uŋakoŋ doktiŋa metam fee noŋgoŋ bugiŋ.

<sup>13</sup> Kaŋ Jesudi tam kahat u kaŋ bulaniŋgoŋ hinek nadimiŋa niŋguk, "Makat mu kolen." <sup>14</sup> Unduŋ niŋa woon bogit honeune me bogit bem ugiŋ adi uŋgoŋ yaŋiŋ kaŋ yoguk, "Mekuya, nu ganilat ale pilat." <sup>15</sup> Unduŋ nimbune me dabaŋ u pilali ila mede yoguk, kaŋ Jesudi miŋ dut kotigoŋ hatidok niŋguk.

<sup>16</sup> Unduŋ tubune metam hogohogok adi munta tiŋa Bepaŋ niŋa tiloloŋ tiŋa yogiŋ, "Polofet wapum adi kamiŋ indi'walaŋ iŋoŋ mintalak, Bepaŋ adi mehinekŋiye yehitubu-lodawe buguk."

<sup>17</sup> Unduŋ tubu gigitŋiŋdi kwetkwet hautaguk.

*Jesu dut Jon'walaŋ mede  
(Matiyu 11:2-19)*

<sup>18</sup> Kaŋ Jon mihiniye adi woon nemenemek mintaguk u nimbu nadiŋa <sup>19</sup> meyat lufom yenimbu buune indiŋ yeniŋguk, "Woon Wapum indiŋ ninadidemek, 'Du Jondi me bubuŋdok yoguk ukube, be nolidok woomuyaneem?' "

<sup>20</sup> Unduŋ yenimbu ugumuk woon Jesu hakukneŋ wosuwaan niŋgumuk, "Indi Jon Imeyout Tububihitdi mede indiŋ ganinadidim yoŋa ninimbu bumut, 'Du me adi niniŋguk ukube, be nolidok woomuyaneem?' "

<sup>21</sup> Unduņ buņa nimbune nai uņaņiņgoņ Jesudi metam yagit mebimebihinit be yabaphinit be dauhik sipmakahi yehitubu-kedebaņ meyat indiņ yeniņguk, <sup>22</sup> “Hidi udaneņ uдемек. Woon nemenemek mintaune kanadi tamuk u Jon nimbune nadiwek. Me dauhik sipmakahidi dauhik diwetom tiņ, kayohik kadakahidi talik yawiņ, wede hakihinitdi walandaiņ, be magihik kaulehidi mede nadiņ, kumuņ tigiņ koti kaikaiņ, agaņ fiywakahi Mede Momooņ nadiņ. <sup>23</sup> Me nediyeņ nu’walaņ titiņne kaņ nadikadaka mu tilak adi Bepaņdi kaune utumba tilak.”

<sup>24</sup> Jon mihiniyat udaneņ ulune Jesudi metam Jondok indiņ yeniņguk, “Hidi Jon kane kwet fileņ ugiņ u maņgoņ kane ugiņ? Hidi baniņgip sububadi fedilu uņambuņat tilak ube kane ugiņ? <sup>25</sup> Be me tinahukut kinonom tilak undiniņbe kane ugiņ? Me tinahukut undihi tinahukukiņ tiņa momooņ hatiņ adi mapme yohineņ hogok hatiņ.

<sup>26</sup> “Be polofet niņ kane ugiņ? Indiņ hanimbe nadineņ. Hidi me wooņ kagiņ adi yadi polofet noli yalapakme tilak, tiņa adi yadi me uņgoniņ hinek. <sup>27</sup> Jondegoņ Bepaņ’walaņ Mededi indiņ yolak, ‘Nu kwanai-mene kamewe timene wooņ talik doбуi tigambaak.’ ”

<sup>28</sup> Unduņ yoņa tomboyoula indiņ yeniņguk, “Indiņ hanilat, metam hogohogok kwetfoloņ mintagiņ nebek niņdi Jon mu kalakapmeņ lolak, iņgoņ nebek Bepaņ’walaņ hebeņ foloņ Hatihati Kobuli gineņ fofonit-kabe hatilakdi Jon kalakapmeņ lolonit tilak.”

<sup>29</sup> (Me takis mongomongot tagin tiña metam hogohogok, koom Jondi Imeyout tiyemguk adi Jesu'walañ mede nadiña yogin, “Bepañ'walañ mede talii u didimenin hinek.” <sup>30</sup> Ingon Yodoko Mede hinale tiña Falisi heki adi Jondi Imeyout mu tinimbek yogin doktiña Bepañ'walañ hebet aditok gigit tuguk u keleket tigin.)

<sup>31</sup> Kañ Jesudi indin yoguk, “Metam kobuhi i mangon dinin tuwolit kamekaan yenimbit? <sup>32</sup> Adi yadi wapmihidok tuwolit. Wapmihi adi yowawaliwen bopnen halina nohiyedok indin yeniin, ‘Indi kap momoon togumun ingon nadifo mu tigin, be kap bulaningon togumun ingon makat mu kokin.’ <sup>33</sup> Jon Imeyout Tububihit ne adi buña nanaje kamehep tiña ime fafanenin maan mu naguk kañ ‘Me yabapnit’ ningin. <sup>34</sup> Kañ Me Kobumun adi buña nanaje ime naune kañ indin yoin ‘Me i nanaje molo tiña ime fafanenin nanan tilak doktiña me takis muneen mongomongot en me kadakahi'walañ nohik.’

<sup>35</sup> “Hidi undun hati yoin, ingon metam Bepañ'walaanin nadinadi mongokiin adi Bepañ'walañ nadinadi wendok nadiune foloon hinek tilak undun tubudakalenimiin.”

*Tam nin Jesu kayon folon haguwo mundunnitdi yougominguk*

<sup>36</sup> Tebele Jesu Falisi me nin di nanaje adut nanandok ninguk doktiña adi yolinen ugumuk. <sup>37</sup> Kañ yokwet unon tam nin hatihatiniñ kadakanin hinek ala Jesu Falisi yolinen hatak nadiña ime mundun momoon toutniñ kawadedi tigin u tiña uguk. <sup>38</sup> Woon Jesu sigin ginen yali



makat kolu dawī meeniᅇdi Jesu kayoᅇ foloᅇ maan̄ youtelu ki hapmuᅇdi kayoᅇ tumoloᅇ siᅇgoᅇgome tiᅇa ime munduᅇ momooᅇdi yougomguk.

<sup>39</sup> Kaᅇ me Falisi Jesu nagi uguk adi indiᅇ nadiᅇa yakaguk. “Me i polofet biyagoᅇ nobu kaᅇ tam wehemit tilak i hatihatiniᅇ kadakaniniᅇ u kedem kaᅇ nadiluwek.”

<sup>40</sup> Unduᅇ ila nadiguk kaᅇ Jesudi niᅇguk, “Saimon, nu mede-kabe niᅇ ganimbit.”

Unduᅇ nimbu Saimondibo yoguk, “Hinale, nemek u kedem nanimbeᅇ.”

<sup>41</sup> Unduᅇ nimbune Jesudibo indiᅇ niᅇguk, “Meyat lufom adi me niᅇ muneᅇᅇ kibi kougoᅇ tubu-udanemiᅇdok yoᅇa nimbu yemguk. Me noli 500 kina miᅇguk agaᅇ noli 50 kina miᅇguk.

<sup>42</sup> Kaᅇ meyatdi muneᅇᅇ kibikoᅇ mu tubu-udanemiᅇgumuk doktiᅇa fiit wabi tuguk. Kaᅇ meyat adi’walaaniᅇ neeᅇdi bombongoᅇdok nadimimbune loloᅇ hinek tuguk?”

<sup>43</sup> Unduᅇ nimbu Saimondi yoguk, “Me kadakaniniᅇᅇ wapum bimiᅇgukdi.”

Unduᅇ yobune Jesudi yoguk, “U biyagoᅇ.”

<sup>44</sup> Unduᅇ yoᅇa udaneeᅇ tam u kaᅇ Saimon ninadiguk, “Tam i maan̄ be kaᅇaᅇ? Du yokeneᅇ buᅇat kaᅇ kayone youtetdok ime nemu namuᅇaᅇ, kaᅇ tam i dawī meeniᅇdi kayone youtela ki hapmuᅇdi tumoloᅇak. <sup>45</sup> Du yokeneᅇ bene nehisiᅇgogome mu tiᅇaᅇ, iᅇgoᅇ tam i adi busuwa tiᅇat uᅇaniᅇ kayone siᅇgoᅇgome tiᅇak u mu

wabinjak. <sup>46</sup> Du kine folon wel nemu yougomnamunan ingon adi yadi haguwo mundun momoonji kayone yougomnamunak. <sup>47</sup> Undun doktina indin ganilat, adi welenji nabukahile hinek tilak wondoktina kadakaninjin hogohogok agan dapmalak. Ingon nebek nin kadakaninjin kuyaninjon bimilat adi yadi welenji kuyaninjon nabukahilelak.”

<sup>48</sup> Undun yona kotigon tam u ninguk, “Kadakaninje agan tumolokutat.”

<sup>49</sup> Undun tubu me noli unon ila kagin adi nehi ungon indin yonadigin, “Me i dedinin doktina kadakanin tumolo-tumolo tilak.”

<sup>50</sup> Kan Jesudi tam u ninguk, “Nadisukilitigedi kadakanin ginenin ganagila gehitubu-lodalak ale kulemanjon woon hatibaan.”

## 8

*Jesudi kwanai tiyaulune kayonbopniye adi maan nonjon takalija yaugin*

<sup>1</sup> Muninin hatigene Jesu yokwet indigon yauna Bepan'wala Hatihati Kobuli dinin Mede Momoon yohautayauguk. Kan mihinije 12 nonjon yaugin, <sup>2</sup> tina tam noli yabaphinit en yagithinit koom yehitubu-kedebaguk adi maan nonjon yehikeletaugin. <sup>3</sup> Tam indinji yehikelegin: Susana, en Maliya Madalanin (tam u Jesudi yabap 7 yehikeleminguk) tina Yoana (yohoi wou Susa adi Helot'wala yot kadokoluguk.) Adi tina tam noli muneen bombonhinit adi Jesu tina mihinije yemtoi tiyaugin.

*Jesudi yoyout mede sayoli kilik folonj kamekaanj yoguk*

*(Matiyu 13:1-9; Mak 4:1-9)*

<sup>4</sup> Tiņa metam uņaniņ uņaniņ buņa bop wapum tubune Jesudi yoyout mede niņ indinj yeniņguk.

<sup>5</sup> “I nadinenj. Me dinina molo niņ adi nemek yeuli yetibe moņgola uguk. Moņgo woonj sayoli kilik kukam unduņ kukuk. Kulune noli talipmenj magiņ kaņ metamdi yaliune bagi hekidi buņa kunatnagiņ.

<sup>6</sup> Noli kwet kawade ginenj maan kadogin inņonj ime moņ doktiņa kumuņ tiginj.

<sup>7</sup> Kaņ noli haņginep maanenj maan labuginj inņonj haņginepdi hefulaginj.

<sup>8</sup> Noli kwet galikit folonj magiņ adi kedem labuņa foloonj fee duhuginj. Tiņa yeti tiginj dininj kunakunat u kalakapmeen

100, 100 unduņ mintaginj.”

Unduņ yeniņa indinj yodapmaguk, “Nebek niņ adi nadidakalewe kaņ magi baigonj kametnadiņa nadiwek.”

*Jesu mihinjyedi yoyout mede mebidok ninadiginj*

*(Matiyu 13:10-17; Mak 4:10-12)*

<sup>9</sup> Unduņ yenimbu Jesu mihinjye adi yoyout mede mebidok ninadiginj kaņ yeniņguk,

<sup>10</sup> “Bepaņ’walaņ hebenj folonj Hatihati Kobuli dininj mede hebininj hatak u Bepaņdi agaņ hanim-bihitak, kaņ mehinek noli adi yoyout mede folonj kamekaanj yenilat ala

‘Adi kanim yo kainj inņonj tuwot mu kadakaleinj, eņ nadinim yoņa nadiinj inņonj tuwot mu nadidakaleinj.’”

’Adi kanim yo kainj inņonj tuwot mu kadakaleinj, eņ nadinim yoņa nadiinj inņonj tuwot mu nadidakaleinj.’”

’Adi kanim yo kainj inņonj tuwot mu kadakaleinj, eņ nadinim yoņa nadiinj inņonj tuwot mu nadidakaleinj.’”

*Jesudi yoyout mede dininj mebi yeniņguk*

*(Matiyu 13:18-23; Mak 4:13-20)*

<sup>11</sup> Undun yonja tomboyoula indin yeninguk, “Yoyout mede yonjat wendinin mebi indin. Sayoli kilik u adi Bepanj’walañ mede. <sup>12</sup> Ala kiliki talipmen kulune maune bagi hekidi naging u adi metam noli Mede Momoon nadin ingon me kadakanin di buña welehik ginen yolom mongotak. Metam Mede Momoon nadin nadisukiliti tubune Bepandi yanagilaakneñ yonja undun tilak.

<sup>13</sup> “Kañ kawade ginen kulune magin adi metam noli mede nadin nadigalika tiñ ingon welehik maanen mu folak, ala tikamanda be malabumun mintayembune pilap gweheyein.

<sup>14</sup> “Kañ noli hanginep ginen kulune magin adi metam noli Mede Momoon nadin hatinila hatihikdok nadibedi tiñ be muneen bombondok nadigigine tiñ, be kwetfolon nemenemekdok siloda wapum tiñ doktin Mede Momoon nadin u foloon nit mokit tilak.

<sup>15</sup> “Kañ noli kwet fofoon ginen kulune magin adi metam momohi Mede Momoon nadin welehikdi kahileen hatin folon tubumintain.”

*Kaman galiña kufulahebi mu tiñ  
(Mak 4:21-25)*

<sup>16</sup> Undun yenin noli indin yoguk, “Nebek nin di kaman galiña kufula mu tilak. Tobo galiña folon ingon kameune metamdi hauta kañ yot maanen foñ. <sup>17</sup> Biyagon kuyon, nemek kabup hatak u hakene nainin de mingon mintawaak, en nemek yawe tigin u fiyatanakiyeune mingon mintawaak.

18 “Unduñ doktiña nadinadiñale hatiyaneñ. Nebek niñ adi nemek miñgin u boiña hatibune kañ tomboyouli-mimbaak, eñ nebek niñ nemek miñgin u mu kame hatiña netok nadiune nemek hatnamulak nabugoñ nadiwaak adi yadi nemek-kabe halimilak u lomtubune hogok hatiluwaak.”

*Jesu'walañ miñ kwayaniye  
(Matiyu 12:46-50; Mak 3:31-35)*

19 Jesu miñ kwayaniye adi Jesu kane bugiñ iñgoñ mehinek fee doktiña fakan yañ. 20 Kañ me niñdi Jesu niñguk, “Maange kwayageye mede ganine fakan woomgamiñ.”

21 Unduñ nimbune Jesudibo yeniñguk, “Nu maane kwayaneye adi metam Bepañ'walañ mede nadiña tagimneñ heki uñak.”

*Sububa dut imengwanñdi Jesu'walañ medeññ tagimnegumuk  
(Matiyu 8:23-27; Mak 4:35-41)*

22 Heleniñ Jesu muwage foloñ looñ mihiniye imengwanñ fokolok lonim yeniñguk kañ ila ugiñ.

23 Ila wooñ Jesu damo deikuk kañ fifiñgobut tiña ime giyondañ buña muwage maaneñ fooñ yehitubu-fambekenewe tuguk. 24 Kañ mihiniye adi Jesu talamsukuleen indin niñgin, “Wapum, Wapum, indi agañ ime gineñ wopmabutne tam!”

Unduñ nimbune Jesu adi sukuleen pilali sububa dut ime yenihep tubune kulemagumuk. 25 Kañ mihiniye yeniñguk, “Hidi nadisukilitihik de?”

Unduñ yeniñguk kañ adi boho tiña muntaañ nehi uñgoñ indin yonadigiñ, “Me i dediniñ doktiña sububa dut imedi medeññ nadiyamuk.”

*Jesudi me yabapnit tubukedebaguk  
(Matiyu 8:28-34; Mak 5:1-20)*

<sup>26</sup> Woon Galili ime meñeña Gelasa wosuwaan  
<sup>27</sup> Jesu adi tatakula kiñ folon foune me niñ yabapnitdi buña kaguk. Me u tinahukutnit mokit hambiyek hatiluguk. Tiña yopman mu itouña meytoneñ hogok itouluguk. <sup>28</sup> Ala Jesudi yabap niñkulune me u kañ yakawe kadakanin toña heben folon mañ hali kutifiyeen indin nimbulabulayeguk, “Jesu, Bepañ Lolonit Mihin, du mangon tinambe bulan? Du folofigita kisanjon mu namben ganilat.”

<sup>29</sup> Me u yabap welen maanen hakin di ningigineune hatigiyongiyonda tiña hatiluguk doktiña nai fee tawa fafañenindi (sendi) kayon kohon tehina yot fafañeninñen kameyagin ingon tawa fafañenin tubudokoon labu yabap hekidi ningigineen nagilune kwet fileñ yauluguk. <sup>30</sup> Ala Jesudi ninguk, “Du wohoge neen?”

Unduñ nimbune, yabap feedi fomingin doktiña indin yoguk, “Nu wotnene ‘Me Mohok.’”  
<sup>31</sup> Unduñ ninguk kañ yabap heki adi yeningkulune hamdok gigit mu titindok yon mede kwanai tigin.

<sup>32</sup> Tiña kweboboe hapmenen ungon makaye mohok heyemagin ala yabap heki adi yeningkulune woon makaye welehek maanen fofondok yon Jesu nimbulabulayeen ninadigin.

<sup>33</sup> Unduñ ninadigin kañ yabap heki yeningkulune woon makaye heki welehek maanen foune makaye heki kigonkula woon maham

gineŋ tatakula ime gineŋ foonŋ ime naaŋ nadilali kumuŋŋiŋ.

<sup>34</sup> Unduŋ tubune me makaye yabudoko tagiŋ adi nemek mintaguk u kaŋ momo wooŋ kahat yokwet wapumneŋ eŋ diniyeti tiŋa ikagiŋneŋ yohautagiŋ. <sup>35</sup> Kaŋ metamdi nemek mintaguk u kane ugiŋ. Wooŋ Jesu yakukneŋ kaune me yabapnit hatiluguk u yabap heki bikabugiŋ kaŋ tinahukut tiŋa nadinadiŋiŋ dakaleune ilu kaŋ munta tigiŋ. <sup>36</sup> Tiŋa mehinek noli kakaŋ tigiŋ adi dediŋ tiŋa kedebaguk u me noli yenimbune nadigiŋ.

<sup>37</sup> Unduŋ tiŋa Gelasahi adi munta kisaŋ hinek tigiŋ doktiŋa Jesudi kwet u biŋa uunɔdok niŋgiŋ, kaŋ muwage foloŋ looŋ une tigiŋ. <sup>38</sup> Kaŋ me yabapnit hatiluguk adi Jesu indiŋ niŋguk, “Nu kedem be dukut wit?”

Niŋguk kaŋ Jesudi moŋ niŋa indiŋ niŋguk, <sup>39</sup> “Yopmanɔde udaneenŋ wooŋ Bepaŋdi kudi unŋoniŋ hinek tigamuŋak wendok kahat tiyembenŋ.”

Unduŋ nimbune me u udaneenŋ wooŋ Jesudi nemek timiŋguk u metam hogohogok yenimbune nadigiŋ.

*Nadisukilitihik doktiŋa Jesudi yehitubulodaguk  
(Matiyu 9:18-26; Mak 5:21-43)*

<sup>40</sup> Jesu imenŋwanŋ fokolok loune metam woom tigiŋ doktiŋa ninadifo tigiŋ. <sup>41-42</sup> Kaŋ Ju-dahi'walaŋ bopyot diniŋ me wapum niŋ wou Jailas adi wosuwaanŋ Jesu kaŋ kayoŋ foloŋ maanŋ hali waabiŋiŋ kubugoŋ hinek guletŋiŋ 12 agaŋ

kumumbe tubune yolinenj uunjdok baigonj hinek ninadiguk.

Kan Jesu talipmenj ulune metam feedi kutumula keletauginj. <sup>43</sup> Tina tam ninj muyakip yagit tomboyoutnit ti hatibune gulet 12 tuguk adi wananj ungonj uguk. Adi haguwo-me heki'walanj woonj muneenjinj aganj kudapmaguk injonj mu kedebaguk. <sup>44</sup> Ala adi metam banamhik ginenj ungonj woonj Jesu siginenj dahidahinjinj diki wehemila kedebaguk. <sup>45</sup> Kan Jesudi yoguk, "Nu neenji nohonetak?"

Undunj yobune metam hogohogok adi monj yuginj kan Pitadi ninjuk, "Wapum, du metam bop wapum indininj gehikeleinj mube yabulanj."

<sup>46</sup> Undunj ninjuk injonj Jesu adi gigne tina yoguk, "Nebek nohoneune sanjinjne fofoye-tobune nadilat."

<sup>47</sup> Undunj yobune tam adi aganj nehitubumintalak yonja heheleenj bunja Jesu kayonj folonj maanj hali metam namandahik folonj manjonjde honeen pilap hinek kedebaguk u nimbune nadiguk.

<sup>48</sup> Undunj yobune Jesudi ninjuk, "Waabine, nadisukilitigedi gehitubu-kedebalak ale kulemanjonj wenj."

<sup>49</sup> Jesu adi undunj yayolune me ninj Jailas yolinenjkade mede tina buguk bunja Jailas indinjinjuk, "Waabige aganj kumulak ale hinale nimbu unjonj mu wek."

<sup>50</sup> Undunj nimbune Jesudi nadinja Jailas indinjinjuk, "Du munta mu tibenj. Nadisukiliti hogok tibenj kan kedem kedebawek."



<sup>51</sup> Unduņ niņa agañ Jailas yolineņ wosuwaan yot maaneņ me fee mu fofonđok yonā Pita, Jon, Jems agañ Jailas malam hogok yanagila fogin.

<sup>52</sup> Kaņ metam yot maaneņ hakiņ adi waabi kumuņ tuguk wondoktiņa matkunum ha-tigin. Hatulune Jesudi foon yeniņguk, “Waabi i kumuņ mu tiņak ale makat wabineņ, adi damo deihatak.”

<sup>53</sup> Unduņ yenimbune metam uņon hakiņ adi waabi u agañ kumuņguk doktiņa Jesudi mede yoguk u nadihanindaan gege tigin.

<sup>54</sup> Kaņ Jesudi waabi u kohon folon honeen niņguk, “Waabi, pilat!” <sup>55</sup> Unduņ nimbune waabi u nai uņaniņgon munabuliņiņ udaneune pilali ikuk, kaņ Jesudi nanane neeņ mimbu nawek yeniņguk.

<sup>56</sup> Unduņ tubune Jailas malam adi kaņ boho tugumuk kaņ Jesudi nemek u mintaguk u nebek nemu nimbihitemek yeniņguk.

## 9

### *Jesudi mihiniye 12 kwanai-mede yeniņguk (Matiyu 10:5-15; Mak 6:7-13)*

<sup>1</sup> Jesudi mihiniye 12 yenimbu wooņ bopnegin kaņ yabap yehikelektudok eņ yagit mebimebi yehitubu-kedebadok saņiniņ yemguk. <sup>2</sup> Yemuņa Bepaņ'walaņ hebeņ gineņ hatihati uņgoniņdok Mede Momoon eņ yagithinit yehitubu-kedebadok yauneen yonā <sup>3</sup> indin yeniņa yeniņkukuk, “Talik unene nemek nemu moņgo uneen. Tothik be lihik be nanane be muneen be dahidahi noli mu moņgola uneen. <sup>4</sup> Yokwet wapum gineņ uune haniutumbaan hanagila yot hapmeyaneeneņ uņgon

itawoon kwanai tubudapmaan pilali yawaneen.  
<sup>5</sup> Be yokwet niŋ gineŋ uune metam mu haniu-tumbaan medehik mu nadiŋa tubune kaŋ yokwet u biŋa kayohik foloŋ figifigi ungoŋ metam namandahik foloŋ ulumamaŋeune foune yawaneen. U metam'walaŋ mebihik nadidakaledok nadiŋa mute unakoŋ tiyembune kayaneen.”

<sup>6</sup> Unduŋ yenimbu mihiniye adi yokwet indigoŋ yaunŋa Mede Momoon yoyo tiŋa metam yehitubukedebayaugin.

<sup>7</sup> Kaŋ Galilihi'walaŋ me mapme Helot adi nemenemek u mintaune metamdi mede fee yobune nadigiyonŋiyone tuguk. Metam nolidi indiŋ yoyagin, “Me ya Jon Imeyout Tububihit kotigoŋ kumuŋ gineniŋ kaikaan pilakuk.”

<sup>8</sup> Unduŋ yogiŋ kaŋ noliyen Ilaia kotigoŋ mintaguk yolu noliyen polofet komi kumuŋ gineniŋ kaikaan pilakuk yogiŋ.

<sup>9</sup> Kaŋ Helotdi yoguk, “Jon kodi agaŋ udokogut kaŋ i me nedigoŋ'walaŋ gigitniŋ nadilat.” Unduŋ yoŋa Jesu kakanŋdok kwanaimiŋ hinek tuguk.

*Jesudi meeniŋ 5 tausen nanaŋe yemtoiguk  
(Matiyu 14:13-21; Mak 6:30-44; Jon 6:1-14)*

<sup>10</sup> Aposel heki kwanaide yeniŋkulu ugiŋdi kwanai tubudapmaan udaneen buŋa nemene-mek tigiŋ hogohogok u Jesu nimbu nadiguk. Nimbu nadiŋa mihiniye yanagila nehi hogok Besaidade ugiŋ. <sup>11</sup> Kaŋ metamdi u nadiŋa yehikele-taugin kaŋ Jesudi yeninadifo tiŋa Bepaŋ'walaŋ Hatihati Kobulidok yeniŋa metam yagithinit noli yehitubu-kedebaguk.

<sup>12</sup> Unduŋ ha-tulu mele folune mihinjiyedi woon niŋgiŋ, “I kwet fiilen ale metam agaŋ yeniŋkulune yokwet gineŋ be diniyeti tiŋa ikinneŋ woon yot, nanaŋe, ime yehitubu-mintaneŋ.”

<sup>13</sup> Unduŋ yogiŋ kaŋ Jesudi yeniŋguk, “Hidi hide nemek nanaŋdok neeŋ yembu nananeŋ.”

Unduŋ yoguk kaŋ mewoidibo yogiŋ, “Indi adi belet yawe kohofukuŋ eŋ pisi lufom hogok boi-hakam. Tiŋa indi metam fee yendok nanaŋe deti tuwanim.” <sup>14</sup> (Mewoi hogok kunakunathik 5 tausen).

<sup>15</sup> Unduŋ yogiŋ kaŋ Jesudi yeniŋguk, “Metam yehidaneu 50-di bop niŋ, 50-di bop niŋ tiŋa itneŋ.”

<sup>16</sup> Unduŋ yenimbune mihinjiye u tubudap-maune belet yawe kohofukuŋ eŋ pisi lufomuk u moŋgola dadiyeen kunum foloŋ diween Bepaŋ niutumbaan metam daneyemdok yoŋa wobuŋa mihinjiye yembune daneen yemtaugiŋ. <sup>17</sup> Kaŋ metam hogohogok naaŋ tuwot tubune mihinjiyedi nadikidiki u bondibondi 12 kadahitokogiŋ.

*Pitadi Jesu'walaŋ mebi yobihikuk  
(Matiyu 16:13-28; Mak 8:27-9:1)*

<sup>18</sup> Heleniŋ Jesu adi mihinjiye dut hatiŋa ne hogok ninadi kwanai tuguk. Tiŋa mihinjiye indin yeninadiguk, “Metamdi nutok dedin naniin?”

<sup>19</sup> Kaŋ adibo niŋgiŋ, “Nolidi Jon Imeyout Tubu-bihit yoiŋ eŋ nolidi Ilaija yoiŋ, eŋ nolidi Jelemaiya yoiŋ, kaŋ nolidi polofet komi niŋ kaikaan pilakuk yoiŋ.”

<sup>20</sup> Unduŋ yobune nehibo yeninadiguk, “Kaŋ hidi hide nutok dedin naniin?”

Unduŋ yeninadiune Pitadi yoguk, “Du Bepaŋ’walaŋ Kilisto, kwetfoloŋ metamdok Tubuloda-me kameune bubundok yofafaneŋuk uŋakoŋ.”

<sup>21</sup> Unduŋ yobune Jesudi mede i nebek nemu yenimbihitdok hinek yoŋa yenihep tiŋa indin yeniŋguk, <sup>22</sup> “Silonyot dinin talitimenŋ wapum heki eŋ Yodoko Mede hinale heki tiŋa Judahi’walaŋ me wapuhi noli adi Me Kobumuŋ medeŋinŋ mu nadiŋa folofigita wapum miŋa ulukumuneŋ, inŋoŋ helebufa lufomkulitinŋ dapmaune kotigoŋ kumuŋ gineninŋ kaikaan pilalaak.”

<sup>23</sup> Unduŋ yoŋa metam wanaŋ yenimbu buŋa bopneune tomboyoula indinŋ yeniŋguk, “Nebek niŋdi nu nehikelewe nadiŋa ne’walaŋ welenŋ dininŋ nadinadi be siŋinŋ dininŋ nadinadi wabidapmaanŋ helemahelenaŋ kolonŋdabekŋinŋ bemaŋa nu nehikeleluwaak.

<sup>24</sup> “Biyagoŋ hinek hanimbe nadinenŋ. Nebek niŋdi hatihatiniŋ netok kahilewaak adi fiit timimbaak. Be nebek niŋdi nutok tiŋa hatihatiniŋ bikabaak adi hatihati foloŋ kahilewaak. <sup>25</sup> Me niŋ kwetfoloŋ dininŋ bombonŋdok nadigalika tiŋa welenŋ kuyaniŋdok mu nadiŋa, be Bepaŋ sigilulum timiŋa hatiŋa wooŋ hatihati foloŋ hinek deti kahilewaak. U tuwot moŋ hinek. <sup>26</sup> Eŋ nebek niŋ kobuk nai indidegoŋ na be medene indi sigilulum tinimbaak adi nu maanŋ uदानeŋ aŋelo uŋgoŋinŋ hekidut kunum namandap saŋiniŋ uŋgoŋinŋnit buneemneŋ, me be tam u sigilulum timimbaat. <sup>27</sup> Biyagoŋ hinek hanilat.

Metam i ikiin noli kumuḡ mu tiṅa hogok hatiṅa Bepaṅ'walaṅ Hatihati Kobuli mintadakaleune ka-neeṅ.”

*Jesu adi folonamandap ne'walaṅ miṅgoṅ tubu-mintaguk*

*(Matiyu 17:1-8; Mak 9:2-8)*

<sup>28</sup> Mede unduṅ yeniṅa hatibune Sonda kubu-goṅ dapmaune Jesudi Pita, Jon, agaṅ Jems yanag-ila ninadi kwanai tine kweboboe foloṅ logiṅ.

<sup>29</sup> Loonṅ Bepaṅ ha-ninadilune Jesu namanda uṅgoṅiṅ tiṅa tinahukutṅiṅ adi fafau niyaniyaṅ holiholiṅenit hinek tuguk.

<sup>30</sup> Unduṅ tubune nai uṅaṅiṅgoṅ meyat lufom dut mede yonadi ya tigiṅ. <sup>31</sup> Meyat u Moses dut Ilaija, adi kunum saṅiṅiṅ hautanit wanaṅ mintaṅ yakumuk. Mintaṅ yali Bepaṅdi yohebet timiṅguk wondok tuwot Jesudi keletawoon Jelusalem uṅoṅ tubudapmaanṅ kwet i bikabaak wondok yonadi yatigiṅ.

<sup>32</sup> Kaṅ Pita tiṅa me noliṅiyat adi damo deihakiṅ ala pilali Jesu kunum diniṅ holiholiṅeṅiṅ kaṅ meyat lufom adi maṅ Jesu dut noṅgoṅ yalune yabugiṅ. <sup>33</sup> Tiṅa meyat adi Jesu bikabuṅa uṅdok tubune Pitadi Jesu indiṅ niṅguk, “Wapum, kedeṅ hinek indi maṅ iṅgoṅ hakam, ale yoholaṅ lufomkulitniṅ manim, noli dutok, noli Mosesdok agaṅ noli Ilaijadok.” (Mede u mu nadidakaleeṅ hogok yofit tuguk.)

<sup>34</sup> Mede yayolune mulukwaṅdi buṅa yehitumune Jesu mihiṅiye adi munta tigiṅ. <sup>35</sup> Munta tiṅa yanadilune mulukwaṅ gineṅ mede niṅ indiṅ mintaune nadigiṅ, “Yadi na'walaṅ Mihine hinek,

ale hidi adi'walaŋ medeŋiŋ nadimiyaŋeeŋ. Adi kwanai wendogoŋ tubudakalegut.”

<sup>36</sup> Mede unduŋ nadiŋa kaune uŋoŋ Jesu ne hogok yakuk. Kaŋ u kaŋ Pita heki adi nai uŋaŋiŋ nemek u mintaguk u nebek nemu yeniŋgiŋ.

*Jesu nadisukilitimiŋa yabap yeniŋkelektudok yeniŋguk*

*(Matiyu 17:14-23; Mak 9:14-32)*

<sup>37</sup> Kweboboe foloŋ hakiŋ ala heleune fogiŋ kaŋ metam bop wapumdi Jesu buŋa kagiŋ. <sup>38</sup> Kaŋ me niŋdi lekiŋgoŋhik gineŋ yali indiŋ katiguk, “Hinale, i kaweŋ. Nu mihine i fiit tubulodaweŋ yo ganilat, nu mihine kubugoŋ-kabe uŋakoŋ.

<sup>39</sup> Ala yabap feŋ fomilak wendi fomimbune sukuleeŋ yakawe tolak, tiŋa kwetfoloŋ tukulune maan hali maŋiŋ faik tilak. Tiŋa yabapdi folofigita wapum hinek miŋa pilap mu bikabulak.

<sup>40</sup> Unduŋ doktiŋa mihigeyedi kelektuŋeŋ yeniŋat kaŋ niŋkelekuŋiŋit iŋgoŋ mu labu bu uŋak.”

<sup>41</sup> Unduŋ yobune Jesudi indiŋ yenintoguk, “Gweheye bilakenehi hidi, detiŋa nadisukilitihik kuyaŋiŋ kabe! Nai dedigoŋ hidut hatiŋa hanimbe nadisukilitineeŋ? Mihige u nagila iŋgoŋ bu!”

<sup>42</sup> Mihi u nagi bulune yabapdi pilap hinek tukulune maan kwetfoloŋ hakuk. Kaŋ Jesudi yabap hogoli niŋkulune uune mihi u tubukedebaŋ koti beudok miŋguk.

<sup>43</sup> Unduŋ tubune metam hogohogok adi Bepaŋ'walaŋ saŋiŋiŋ u kaŋ boho tigiŋ. Metam adi Jesudi nemenemek tuguk u kaŋ boho tiŋa tulune adi mihiŋiye indiŋ yeniŋguk, <sup>44</sup> “Nemek niŋ hanimbit u kaule mu tineeŋ. Me Kobumuŋ adi

kwetfolon me'walañ kohohik folon kameneñ.”  
<sup>45</sup> Adi undun yenimbune mede wendiniñ mebi hebihat tuguk doktiña mu nadidakalegiñ. Undun tiña mede wendok ninadineñ yo nadigiñ ingon munta tiña wabi tigiñ.

*Jesu mihiniye nehi'walaaniñ nediyeñ loloñnit hinek tilak yoña kilonkilon tigiñ*  
*(Matiyu 18:1-5; Mak 9:33-40)*

<sup>46</sup> Jesu mihiniye adi'walaaniñ me nediyeñ loloñnit hinek tilak yoña nehi ungon siwenegiñ.  
<sup>47</sup> Kan Jesudi mañgonde siwenegiñ u agañ nadiña wapmihi-kabe niñ nagila buña lekingonhik folon kameune yalune indin yeniñguk, <sup>48</sup> “Nebek niñ nu wotnene folon wapmihi indiniñ momoon timiluwaak u nu tinamuluwaak, eñ nebek niñ nu momoon tinamuluwaak u me napmeune bugut timiluwaak. Nebek niñ hidi'walaaniñ adi wougigit-nit mokit eñ fofonit hinek adi yadi loloñnit hinek tilak.”

<sup>49</sup> Kan Jondi indin niñguk, “Hinale, indi me niñ du wohoge yoña yabap yehikeleune kamun, ingon adi indut tomboyola du wanañ mu gehekeleyaulak doktiña mon nihemun.”

<sup>50</sup> Undun yobune Jesudibo niñguk, “Mon, mu nihedok. Nebek niñ mik mu tihamulak adi yadi hidi'walañ nohik.”

*Samaliyahidi Jesu eñ mihiniye yot kameheyemgiñ*

<sup>51</sup> Jesu kotigon kunum gineñ udanedok naiñin dulaune Jelusalemde loloñdok nadikwambundan yoguk. <sup>52</sup> Undun yoña me noli yeniñkulune timen ugiñ, woon Samaliyahi'walañ yokwet niñ

gineŋ nemenemek tiulidoko tine ugiŋ. <sup>53</sup> Ingoŋ uŋahi adi Jelusalemde we yoguk doktiŋa uŋoŋ mu uundok yoŋa nihep tigiŋ.

<sup>54</sup> Unduŋ tubune Jesu mihiniyat Jems dut Jondi u kaŋ Jesu ningumuk, “Wapum, du kedem yobeŋ kaŋ kunum gineniŋ kudup yodene fooŋ yehi-dadapmawek.”

<sup>55</sup> Unduŋ yogumuk kaŋ Jesudi udaneen unduŋ mu titiŋdok yoŋa moŋ yenintoŋa <sup>56</sup> yokwet noli gineŋ une ugiŋ.

*Inde’walaŋ titiŋ u ulatifoŋ Jesu didimeneŋgoŋ takalidok  
(Matiyu 8:19-22)*

<sup>57</sup> Talipmeŋ ulune me niŋdi Jesu ninguk, “Nu du dambedambek waan kaŋ wondok tuwot gehikeleyawaat.”

<sup>58</sup> Unduŋ yobune Jesudibo ninguk, “Kamo moin heki adi kawade ginaneŋ ikiin eŋ bagi heki adi yohineŋ ikiin ingoŋ Me Kobumuŋ adi deila hakula titiŋdok kweli nemoŋ.”

<sup>59</sup> Unduŋ niŋa me niŋbo nehikeleweŋ ninguk, ingoŋ me u yoguk, “Wapum, nadiune timen woŋ batne wenefulaŋa bit.”

<sup>60</sup> Unduŋ yobune Jesudi ninguk, “Dabaŋ u biune dabahi noliyedi wenefulaneŋ. Eŋ du adi woŋ Bepaŋ’walaŋ Hatihati Kobutdok gigit yohautaweŋ.”

<sup>61</sup> Me niŋdibo yoguk, “Wapum, nu kedem gehikelewit ingoŋ timen woŋ wapmihi tamne, ‘agaŋ ulat’ yeniŋa bit.”



62 Unduñ yobune Jesudi ninguk, “Me niñdi kwanai titawoon kotigon udaneen sigisigi diwelak undiniñdi Bepañ’walañ heben gineñ hatihati kobut diniñ kwanai titiñdok tuwot moñ.”

## 10

*Jesudi me nadisukilitinit 72 timen yapmeune yokwetkwet woon Hatihati Uñgoniñ diniñ mede yeniñgin*

1 Unduñ tiña Jesudi me 72 yehidaneen me lufom lufom yeniñkulune yokwet indigon ugin. Ne kougon wene nadiña me timen yeniñkulune ugin. 2 Mede indin yeniña yeniñkukuk, “Nanane moñgotnadok fee kitain, ingon nanane moñgotnadok-medi lufomgon tilak. Unduñ doktiña hidi dinina Molom ninadiune kwanai-me noli maan yehitubu-mintaune kwanainiñ gineñ uuñdok.

3 “Unduñ doktiña unen, nu dompa heki kamo moñ gineñ wiñ unduñ dabugon haninikutat ala nadinadiñale unen. 4 Ale unene muneen, lik, en kayonnamokop adi mu moñgotneen, tiña nebek niñ talipmen tubumintaan niutumba mu tineen. 5 Hogok woon yot niñ gineñ loon timen indin yoyaneen, ‘Kulema metam yot inon ikiñ dut halek.’ 6 Tiña yot wondok gineñ me kuleman itoune kan kulema mede u biune adut hatuwaak. En moñ kan kotigon lomtaneen.

7 “En kwanai-me adi tuwahik moñgotne tinjit doktiña yot dan hapmeyaneenen uñgon hali nanane ime mañgon uñon hamaneen uñakon hogok naan hakaneen. Yot uñonbo uñonbo

adi mu itneen. <sup>8</sup> Tiņa yokwet niņ ginen uune haniutumbaen nemek hamaneen unakon naan <sup>9</sup> yagithinit yehitubu-kedebaan metam indin yeniyaneen, ‘Bepaņ’walaņ Hatihati Kobuli agaņ hehitubu-dulalak.’

<sup>10</sup> “Tiņa yokwet wapum niņ ginen uune mu haniutumbaune kaņ talik kuyahikuyahi ginen wooņ indin yeniyaneen, <sup>11</sup> ‘Yokwet wapumhik’walaņ figifigi kayonik foloņ ikiin u hidetok ulumamaņe-kuhamam. Ingoņ Bepaņ’walaņ Hatihati Kobuli agaņ hehitubu-dulalak u kaule mu tineņ.’ <sup>12</sup> Nu hanimbe nadineņ. Bepaņ’walaņ nai wapum mintawaakneņ Bepaņdi yodapmaune malabumuņ metam yokwet unahidok mintayembaak wendi malabumuņ Sodom gut Gomola mintayemguk u yalakapmeņ tibaak.”

*Kwanai me’walaņ mede nadilat yoņa Jesu eņ  
Bepaņ ne’walaņ mede nadidok  
(Matiyu 11:20-24)*

<sup>13</sup> “Hidige, Kolasinhi tiņa Besaidahi, hidi’walaņ unoņ kudi tugut u Saidon dut Taiya unoņ tibe tugut binek metam unahi adi kobulabulaye tiņa kadakaninhihik sigilulum tiyemne tigin. <sup>14</sup> Unduņ doktiņa kougoņ nai wapum foloņ hidi’walaņ malabumuņdi adi’walaņ yalakapme tibaak. <sup>15</sup> Tiņa Kafanaumhi, hidi hidetok nadiune loloņ tilak, ingoņ oņ, hidi adi hamdok gigit.”

<sup>16</sup> Unduņ yoņa Jesudi mihinije indin yeninguk, “Nebek niņ hidi’walaņ mede nadiluwaak adi nu’walaņ nadiluwaak, eņ nebek niņ hidi mon

haniluwaak adi nutok moŋ naniluwaak, tiŋa nutok maan moŋ naniluwaak adi me napmeune fogut u maan moŋ niluwaak.”

*Jesudi me 72 wohiye hatihati pepa foloŋ youlinjit wondok yenimbihikuk*

<sup>17</sup> Me 72 adi kotigoŋ udaneen nadifo foloŋ busuwaan yogin, “Wapum, indi yabap heki maan du wohoge foloŋ mede yenine nadinjit.”

<sup>18</sup> Unduŋ yogin kaŋ Jesudi yeninguk, “Nu Sadaŋ kawene filimpit tilak dabugoŋ tiŋa pilap hinek kunum ginenin diliteleen foguk. <sup>19</sup> Ale i nadineŋ, nu mingembet mikhinit be mangitalita foloŋ yaliune mu hehisinŋdok saŋinin be me kadakanin dinin saŋinin ulatifofonŋdok saŋinin maan hamuŋat. Tiŋa nemek ninŋi tuwot mu hehitubu-kadakuwaak. <sup>20</sup> Ingoŋ yabap hekidi medehik nadinjit wondoktiŋa moŋ, hidi’walaŋ wohiye kunum ginen youlinjit hatak wondoktiŋa nadifo tineŋ.”

*Meenin Jesu’walaŋkade kadin adi Jesu ne’walaŋ mebi nadin*

*(Matiyu 11:25-27; 13:16-17)*

<sup>21</sup> Nai unanin Jesu, Ungonin Munabuli’walaŋ welenadifodi fotokomimbune indin yoguk,

“O Me Baŋ, kunumkwet dinin Wapum,

Du nemenemek i me nadinadihinit be nadinakalehinit’walaŋkade kamehebi tugun. Tiŋa me nadinadihikdok nadiune wapmihidok tuwolit tilak aditok adi mingon taŋakiyeyembune kain. O Me Baŋ, da

undun mintadok yokwambundaan nadifo tugun wondok tuwot mintalak doktiņa nadifo tiņa ganiutumbalat.

22 “Nu Batnedi nemenemek agan namdapmalak tiņa adi kubugondi nadinamulak. Nebek noli nemon. Kan nebek niņdi Me Ban mu nadimilak, Mihidi hogok nadimilak. Tiņa me nediyen Mihidi yehidanelak adi hogok yenindakaleune nadidakaleiņ.”

23 Undun yeniņa Jesu udaneen mihiniyedok hogok indiņ yeniņguk, “Nediyen nemek hidi kaiņ u kanen adi Bepandi yabunadiune utumba tilak doktiņa kedem nadifo tineņ. 24 Nu biyagon hanilat. Polofet fee tiņa Judahi’walaņ mapme fee adi nemek hidi kaiņ i kanim yoņa gigne tigiņ iņgon mu kagiņ. Tiņa nemek hidi kobuk nadiiņ u nadinim yoņa gigne tigiņ iņgon mu nadiģiņ.”

### *Samaliyaniņ me niņdi memikniņ tubulodaguk*

25 Yodoko Mede hinale niņ nadinadiņiņ wapum hinek adi pilali Jesu’walaņ nadinadi kameka kameka tibe indiņ ninadiguk, “Hinale, nu dedin tiņa Hatihati Fafaņeniņ kahilewaat?”

26 Undun niņguk kaņ Jesudibo niņguk, “Yodoko Mededi dedin yolak, kaņ du metam dedin yenin-didimelaņ?”

27 Undun ninadiune yoguk, “Du Wapum Bepaņge welegedi be munabuligedi be saņiniņgedi be nadinadigedi aditok hogok nadimindapmaluwaan. Tiņa datok nadilaņ undugon hinek metam nolidok nadiyemiluwaan.”

28 Unduŋ yobune Jesudi niŋguk, “U biyagon hinek yolaŋ ale unduŋoŋ tiŋa kedem hatibaan.”

29 Unduŋ yoguk kaŋ Yodoko Mede hinale adi nadimimbune me nadinadinit mokit tibaakneŋ yoŋa kotigon indinŋ ninadiguk, “Nu notne neeŋ?”

30 Yoguk kaŋ Jesudi yoguk, “Heleninŋ me niŋ adi Jelusalem biŋa Jelikode wene uguk. Kaŋ kubome hekidi woom yali honeeŋ tinahukutŋinŋ kwihi lom moŋgodapmaanŋ kisaŋgoŋ ula utubukadaka hinek tiginŋ. Tiŋa uŋgoŋ bikabuŋa uune kumuŋdegoŋ hatuguk.

31 “Kaŋ Silonyot dininŋ talitimenŋ niŋdi talik uŋgoŋ woonŋ kaŋ kakabele tiŋa talik fukuniŋ kalakapmeenŋ uguk. 32 Kaŋ Silonyot dininŋ tipilapilaye-me niŋ adi maanŋ talik uŋakoŋ woonŋ kaŋ talik fukuniŋ yakaanŋ kalakapmeenŋ uguk.

33 “Kaŋ Samaliyaniŋ me niŋ adi talik uŋakoŋ woonŋ me u kaŋ bulaninŋgoŋ kisaŋ nadinŋa 34 haguwo moŋgo woonŋ utubukadaka tiginŋ foloŋ hafiyeenŋ ibimiŋa nagiloonŋ doŋkiŋinŋ foloŋ kameeŋ nagi woonŋ yot tuwati ikiinŋneŋ kameeŋ kadokoguk. 35 Ala heleune weene me yot kadoko tulugukdok muneenŋ miŋa indinŋ niŋguk, ‘Kadokoune kougoŋ udaneenŋ buŋa kotigon nemenemek tibaanŋ wondok gehituwawaat.’ ”

36 Unduŋ yoŋa Jesudi indinŋ yodapmaguk, “Du dedinŋ nadilaŋ, me lufomkulitniŋ unjit adi’walaaninŋ neeŋdi me noliniŋ hinek tiŋak?”

37 Unduŋ ninadiune Yodoko Mede hinaledi yoguk, “Me woonŋ tubuloda tiŋak adi.”

Yoguk kaŋ Jesudi indinŋ niŋguk, “Du maanŋ woonŋ unduŋoŋ hinek tuluwaanŋ.”

*Jesu adi nemek tuwolit nimilak*

<sup>38</sup> Jesu tiņa mihinjiye adi woonj yokwet niņ ginenj wosuwaune tam niņ wou Mata adi buņa Jesu enj mihinjiye yenihamaneenj yanagila yolineņ ugiņ.

<sup>39</sup> Kaņ uņonj Mata delenj niņ wou Maliya adi buņa Jesu hebenj folonj ilaņa Jesu'walaņ mede nadinadi tuguk, <sup>40</sup> kaņ Mata adi hinaņ be yot tiulidoko wondok nadibedi tiņa kwanai tuguk.

Unduņ tiņa buņa Jesu niņguk, “Wapum, du dalane binabune kwanai na hogok tibe kaune dedinj tilak? Fit nimbune buņa nehitubulodawek.”

<sup>41</sup> Unduņ niņguk kaņ Jesudibo yoguk, “Mata, Mata, du nemek fee wondok nadibedi tilaņ <sup>42</sup> iņgoņ nemek kubugoņ hinek wondi foloonj tilak. Nemek foloonj hinek uyadi Maliyadi kahilelak u tuwot mu lomtidok.”

## 11

*Jesudi mihinjiye ninadi titiņdok talii yenindidimeguk*

*(Matiyu 6:9-15; 7:7-11)*

<sup>1</sup> Heleniņ Jesu adi kwet niņkade woonj Bepaņ ninadi hatuguk. Tiņa tubudapmaune mihinjiņ niņdi indinj niņguk, “Wapum, du Jondi mihinjiye yenindidimeguk unduņ dubo indi ninadi titiņdok ninindidimewenj.”

<sup>2</sup> Unduņ yobune Jesudi yeniņguk, “Ninadi tine kaņ indinj yoyaneenj, ‘Me Baņ, du'walaņ woho uņgoniņ hinek u ganitilolonj tinene hatuwaak. Unduņ doktiņa du buņa welenik tuwot enj kwet tuwot Wapumnik tinimbenj.

<sup>3</sup> Melenai tuwolit nananenik nimiluwaan.

<sup>4</sup> Indi me nolidi kadakanin tinimbune yomhik biyemne nibuna dubo indi'walañ yomnik tumolokut-nimiluwaan.

Tiña tikamanda gineñ mu nipmewen.' ”

<sup>5</sup> Unduñ yoña indin yeninguk, “Nebek hidi'walaanin ninđi nolinin'walañ yolineñ timin lekingon woon indin nimbek, ‘Kedem be belet yawe lufomkulitnin namben ala kibibo tuwaan gambaat. <sup>6</sup> Me notne nin timin busuwalak, kañ nu nananeñe moñ doktiña buña ganilat.’ <sup>7</sup> Unduñ yoben kañ noke wondi yot maanen ungon hali indin tuwot mu yobek, ‘Talik ağan tehekilitiña wapmihineye indi ağan deikam doktiña mu pilali gambit ale mede wapum mu toben.’ <sup>8</sup> I nadineñ, nolinin doktiña mu pilali gamdok nadiwek ingon fiit yogigine ha-tibaakneñ yoña kedem pilali nemenemekdok yoben u gambek.

<sup>9-10</sup> “Unduñ doktiña indin nadineñ. Yonadi tiin adi foloon mongokiin doktiña hidi gigne tiña yonadiyaneñ. Lohi tiin adi foloon tubumintain doktiña gigne tiña lohiyaneñ. Yeme folon yout-nadiin adi yeme dilitomyemulak doktiña gigneñ yeme youtnadiyaneñ.

<sup>11</sup> “Nebek me wapmihihinit hidi mihihikdi pisidok hanimbu miñgembet kedem be mineñ?

<sup>12</sup> Be pupup kilikdok hanimbu mañgitalita kedembe mineñ? <sup>13</sup> Hidi kadakanin titinđi wapmihihie nanane fofohi yemiin ingon on, Kunum Behik adi halakapme-dapmalakdi Ungonin Munabulidok ninadi tubune kedem hamuluwaak.”

*Jesudi yabap yehikeleune meenin nolidi ninjakadagin*

*(Matiyu 12:22-30; Mak 3:20-27)*

<sup>14</sup> Me nin adi yabapdi fomimbune mede mu yoluguk ala Jesudi yabap u keleune me u mede yoguk. Kan metam adi kan boho tigin. <sup>15</sup> Ingon nolidi yogin, “Me i yabap heki’walañ wapumhik, Belisibudi tubulodaune yabap yeninkelekuyaulak.”

<sup>16</sup> Undun yogin kan metam noliyen indin ninjin, “Du Bepañ’walaanin biyagon nobu fowen kan kudi neen tubune sanininge kanim.”

<sup>17</sup> Ingon Jesu adi nadinadihik u kanadina indin yeninguk, “Kwet wapum nin adi utawaan bop molomolom tina mindobunen kan kwet u pilap kadakawek. Be hekinolit nin adi daneen molomolom hatiña mindobu tubune lekingonhik folon utawa utawa hali kadakawek.

<sup>18</sup> “Hidi nu Belisibudi saninin nambune yabap yehikelelat yoin, ingon Sadan’walañ mebopdi utawaan bop lufom tina mindobu tubune adi’walañ kwanai deti saninin nit halek? <sup>19</sup> Ale nu undugon nobu tilit kan me hidut hatiin adi dedin tina yehikelein? Me hidut hatiin di hidi yalañ yoin u tubudakalelak. <sup>20</sup> Nu Bepañ’walañ saninin nin ginen nobu yabap heki yehikelelit kan hidi Bepañ’walañ heben folon Hatihati Kobulidi agañ hehitubu-dulalak u agañ mintadakalelak.

<sup>21</sup> “Me fafañenin nin di mik dinin bombon tiulidokoon yoli kadoko fafañen tilaknen u bombon nin kedem ilimiin, <sup>22</sup> ingon me nin fafañen



hinek wondi bulakneŋ me u ulaŋa mik bom-  
bonŋiŋ moŋgola nemek noli kubonelak u daneen  
me noliŋiye yemulak.

<sup>23</sup> “Nebek niŋ nu menot mu tinamulak adi yadi  
mik tinamulak, be nebek niŋ nu mu nehitubu-  
lodaan kwanaine kadokolak adi yadi yehitubu-  
pupuhene tilak.”

*Wele tubutakale tikaan Jesu mu bikabudok  
(Matiyu 12:43-45)*

<sup>24</sup> Unduŋ yoŋa tomboyoula indin yeninguk,  
“Yabap adi me niŋ welen gineniŋ labuŋa woon  
kwet ime moŋ gineŋ kwet fiilen hakula titindok  
kwet lohitaualak. Lohitawoon moŋ lohikaan indin  
yolak, ‘Kotigon udaneen yotnede wit.’

<sup>25</sup> “Unduŋ yoŋa kotigon udaneen woon kalune  
yot yohomuŋ tiŋa tutumbanit u kalak. <sup>26</sup> Tiŋa  
kotigon woon yabap kadakahi hinek 7 nimaan  
yanagila buŋa unŋon nonŋon itowiin. Unduŋ  
tubune me u koom yabap kubuŋon di fomimbu  
hatiguk undiniŋ u wabiŋa aŋaŋ kisaŋ hinek  
kadakalak.”

<sup>27</sup> Jesudi mede unduŋ yobune tam niŋ metam  
bop gineŋ unŋon pilali indin yoguk, “Tam  
gehitubu-mintaan gabudokoon nom gamguk adi  
Bepan di kaune utumba tilak.”

<sup>28</sup> Unduŋ yoguk kaŋ Jesudibo indin yoguk,  
“U kedem yolan ala niŋ indin, metam Bepan  
medeniŋ nadiŋa tagimneiŋ adi Bepan di yabuna-  
diune utumba hinek tilak.”

*Meeniŋ mohok Jesudi Bepan walan kudi tubune  
kakan dok yogigine tigin  
(Matiyu 12:38-42; 5:15; 6:22-23; Mak 8:12)*

<sup>29</sup> Metam feedi bopnegiŋ kaŋ tomboyoula indiŋ yeninguk, “Metam kobuhi hidi kadakaninŋ titinŋdigonŋ kunum gineninŋ kudi titinŋdok naniinŋ. Inŋonŋ kudi gitipmuŋ nemonŋ. <sup>30</sup> Jonadi Niniwehidok kudi tiyemguk unduŋ Me Kobumuŋ adi metam kobuhi kudi tiyembaak kaŋ kaneenŋ.

<sup>31</sup> “Sebahi’walaŋ Tam Wapme lolonŋnit adi yolikweli biŋa pilali Mapme Solomondi mede nadiŋuŋa nadidakalenit yoguk u nadiwene uguk. Ale indiŋ hanimbe nadineŋ. Kobuk hebehik folonŋ yatak adi Solomon kalakapme tilak doktiŋa Bepaŋ’walaŋ nai wapum folonŋ Sebahi’walaŋ Tam Wapme adi pilali metam kobuhi hidi’walaŋ mebihik yobihilune kadakaninŋhik dininŋ kibikonŋ beneenŋ.

<sup>32</sup> “Niniwehi adi Jonadi yenimbune kadakaninŋhik sigilulum timinŋinŋ. Eŋ kobuk yuku hidut yatak yoŋ adi Jonadok tuwot moŋ, ala nai wapum folonŋ metam kobuhi hidi mede gineŋ hapmeneenŋ.

<sup>33</sup> “Nebek niŋdi kamaŋ galiŋa kamehebi mu tilak, tobo galiŋa foloninŋonŋ kameu ila hautaune metamdi hauta u kaŋ yopmaŋ foinŋ. <sup>34</sup> Dauhik adi foloohik dininŋ hauta, ala dauhikdi kedem halune foloohikdi hauta gineŋ hatibetik eŋ dauhikdi sipmakaune foloohik adi mambip gineŋ hatibetik. <sup>35</sup> Unduŋ doktiŋa hautahik welehik gineŋ hatak u mambip tibaakneŋ doktiŋa nadinadinŋale hatiya-neenŋ. <sup>36</sup> Tiŋa welehik be sigihik gineŋ mambip nemu haletik adi foloohik wanaŋ hogok hautadapmawetik. U kamaŋdi galiu hautagamulak undinŋ hautawetik.”

*Bepañ'walañ mede adi manikdi hogok mu yodok*

*(Matiyu 23:1-36; Mak 12:38-40; Luk 20:45-47)*

<sup>37</sup> Jesu adi mede yodapmaune Falisi ninđi nanane nononon nanandok yona nina nagila ugu-muk. Woon nanane nanandok ikumuk, <sup>38</sup> ilana Jesudi kohon mu youtela ikuk kan Falisidi kan boho tubune ninguk, <sup>39</sup> “Falisi heki hidi adi malin be ime utnandok tout u sigihinen hogok youtewalandain, kan maanenkađe adi kadakanin titinhiđi fotokoon hatak. <sup>40</sup> Kaulehi hidi, Bepañ nemek sigin tuguk-digon maanen mube tuguk? <sup>41</sup> Undon doktina nanane ime malinhiđi ginen ikiin u fiyewakahidok yembune welehiđi walandawek.

<sup>42</sup> “Hidige! Falisi heki, habunadiwe tuwot mu tilak! Hidi adi nenenemek-kabe diniyetiin u faki Bepandok kedem miin, ingon hidi welehiđi Bepañ mu kahilein, tina metam fiyewakahi'walañ malabumun mintalak u mu yehitubu-lodaan tubudidimein. Yodoko Mede yon adi biyabu mu titindok. Tina noli dibek feñ yehikelein u maan kedem yehikeleen titindok, ingon nin takalina tina nin mu bibindok.

<sup>43</sup> “Hidige! Falisi heki, habunadiwe tuwot mu tilak! Hidi adi bopyotneñ me wohiyenit'walañ pop folon iitdok hogok nadiin tina yowawaliwen haniutumbaañ habugikingon tihamdok nadiin. <sup>44</sup> Hidi adi bom kumuhi yehiweneñ fek mu tiin kan metamdi sithik folon ungon yalina yawiin undihi. Undon doktina Bepañ namanda folon nemek undihi wa gengeñhinit.”

<sup>45</sup> Undun yobune me Yodoko Mede hinale ninđi ninguk, “Hinale, du undun yonā indi maan ninintifo tilan.”

<sup>46</sup> Undun ninguk kan Jesudibo yoguk, “Hidige! Yodoko Mede hinale heki, habunadiwe tuwot mu tilak! Hidi adi metam Yodoko Mede mal-abumun hinek yembune adi kwanaimin tiin kan hidi yehitubu-lodadok kohohik mu kihi-wakiin. <sup>47</sup> Hidi papahiyedi polofet hogohogok widihikumunin kan hidi agan yabukiyondaan sithik momoongan tutumbain. <sup>48</sup> Undun tinā papahiye’wala kadakanin u kaune utumba tilak. Adi widihikumun tigin kan hidi sithik yabu-utumba tiin.

<sup>49</sup> “Bepandi u agan nadidakaleen indin yoguk, ‘Nu polofet be aposel aditok yeninukule uune noli widihikumuneen en noli widihi yehikele tineen.’ <sup>50</sup> Undun doktinā polofet hogohogok kwet tububihikukneninon widihikumunin wondok kibikon metam kobuhi hidi hekineen. <sup>51</sup> Tububihila Abel’walaanin labugelabuge Sakaliya Silonyot maanen alta en Yotmaan Ungonin lekinonhik folon ulukumunin. Biyagon hinek hanilat. Metam kobuhi hidi, polofet kumunin hogohogok adi’wala nanathik dinin kibikon hekineen.

<sup>52</sup> “Hidige! Yodoko Mede hinale heki, habunadiwe tuwot mu tilak! Hidi metamdi Yodoko Mede nadidakaledok talik u yolomti tiin. Undun tinā hidi hide mu foin tinā metam nolidi fone nadiin inon hidi kamehep tiyemiin.”

<sup>53</sup> Jesu adi undun yonā yot u bikabuā ulune nai unaninon Yodoko Mede hinale tinā Falisi

heki adi tububihila mik timiŋa yonadi fee timimbune <sup>54</sup> maŋgoŋ mede fai niŋ yobune nadiŋa nagila mede gineŋ kameŋdok yoŋa kakuwali keleyawagiŋ.

## 12

*Nemek meeniŋdi kabup tihebiyam u kougoŋ miŋgoŋ mintadapmawaak*

<sup>1</sup> Adi unduŋ tulune metam fee hinekdi bopneŋ kiyali tubune Jesudi timenŋ mihiŋiye indiŋ yeniŋguk, “Hidi Falisi heki’walaŋ belet tububedidok haguwo gineŋ foneeneŋ ala nadinadiŋale hatiyaneŋ. Nu mede yolat adi meeniŋdi yabunadiune utumbadok hogok nadiŋa yalaŋ tiŋŋ wondok nadi hanilat. <sup>2</sup> Biyagoŋ hinek nadineŋ, nemek tumut gineŋ hatak u naininde miŋgoŋ mintadakalewaak, eŋ nemek niŋ kabup yonadiiŋ u naininde miŋgoŋ nadidapmaneŋ. <sup>3</sup> Ala nemek niŋ mambip gineŋ yoiŋ u miŋgoŋ hauta gineŋ nadidok, tiŋa nemek niŋ yot maaneŋ mede hamahamap yonadiiŋ u naininde miŋgilanŋgoŋ katihautaune nadidok.”

*Uŋgoŋiŋ Munabuli niŋkadaka mu titiŋdok (Matiyu 10:19-20)*

<sup>4</sup> “Notneye, hidi indiŋ nadineŋ. Hidi nebek niŋ sigihik gitnem hogok tubukumunŋa mindaŋkade nemek niŋ titiŋdok saŋiniŋŋiŋ baniŋ tilak, aditok munta mu taneŋ. <sup>5</sup> Hidi kaŋ munta timiŋdok adi Bepaŋ hogok. Adi yadi kumumbune mindaŋkade ganiŋkulu ham gineŋ fofondok saŋiniŋŋiŋ halimilak. <sup>6</sup> Bagi nandit-kabe 5 muneŋ gi mihi

lufomdi kedem tuwawetiŋ. Inŋonŋ bagi kuyahi-kabe undihi u Bepaŋdi kubuŋon-kabe niŋ kaule mu timilak. <sup>7</sup> Be kinik hapmuŋ yokunat dedigonŋ u agaŋ nadidapmalak, doktiŋa munta mu taneenŋ. Hidi adi bagi nandit-kabe u yalakapme tiŋ.

<sup>8</sup> “Nu biyagonŋ hinek hanimbe nadinenŋ. Nebek niŋdi metam namandahik folonŋ nu wotnene miŋonŋ yohautawaak adi yadi Me Kobumuŋdi Bepaŋ’walaŋ aŋelonŋye namandahik ginenŋ kibibo adi’walaŋ wou miŋonŋ yohautawaak. <sup>9</sup> Eŋ nebek niŋ metam namandahik folonŋ wotnene yokamehebi tibaak adi Me Kobumuŋdi Bepaŋ’walaŋ aŋelonŋye namandahik ginenŋ kibibo mu nadimilat yobaak. <sup>10</sup> Tiŋa nebek niŋ Me Kobumuŋ niŋkadaka tibaak adi Bepaŋdi kadakaninŋinŋ kedem bimimbaak inŋonŋ nebek niŋ Uŋgoniŋ Munabuli niŋkadaka tibaak adi yadi kadakaninŋinŋ hogok kameu halaak. <sup>11-12</sup> Tiŋa unduŋonŋ mede ginenŋ hapmenŋdok hanagila bopyotneŋbe, be mapme’walaŋbe, be me wapuhi noli’walaŋ uune munta tiŋa mede dedinŋ yeninim yoŋa nadibedi mu tineenŋ. Nai uŋaniŋonŋ Uŋgoniŋ Munabulidi mede dedinŋ yodok u adi hanimbune yenineenŋ.”

*Muneenŋ bomboŋdok siloda mu titinŋdok*

<sup>13</sup> Me niŋ metam bop wapum ginenŋ pilali Jesu indinŋ ninadiguk, “Hinale, datne nimbune bet-nikdi bomboŋ boihatiŋa kumuŋguk u ne hogok boihatilak ale daneenŋ neenŋ nambek.”

<sup>14</sup> Unduŋ yobune Jesudi indinŋ ninadiguk, “Nu kiyap be talitimenŋ neenŋdi napmeguk ale bom-boŋhik danehambit?”

15 Unduñ ninadiña tomboyoula indin yeninguk, “Me niñ hatihati u bombondi mu tubumintamimbu hatilak, be me muneen bombonit adi maan undugon, doktiña hidi nemenemek hidetok wapumgon mongotneenen ala nadinadiñale hatiyaneen.”

16 Unduñ yeniña yoyout mede indin yeninguk. “Me bombonit niñ adi kweli wapum ginen tite yetibu foloon wapuhi fee mintagin. 17 Kan weneen yot dan boiwaat yoña nadibedi tuguk.

18 Tiña yoguk, ‘Wai komihi uyakulaña gitip-mun wapuhigon maan tite ungon weneboiwaat.

19 Unduñ tiña “Nu nemenemek agan tuwot hinek itnamiin” yobaat. Tiña bombon fofoon gulet fee boi iitdok nadilat ale baigon hatiña hinamuni tiña nanaje ime naan nadifo folon hatiluwaat.’

20 “Unduñ yoguk ingon Bepandi indin ninguk, ‘Du me kaulen, kamin timin kumuña bombonge boilan u tuwot mu mongolen.’ ”

21 Jesu adi unduñ yoña indin yeninguk, “Me muneen bombonhik nehitok hogok duhuduhu wapum iyemdok tiyout tihatiin adi yadi Bepan’walaanin bombondok hambeep hatiin.”

*Siginik ulihidok yonadibedi kisan mu titindok  
(Matiyu 6:25-34; 6:19-21)*

22 Unduñ yoña mihiniye indin yeninguk, “Hidi nanaje nakilitiña hatidok be foloohik tinahukut timindok wondok nadibedi mu taneen.

23 Hatihatidi nemek foloon tilak, nanajedi mon, be foloohikdi nemek foloon tilak, tinahukutdi mon. 24 Kalanj katak u yabunen, adi nanaje diniyeti mu tiin en nanaje tiyout mu tiin. Adi

yadi Bepañdi nanaje yemtoi tubune naañ hatiñj. Hidi adi undihi moñ. Hidi yadi momooñ hinek tihamulak.

<sup>25</sup> “Hidi nadibedi tiña hatihatihik kedembe tomboyoutneen? <sup>26</sup> Hidi nemek kuyanñ-kabe i tuwot mu tineñ doktiña nemek noli hogohogok-dok nadibedi mañgoñde tiñj? <sup>27</sup> Wowoñ gimñ behepneñ ikiñj u yabuneñ, adi dinina kwanai be tinahukut kaliñ mu tiñj, iñgoñ adi Mapme Solomon’walañ tinahukut fofooñ hinek tuluguk u kalakapmeñ hinek tiñj. <sup>28</sup> Wowoñ gimñ adi kobuk mintaan halon mele diweune daañ gweheyeen golopmañ tiñj adi Bepañdi tinahukut fofooñ unduñ tiyemulak. Undugoñ hinek hidi maañ kedem tinahuku-hamuluwaak. U kañ hidi deti nadisukiliti gilangilan tiñj?

<sup>29</sup> “Unduñ doktiña helemahelman mañgoñ nanim yoña welemulap mu taneen. <sup>30</sup> Unduñ adi metam kwetkwet Bepañ mu nadisukilitimiñdi wondegoñ nadibedi hinek tiñj, iñgoñ hidi yadi Behikdi mañgomañgoñdok nadiñj u agañ nadilak. <sup>31</sup> Unduñ doktiña hidi Bepañ’walañ Hatihati Kobuli kahiledok gigine tubune nemenemek noli u kedem hamuluwaak.

<sup>32</sup> “Mebop kuyanñ-kabe hidi, Behikdi Hatihati Kobuli hiditok tiulidokolak wendok nadifo tilak. Unduñ doktiña hidi fafañe tiña hatiyaneen. <sup>33</sup> Tiña bombonñik boiune metam nolidi buña tuwaune muneen fiyewakahidok yemneen. Unduñ tineen kañ muneen bombonñik kunum gineñ ihamuneen u kubome hekidi kubo mu tineen be dindilakidi sitomsitom mu tineen. <sup>34</sup> Kañ



welehik be nadisuhik adi bombonghik itneenen ungon halaak.”

*Welenikdi damodamo mu titindok*

<sup>35</sup> “Tiulidoko tiŋa kamaŋhik galiŋa woom hatiyaneen, <sup>36</sup> tipilapilaye-me hekidi bombonghik kwet niŋkade uune woom hatiŋ undun. Ala busuwaan yeme ulune pilap woon dilitomiŋ undiniŋ. <sup>37</sup> Tipilapilaye me damo mu deila tiulidokoon welehikdi kaipmun hatibune bombonghik buŋa yabulak adi nadifo tiŋ. Indiŋ nadineŋ, bombonghik adi udaneen buŋa undiniŋ yehitubu-mintawaak adi dahidahi wahiniŋ kwihina yenimbune buŋa bopneen ilune nanaŋe nongon nanaŋdok yenimbaak. <sup>38</sup> Tipilapilaye me undihi adi welehik kaipmun hatilune timiŋ lekiŋgon be helehelede busuwaan yabaak adi momoon hinek nadiwaak.

<sup>39</sup> “Tiŋa indiŋ maan nadineŋ. Me niŋ adi kubome hekidi yoli ubulaginedok nai agan binek nadilakneŋ damo tuwot mu deiletiŋak. Hogok damo kaipmun halune me kubome hekidi yoli tuwot mu ubulagineen fonetiŋit. <sup>40</sup> Wendok tuwot, hidi maan undugon welehik tiulidokoon hatiyaneen. Me Kobumun adi naininde hidi mu nadiŋa hogok hatifit tulune tobogon busuwawaak. Undun doktiŋa hidi tiulidokonila hatiyaneen.”

*Tipilapilaye mihi hanindan  
(Matiyu 24:45-51)*

<sup>41</sup> Undun yobune Pitadi indiŋ ninguk, “Wapum, yoyout mede i inditok hogok be yonon be metam hogohogok wanaŋdok?”

<sup>42</sup> Unduᅇ yobune Wapumdi niᅇguk, “Me nad-inadinit, me momoonᅇ adi bombongidi me tal-itimenᅇ kameune tipilapilaye-me noli nanaᅇhik nai folongonᅇ daneyemuluwaak. <sup>43</sup> Unduᅇ ti hatulune bombongi busuwaanᅇ kaᅇ aditok nadifo tibaak. <sup>44</sup> Nu biyagonᅇ hinek hanilat. Adi talitimenᅇ lolonᅇnit kameenᅇ nemenemekᅇniᅇ noli maanᅇ yabu-dokodok nindapmawaak.

<sup>45</sup> “Be me u kadokome hogoli hatinaᅇ indinᅇ yobek: ‘Me bombongine adi pilap mu baak ale.’ Unduᅇ yonaᅇ tipilapilaye-metam noli widihinaᅇ nanaᅇ naanᅇ ime fafaᅇnᅇ maanᅇ naanᅇ tibubuye hatibaak. <sup>46</sup> Unduᅇ tiᅇa me bombongiᅇniᅇ tiyau-gene bek u nadinadinit mokit hogok bubuyenᅇonᅇ hatilune bombongi busuwawaak. Buᅇa talitimenᅇ u ulanaᅇ dobuhiphipik tiᅇa tikulune metam nadisukilitinit mokitdi hatineenenᅇ unᅇonᅇ fowaak.

<sup>47</sup> “Tipilapilaye me adi bombongiᅇniᅇndi nemek titinᅇdok nilak u aganᅇ nadikabeleᅇnᅇ tilak adi kibikonᅇ kwadi wapumdi wihitnadidok. <sup>48</sup> Kaᅇ tipilapilaye-me niᅇnᅇ adi bombongidi nemek titinᅇdok yonᅇak u mu nadinᅇa hogok hali nemek mu titinᅇdok tinᅇak adi yadi kisanᅇonᅇ mu wihitnadidok. Metam Bepanᅇdi duhuduhu wapum yemulak adi kwanai gigne tiᅇa tubune Bepanᅇdi kaune tuwot tibek.”

*Jesu adi hauta tiᅇa foguk  
(Matiyu 10:34-36)*

<sup>49</sup> “Nu kwetfolonᅇ inᅇonᅇ kudup hewe fogut dok-tiᅇa kwanaine aganᅇ tububihile tilat, <sup>50</sup> inᅇonᅇ timenᅇ folofigitadi Imeyout dabugonᅇ foloone folonᅇ

buña lonambaak. Unduñ doktiña welemulap naitauyeñ kwanaine tubudapmawe u maan dapmawaak. <sup>51</sup> Tiña nu adi kwetfoloñ inoñ kulema tubumintadok mu fogut, nu adi metam yehi-ulitawawene fogut. <sup>52</sup> Unduñ doktiña kobuk nai indinde hekimimbet bop kubugoñdi daneen lufom toboniñ eñ lufomkultiniñ toboniñ tiña utawa-utawa tubumintaneen. <sup>53</sup> Kañ me yabet adi kikakwihita tidemeek, eñ waabi yamit adi maan kikakwihita tidemeek, eñ yanabunjit adi maan kikakwihita tidemeek.”

*Bepañ'walañ mede diniñ mebi didimeningoñ naididok*

*(Matiyu 16:1-4; Mak 8:11-13; Matiyu 5:25-26)*

<sup>54</sup> Unduñ yoña koti indinñ yoguk, “Hidi mulukwan mele fofon ginenkade galiune gwi utuwek yobune biyagon utak. <sup>55</sup> Kañ sububa guyanekade fedila buña suwoñkade folak kañ mele nai yobune meleyañ yatak. <sup>56</sup> Kaulehi hidi, gwi mele diniñ nai u kedem yoñ inoñ dedin doktiña nai yendiniñ mebi mu nadiin?”

<sup>57</sup> “Hidi mangoñde titiñ fofohi denak eñ titiñ hogohi denak u mu yabudakalein? <sup>58</sup> Tiña du nebek niñdi mede gineñ gapmewene ganagila uune hide hogok talipmen unjila mede yotubudidime pilap tidemeek. Eñ moñ adi ganagila woñ me mede yodapmandapman'walañ uune adibo ganiñdapmaune kumondulum hekidi ganagila woñ yot fafañeniñneñ gapmeneen. <sup>59</sup> Nu biyagon ganilat, du unoñ hatiña hogok mu foon baan. Me noke'walañ kibikoñ wobudapmahinakaan kedem foon baan.”

# 13

*Welenik biyagoŋ tubutakalene Bepaŋdi yomnik tumolokutnimuŋa nibukahilelak*

<sup>1</sup> Nai uŋaniŋ metam nolidi Jesu indinŋ nimbi-hikinŋ, “Galilihidi Bepaŋdok hemundumundune tulune Pailatdi widihikumunŋuk.”

<sup>2</sup> Unduŋ nimbu nadiŋa yeniŋguk, “Metam widihikumunŋuk u Galilihi metam noli yalapakmenŋ tiŋa kadakaninŋ wapum tiginŋ be dedinŋ? <sup>3</sup> Moŋ hinek, hanilat. Indinŋ nadineŋ, hidi kadakaninŋhik sigilulum mu tiyemneŋ adi metam u kumuŋgin undugoŋ hinek hidi maanŋ kumuneŋ.

<sup>4</sup> “Kaŋ metam 18 Siloam gwaŋ kawade yot goloŋ foŋ widihikumunŋuk u dedinŋ nadiyemiinŋ? Adi kadakaninŋhik Jelusalemhi noli’walaŋ yalapakmelak be dedinŋ? <sup>5</sup> Moŋ hinek. Indinŋ nadineŋ, hidi kadakaninŋhik sigilulum mu tiyemneŋ adi metam u kumuŋgin undugoŋ hinek hidi maanŋ kumuneŋ.”

*Bem giminŋ mebi ninŋ folooŋ mu wodiune figolokut titinŋdok*

<sup>6</sup> Unduŋ yoŋa yoyout mede indinŋ yeniŋguk, “Me ninŋ adi wain fiyeŋinŋ gineŋ bim ninŋ yetiguk. Ala wooŋ folooŋ kalinŋ diweguk inŋgoŋ nemu kaŋ <sup>7</sup> kwanai-meŋinŋ indinŋ ninŋguk, ‘I kalaŋ, gulet lu-fomkulitninŋ wondok tuwot bem i folooŋnit mokit yatilak tiŋa kwet galiki hogok moŋgofit tilak ale figolowenŋ.’

<sup>8</sup> “Unduŋ nimbune kwanai-meŋinŋ adi indinŋ ninŋguk, ‘Biune gulet kubugoŋ yalune mebinenŋ kwet wenekelmadina kwet dininŋ galiki neenŋ

kikololi timimbene <sup>9</sup> gulet niŋ gwelendok folooŋ nobu tibaak kaŋ bine yalaak eŋ moŋ adi fikapman titiŋdok.’ ”

*Jesudi Sabat gulet foloŋ tam niŋ tubukedebaguk*

<sup>10</sup> Sabat niŋ foloŋ Jesu adi bopyotneŋ fooŋ Mede Momooŋ yoyo tuguk. <sup>11</sup> Kaŋ uŋoŋ tam niŋ yabap kadakaninŋdi fomimbu gulet 18 wondok tuwot sigiŋ mumuŋeneeŋ hatuluguk adi maan uŋgoŋ ikuk. <sup>12</sup> Ala Jesudi kaŋ katinimbu buune niŋguk, “Tam, du yagitge agaŋ bigabulak.” <sup>13</sup> Unduŋ niŋa kohoŋ mebi foloŋ kameune nai uŋaniŋgoŋ sigiŋ didimeune Bepaŋ niŋa tiloloŋ tuguk.

<sup>14</sup> Unduŋ tuguk kaŋ bop yot diniŋ talitimenŋ adi Jesu Sabat foloŋ kwanai tilak yoŋa nadikadaka tiŋa metam indiŋ yenintoguk, “Kadehati 6 hakiŋ ala nai uŋaniŋ kedem buune hehitubu-kedebaluwaak, eŋ Sabat foloŋ adi mu baneŋ.”

<sup>15</sup> Unduŋ yobu Wapumdi niŋguk, “Yalaŋ-me hidi! Metam nolidi habunadiune utumba titiŋdok yoŋa yalaŋ yoiŋ. Hide hinek adi makauhik be doŋkihik Sabat foloŋ fiyali yanagi uune kilihikit be ime nanaŋ tiŋ. <sup>16</sup> Ingoŋ kamiŋ Abalaham’walaŋ yalaki niŋ adi Sadaŋdi tehiguk u Sabat foloŋ mu fiyakulimindok naniŋ.”

<sup>17</sup> Unduŋ yobu metam adi nemek momooŋ tiŋok yoŋa nadifo tubune memikŋiye adi meka tigiŋ.

*Bepaŋ’walaŋ mede adi mastat kilik dabugoŋ eŋ belet tububedidok haguwo wondok tuwolit  
(Matiyu 13:31-33; Mak 4:30-32)*

18 Unduŋ yoŋa indinŋ tomboyoula yeniŋguk, “Bepaŋ’walaŋ Hatihati Kobuli u dediniŋgoŋ? Maŋgoŋdut kamekaaŋ yobit kaŋ tuwot tibek? 19 Uyadi mastat\* kilik undiniŋ. Ala me niŋdi tiŋa wooŋ fiyeŋinŋ gineŋ yetiguk kaŋ labuŋa looŋ bem wapum tubune baŋi heki adi buŋa taŋeniŋ foloŋ uŋgoŋ deipilat tiginŋ.”

20 Unduŋ yoŋa kotigoŋ indinŋ yeniŋguk, “Bepaŋ’walaŋ Hatihati Kobuli u dediniŋgoŋ yobit? 21 Uyadi indinŋ. Tam niŋdi belet tububedidok haguwo u palawa dut miŋobuŋa bikabune hali bedi tilak undiniŋ.”

*Gigine tiŋa kunum gineŋ lolonŋdok  
(Matiyu 7:13-14, 21-23)*

22 Jesu Jelusalemde wene talipmeŋ yokwet indigoŋ wooŋ metam Mede Momooŋ yeniyeniŋ titauguk. 23 Kaŋ me niŋdi indinŋ ninadiguk, “Wapum, Bepaŋdi metam lufom-kabe binek yehitubu-lodaanŋ yanagilaak be dedinŋ?”

Unduŋ ninadiune Jesudibo indinŋ yeniŋguk, 24 “Metam feedi taliyeme gidanŋ gineŋ fone tiinŋ inŋgoŋ moŋ tiinŋ doktiŋa hidi uŋoŋ fofonŋdok mahik sikilitiŋa fafaŋe tiŋa foyaneenŋ. 25 Tiŋa yot won-diniŋ wapumdi talik tehewaak kaŋ hidi wooŋ dilitomnimbek yoŋa yeme ulaŋa nineenŋ, ‘Wapum, kedembe taliyeme dilitomnimbeŋ.’ Unduŋ nineenŋ kaŋ hanimbaak, ‘Nu hidi mu nadihamulat.’ 26 Unduŋ hanimbaak kaŋ nineenŋ, ‘Du koom nanane indut nonŋgoŋ nagumun tiŋa

---

\* **13:19:** Mastat diniŋ mebi kanadiwe nadiŋa pepa yendiniŋ dikiineŋ Diksineli gineŋ uŋoŋ kawenŋ.

du koom Mede Momoon indi yotnikwetninen ungon yoyaugon.’ <sup>27</sup> Undun nineen ingon hanimbaak, ‘Nu hidi mu nadihamulat ale metam kadakanin titin hidi tabaut!’ <sup>28</sup> Hidi haninkulu kwet kadakanin ginen foon Abalaham, Aisak en Jekop tin polofet heki adi Bepan’wala Hatihati Kobuli ginen ilune yabun welehek kadakaune kobulabulaye tin masinkilip taneen. <sup>29</sup> Kan metam mele labulabunenkkade buneen, agan mele fofonnenkkade buneen be unandin be unandin bun Bepan’wala Hatihati Kobuli ginen ilan hinamuni tineen. <sup>30</sup> Metam timenhi noli mindan yapmewaak. En mindanhi noli timen yapmewaak.”

*Jelusalemhi mute mede yeninguk*  
(Matiyu 23:37-39)

<sup>31</sup> Nai unaningon Falisi noli Jesu hakuknen bunaningin, “Helot adi gulukumun tibe yolak ale momon tin kwet nin wen.”

<sup>32</sup> Undun nimuntamuntayeune Jesudi yeninguk, “Kamo moin u woon indin nineen. Kamin dut halon e metam yabap yehikelekuyemun yagithinit yehitubu-kedebait, ala helen agan kwanai tubudapman tibaat. <sup>33</sup> Kungon on, kamin, halon, be helen kwanai titaunila unon usuwawaat. Tiyaugene polofet kwet yagadi hatilune ulukumuneeneen. Adi ulukumundok kwet adi Jelusalem unon yonit.

<sup>34</sup> “Jelusalemhi kadayo! Hidi Bepandi polofet fee hiditok yeningkuk kan widihikumungin. Kan

nu nai fee hinek pupupdi mihiniñjiye yehik-walanelak unduñ kohonedi metamneye yehik-walanewe nadigut, iñgoñ hidi kamehep tinamagiñ. <sup>35</sup> Unduñ doktiña i kanen. Bepañ agañ bihabulak. Yohikwehik u uyapupuheneune kwet hogok halaak. Biyagoñ hinek hanilat. Hidi mu nabuñña hatigene kougoñ indin yonña kotigoñ nabuneen, ‘Me i Wapum wou gineñ bulak adi Bepañdi kahañ timimbek!’ ”

## 14

### *Jesudi Sabat gulet niñ gineñ me niñ tubukede-baguk*

<sup>1</sup> Sabat niñ foloñ Jesu adi Falisi heki’walañ talitimenñ niñ dut nanañe nade ulune Falisi heki adi me yagitnit nenobu tubukedebawek yonña kakuwali ti ugiñ. <sup>2</sup> Kañ me niñ folobedibedinit yopmañ ungoñ hakuk. <sup>3</sup> Kañ Jesudi me u kañ Yodoko Mede hinale tiña Falisi heki indin yeninadiguk, “Yodoko Medenikdi Sabat foloñ tubukedebakedeba kwanai kadem be titin dok yolak be dedin?”

<sup>4</sup> Unduñ yeninadiguk kañ adi nemek nemu yonña ikin kañ Jesu adi me u honeenñ tubukedebañ niñkulune yolide uguk. <sup>5</sup> Niñkulune uune indin yeninguk, “Hidi mihihik be makauhik niñ adi ime koñ gineñ foune Sabat foloñ doktiña kedembe bikabune ungoñ halek?”

<sup>6</sup> Unduñ yeninguk kañ mede tubu-udanedok lohi tiña hogok ikin.

<sup>7</sup> Kañ nai unaniñgoñ metam feedi hinamuni tigiñnen ungoñ kwet fofohi yabukahileenñ ikin kañ



Jesudi u maan yabuŋa yoyout mede niŋ indin yeninguk.

<sup>8</sup> “Me niŋdi hinamuni tiŋa nanane nonŋon nanandok hanimbune kaŋ wooŋ kwet fofohi mu yabukahileen ikaneen, ti me lolonit niŋ bu-  
une <sup>9</sup> me nai kamehambek negon indin hanim-  
baakneŋ, ‘Du tabaune adi buŋa ilek.’ Unduŋ  
hanimbune hidi mindaŋ hinek wo ila metam  
dauhik gineŋ meka kisaŋ tineenen <sup>10</sup> doktiŋa  
timeŋ wooŋ kwet hogoli gineŋ ilune me nanane  
tiulidokonak ne buŋa habuŋa yoluwaak, ‘Notne,  
pilali kwet fofoon gineŋ ileŋ.’ Unduŋ hanimbu  
metam nohiye namandahik folon welemomoon  
nadineŋ. <sup>11</sup> Biyagon hinek nadineŋ, me netok na-  
diune lolon tilak adi nintinafofon titindok. Tiŋa  
me netok nadiune fofon tilak adi nintinalolon  
titindok.”

<sup>12</sup> Unduŋ yoŋa me hinamuni molomdok in-  
din ninguk, “Me nokeye, be dake-kwayageye,  
be magemageye be me bombonhinit mu yehi-  
maneluwaan. Adi yadi kibikon tigamdok nadiŋa  
yehimaneluwaan doktiŋa tuwanin agan unŋon  
mongolune dapmaluwaak. <sup>13</sup> Unduŋ doktiŋa  
hinaŋ tiŋa me yehimanewe nadiŋa metam fiye-  
wakahi, be kayohik kumiŋ talik mu yawiin be  
dauhik sipmakahi yehimaneluwaan. <sup>14</sup> Tiŋa  
adi undihidi kibikon mu tigamaneen doktiŋa  
Bepandi kahaŋ tigamuluwaak. Tiŋa kougon  
metam fofohi kumuŋ ginenin pilatneenen nai  
unanin Bepandi kibikon tigambaak.”

*Hinamuni gineŋ mu uuŋdok yogin  
(Matiyu 22:1-10)*

15 Unduᅇ yobune me niᅇ nanaᅇ nonᅇon ila nagiᅇdi mede u nadiᅇa Jesu indiᅇ niᅇguk, “Metam Bepaᅇ’walaᅇ hebenᅇ gineᅇ Hatihati Fafaᅇneᅇniᅇ gineᅇ hali hinamuni naneᅇn adi nadifo wapum hinek tineᅇn.”

16 Unduᅇ yobune Jesudi niᅇguk, “Heleniᅇ me niᅇ adi hinamuni tiᅇa metam fee hinek yehi-maneguk. 17 Ala nanaᅇ nanaᅇ nai tubune tipi-lapilaye mihiᅇniᅇ niᅇ niᅇkulune woonᅇ me medenai koom kameyemguk u indiᅇ yeniᅇguk, ‘Nemene-mek agaᅇ tiulidokomun ale buneᅇn.’

18 “Unduᅇ yenimbune adi wanaᅇ mu uuᅇdok nadiᅇa yotebitebi mede indiᅇ niᅇgiᅇniᅇ. Me timenᅇ kaguk adi indiᅇ yoguk, ‘Nu kwet wapum niᅇ tuwaᅇaᅇ doktiᅇa woonᅇ kawit, ale fiit nadinamenᅇn.’ 19 Kaᅇ nolidi yoguk, ‘Nu makau 10 tuwaᅇaᅇ doktiᅇa yanagila yauka yauka tibit ale fiit nadinamenᅇn.’ 20 Kaᅇ nolidi yoguk, ‘Nu tam kobugonᅇ tiᅇaᅇ doktiᅇa mu wit.’

21 “Unduᅇ hogok yodapmaune tipilapilaye mihi adi kotigonᅇ udaneᅇn woonᅇ bombongᅇi niᅇguk kaᅇ nadikadaka tiᅇa yoguk, ‘Pilap hinek woonᅇ talik folonᅇ be yokwet maaneᅇ metam fiyewakahi be kayohik kadakahi be dauhik sipmakahi yabuᅇa yanagila buneᅇn.’

22 “Unduᅇ yobune muniniᅇ yali medeᅇniᅇ yoguk u agaᅇ foloonᅇnit tuguk, kaᅇ tipilapilaye mihiᅇdi niᅇguk, ‘Bombongᅇi, medege agaᅇ foloonᅇnit tilak iᅇgonᅇ yotmaanᅇ tuwot mu tilak.’

23 “Unduᅇ yobune bombongᅇidi niᅇguk, ‘Woonᅇ talik giyoki tuwot yaunaᅇ metam yabenᅇ u yeniᅇgigineune buᅇa yotmaanᅇ i fo itoko hinek

timeŋ. <sup>24</sup> Tiŋa ganimbe nadiweŋ, me koom yeniyehimanegut adi nanaŋe-kabe nemu naaŋ kanen.’”

*Meeniŋdi Jesu kelene nadiŋa kaŋ baigoŋ ila nadidakale-hinakaŋ keledok  
(Matiyu 10:37-38; 5:13; Mak 9:50)*

<sup>25</sup> Heleniŋ metam feedi Jesu kelegiŋ kaŋ udaneen indiŋ yeniŋguk. <sup>26</sup> “Nebek niŋ nu nehikelelak iŋgoŋ miŋbeu, be wapmihiniŋ tam be wiwi kwayaŋiye be ne’walaŋ hatihati hogohogok u sigilulum mu tiyemilak adi yadi nu’walaŋ mihine mu tibaak. <sup>27</sup> Eŋ nebek niŋdi kolonɔdabekniŋ mu bemŋa nehikelewaak adi nu’walaŋ mihine mu tibaak.

<sup>28</sup> “Nebek hidi’walaaniŋ niŋdi yot kweheyeeniŋ niŋ mawe nadiŋa kaŋ timen baigoŋ ilaŋa tuwaŋiŋ kanadi tilak, tiŋa kedeŋ be mamaŋdok be moŋ u mindaŋ yodapmalak. <sup>29</sup> Moŋ nobu kaŋ yot taka heki timen mu wenedahilak. Unduŋ tubune metamdi kaŋ gege tineeneŋ. <sup>30</sup> Tiŋa indiŋ yoneeneŋ, ‘Me i yot tububihifit tuguk, tiŋa mu madapmalak.’

<sup>31</sup> “Mapme niŋdi mapme noli dut mik tibene nadiŋa adi timen baigoŋ ila kanadi tilak. Ne’walaŋ mikmeŋiye 10 tausen binek, kaŋ mapme toboniŋ bulak’walaŋ mikmeŋiye 20 tausen. Unduŋ doktiŋa mik gineŋ kedeŋ be fafaŋeŋ mapme noli u kalakapmewek u kanadi tilak. <sup>32</sup> Tuwot moŋ nobu nadi kaŋ mede kameune mapme noli’walaŋ uune wabiŋa kulema tubumintaŋ.

<sup>33</sup> “Undugon hinek hidi’walaanin ninđi nemenemeknin hogohogok sigilulum mu tiyembek adi nu’walañ mihine hinek tuwot mu hatibek?”

<sup>34</sup> “Felen adi kobañ inğon kobañ dapmaune kotigon koba mu tilak. <sup>35</sup> Hogoli doktiña nemek ube u titindok moñ. Adi tukulune gilem ginen uundok.”

Unduñ yoña yoguk, “Nebek nin adi nadi-dakalewe kañ magi baigon kametnadiña nadiwek.”

## 15

### *Dompa fikuk dinin yoyout mede (Matiyu 18:10-14)*

<sup>1</sup> Helenin me kadakanin titin hekidi Jesu medenin nadine bugin. <sup>2</sup> Kañ Falisi tiña Yodoko Mede hinale heki adi kañ nadikadaka tiña indin yogin, “Me yadi me kadakanin titin yehimaneen yeniutumbalak.”

<sup>3</sup> Unduñ yogin kañ Jesudi yoyout mede indin yeninguk. <sup>4</sup> “Hidi’walaanin nebek ninđi binek dompa 100 yabudokoluwek ala kubugon nin filune dedin tibek? Dompa 99 u deit tiinñen unğon biyabuña noli u lohiaugeyauge <sup>5</sup> kañ nagila kaluwanin folon kameen nadifo tiña nagila buña yopman busuwawetik. <sup>6</sup> Busuwaan noliñye mede kameyembu buune yenimbetik, ‘Nu dompane nin filak agañ tubumintaan nadifo tilat doktiña hinañ wapum tinim.’ ”

<sup>7</sup> Jesudi unduñ yoña indin yeninguk, “Indin hanimbe nadenin. Me fofohi 99 aditok kunum ginen nadifo tiyemiin inğon me nin kadakanin

titiŋdi welen tubutakalelak aditok adi nadifo lolonjit hinek tiŋ.”

*Muneeŋ fikuk diniŋ yoyout mede*

<sup>8</sup> “Be tam niŋ adi 10 siliŋ boihatibek kaŋ kubugoŋ niŋ filek kaŋ tam u dedin tibek? Adi kamaŋ galiŋa yoli yohomuŋ tiŋa baigoŋ lohiŋa kaŋ tibetik. <sup>9</sup> Tiŋa noliŋiye yenimbune buune yenimbek, ‘Nu muneeŋne niŋ filak u agaŋ kaŋ tiŋat doktiŋa nadifo tilat ale hinaŋ tinim.’

<sup>10</sup> “Undugoŋ hinek Bepaŋ’walaŋ aŋelo heki adi me kadakanin titiŋ niŋdi welen tubutakaleen udanelak doktiŋa adi nadifo wapum tiŋ.”

*Mihi niŋ fikuknenin kotigoŋ udaneguk diniŋ yoyout mede*

<sup>11</sup> Unduŋ yoŋa tomboyoula indin yeninguk, “Me niŋ hatiluguk adi mihinijat lufomuk. <sup>12</sup> Ala Monenin di beu indin niŋguk, ‘Me baŋ, bombon nutok u kamiŋ danenamben.’ <sup>13</sup> Unduŋ nimbune daneminguk, kaŋ muninin hatiŋa muneeŋ bombonin monkola yokwet bikabuŋa uguk. Kwet niŋkade kweetniŋ hinek wooŋ, muneeŋniŋ nadi mu tiŋa kaka hinek kudapmaguk.

<sup>14</sup> “Kaŋ nai uŋaniŋ nanane map wapum hinek mintaguk kaŋ adi nananenit mokit, hogok hatifit tuguk. <sup>15</sup> Unduŋ doktiŋa me uŋaniŋ niŋ wooŋ kaune tipilapilaye kwanai titindok yoŋa niŋkulune wooŋ makaye nanane yemyem tuluguk. <sup>16</sup> Uŋoŋ wooŋ makaye nanane uŋakoŋ fiit nawit nadiŋa uguk. Ingoŋ u maan kamehep timinŋiŋ.

17 “Unduŋ timimbune hanadikunakunale-tauyeŋ indin naditonguk, ‘Batne’walaŋ kwanai-me hogohogok adi nanaŋe wapum hinek naiŋ, kaŋ nu mihinin hinekdi inoŋ map kisaŋ hinek tilat. 18 Unduŋ doktiŋa pilali batne’walaŋ wooŋ indin nimbit, “O me baŋ, nu Bepaŋ sigilulum timiŋgut tiŋa du maŋ sigilulum tigamuŋa kadakanin tugut 19 doktiŋa nu du mihige hinek kotigoŋ mu nanimbu hatiluwaat. Kwanai mege hogok nanimbu hatiluwaat.”’ 20 Unduŋ yoŋa pilali beu kawu uguk.

“Wooŋ yot tubudulalune beudi kaguk, kaŋ welen goloune bulaninŋoŋ hinek nadiŋa kiya-neen wooŋ toboŋa siŋoŋgome tuguk. 21 Kaŋ mihinin di yoguk, ‘Me baŋ, nu Bepaŋ be du hidi sigilulum tihamuŋa kadakanin tugut doktiŋa nu du mihige hinek kotigoŋ mu nanimbu hatiluwaat.’

22 “Unduŋ niŋguk inŋoŋ beu adi tipilapilaye mihinin ye yeniŋguk, ‘Pilap hinek wooŋ dahi-dahi fofoŋ nin tineŋ, haluntuk nin tineŋ eŋ kayoŋnamokop moŋgotneŋ. Unduŋ moŋgola buŋa tinahukulimineŋ. 23 Tiŋa wooŋ makau mihinin folooŋnit hinek uŋak ulune hinaŋ wapum tinim. 24 Mihine i agaŋ kumuŋgukneneŋ udanelak, tiŋa agaŋ fikuk inŋoŋ tubumintayam doktiŋa hinaŋ tinim.’ Unduŋ yoŋa hinaŋ tububihikin.

25 “Unduŋ ha-tulune Tuwo adi kade gineŋ ha-tiguk ala udaneen buŋa yot tubudulaan nadilune kap miyeen tonadifo tigin. 26 Nadiŋa tipilapilaye-me nin katinimbu uune niŋguk, ‘U maŋoŋ tiŋa toin?’

27 “Unduᅇn nimbune yoguk, ‘Kwayage koti kulemanᅇn udaneᅇn buᅇak kaᅇ bahadi wendoktiᅇa nadifoᅇn makau mihiniᅇ foloᅇnit ulaᅇa helak.’

28 “Unduᅇn nimbune nadiᅇa kwihita tiᅇa yot maaneᅇn mu foune beudi buᅇa yot maaneᅇn fofoᅇdok niᅇnkulemaguk. Kaᅇ mihiniᅇdi welenᅇ kudup daune niᅇnguk, 29 ‘I kawenᅇ, nu guletgulet hatitabam hogohogok adi me kwanai tuwanᅇt mokit adi tiᅇn dabuᅇnᅇn tigamulat. Tiᅇa mede wobu nemu tigamulat iᅇnᅇn du meme bedikwambundaanᅇ kabe nemu nambune notneye dut hina nadifo tugumun. 30 Iᅇnᅇn mihigedi bombonᅇe moᅇnᅇ wooᅇn talitam heki dut hatiᅇa tubudapmaanᅇ buᅇak kaᅇ makau mihiniᅇ foloᅇnit hinek ula hinaᅇn ya nadifo toiᅇn.’

31 “Unduᅇn yobune beudi indiᅇn niᅇnguk, ‘Mihine, du adi helemahelamanᅇ nukut iᅇnᅇn hatilaᅇn doktiᅇa nemenemek hogohogok u dutok. 32 Kaᅇ kwayage adi agaᅇn kumuᅇngukneᅇniᅇn udaneᅇrak be fikukneᅇniᅇn tubumintayam doktiᅇa hinaᅇn wapum tiᅇa nadifo tinene utumbawek.’ ”

## 16

### *Muneᅇn bombonᅇ kadokome hogoli diniᅇ yoyout mede*

1 Jesudi mihiniᅇye indiᅇn yeniᅇnguk, “Me muneᅇn bombonᅇnit niᅇn hatiluguk adi tipilapilaye-meᅇniᅇn niᅇn kameune bombonᅇniᅇn wondok me wapum ila yabudokoguk. Ala heleniᅇn me niᅇndi me bombonᅇnit indiᅇn niᅇnguk, ‘Du tipilapilaye-meᅇe me wapum kameᅇnᅇn adi muneᅇnᅇe kaka hinek moᅇnᅇola kudapmanᅇn tilak.’

2 “Undun ninguk kaŋ me bombongidi tipilapilaye-meŋiŋ katinimbu buune ninguk, ‘Du muneenŋe moŋgo kaka tiŋaŋ yonŋit nadiŋat doktiŋa nu’walaŋ bombonŋ yabudokolaŋ u pepa foloŋ youdidimeenŋ namuŋa kwanai wabiweŋ.’

3 “Undun nimbune tipilapilaye-me wendibo indiŋ nadiguk, ‘Nu kwet youyout kwanai titiŋdok saŋiniŋne moŋneŋ nehikelekulune dediŋ tibaat, tiŋa nayo titiŋdok mekaŋgoŋ dediŋ tiŋa yobaat?’  
4 Ingoŋ agaŋ nadilat, kougoŋ kwanai wabiŋa wooŋ hatibaatneŋ metam feedi not tinambune yohineŋ wene naniutumbaaŋ momooŋ tinama-neenŋdok indiŋ tiyembit.’

5 “Undun yoŋa metam bombonŋ bombonŋiŋiŋ’walaŋ tobogoŋ moŋgokiŋ katiyenimbune buune me niŋ ninguk, ‘Du bombonŋine’walaŋ bombonŋ tobogoŋ moŋgokuŋ u dediŋ hakamulak?’

6 “Undun ninadiguk kaŋ yoguk, ‘Wel dalam 100 moŋgokut’ yoguk kaŋ ninguk, ‘Pepage bombonŋ tobogoŋ moŋgokuŋ diniŋ yoŋ, ale uŋgoŋ fooŋ ila 50 youleŋ.’

7 “Undun yoŋa me nolibo ninguk, ‘Du’walaŋ dediŋ?’ ninguk kaŋ yoguk, ‘Haŋgom bet 1000.’ Undun yoguk kaŋ ninguk, ‘Pepage bombonŋ tobogoŋ moŋgokuŋ diniŋ yoŋ, ale fooŋ ila 8 handelet youleŋ.’

8 “Tipilapilaye me kadakaniniŋ adi ne iitŋiŋ utumbadok nadiŋa kwanai undun tubune bombongidi u kaŋ nadiŋa nadinadiŋiŋdok niŋa tiloloŋ tuguk. Undun doktiŋa hidi kwetfoloŋ memetam nadinadihinitdi metam hauta gineŋ



hatiinj yalakapmedapmaanj gitagonj iutumba tiinj u kanj nadienej.”

<sup>9</sup> Jesu adi undunj yeniņa tomboyoula indinj yoguk, “Undunj doktiņa indinj hanilat. Kwetfolonj diniņ bombonj wondigonj menot titiņdok silonj taneen. Undunj tiņa hatitulune kwet diniņ nemenemek liweune kougonj hatihati dapmandapmanjit mokit gineņ uune Bepaņdi haniutumbaanj hanagilaak. <sup>10</sup> Be nebek niņ adi bombonj lufom-kabe iņgonj mohinek yabudokolak adi bombonj fee kedem yabudokowek. Kanj nebek niņ adi bombonj lufom-kabe momoonjonj mu yabudokolak adi bombonj fee tuwot mu yabudokowek. <sup>11</sup> Undunj gineņ doktiņa nebek niņ kwetfolonj bombonj fofonjonj mu nobu yabudokoune bombonj foloonj hinek deti mimbaak? <sup>12</sup> Tiņa undugonj du me noli’walaņ bombonj momoonjonj mu yabudokoune datok detiņa gambek?

<sup>13</sup> “Me niņ adi bombonji lufomdok kwanai tuwot mu tibek. Undunj tibek adi niņdok hogok nadiņa niņ adi lakata timimbek, be niņdok momoonj timiņa niņ kahaņinda tibek. Undunj doktiņa hidi Bepaņ’walaņ kwanai maanj eņ muneenđok kwanai maanj mu taneenj.”

### *Jesudi Falisi hekidok mute mede yeniņguk*

<sup>14</sup> Undunj yobune Falisi heki adi muneenđok nadigalika tagiņ, doktiņa mede u nadiņa nadihaņinda tigiņ. <sup>15</sup> Kanj Jesudi yeniņguk, “Hidi yadi metamdi habuņa nadihambu utumba titiņdok nadiņa kwanai tiinj iņgonj Bepaņdi welehiņ kanj nadiune tuwot mu tilak. Nemenemek kwetfolonj medi kaune momoonj

tilak u Bepañdi kanj madimadikenjon nadilak. <sup>16</sup> Tiña Moses'walañ Yodoko Mede dut polofet hekidi youkudip tiginj u keleen hatitalabune Jon Imeyout me mintaguknej unjon dapmalak, kanj unjaninj Bepañ'walañ Hatihati Kobut yohautaune metam nadiña fafañe tiña wondok maanenjojn. <sup>17</sup> Biyagonj hinek kunumkwet adi kedem liwedemeek injon Yodoko Mede adi faki-kabe nemu liwewaak.

<sup>18</sup> “Me ninj adi tamnjñ kelekula gitipmunj tibaak adi yofolokhik fafañej u ulopmadiwaak doktiña kefile dininj malabumunj hekiwaak. Kanj me ninjñ tam kelekut tiginj u nagilaak adi maanj memalam dininj kifolok tubudokoonj kadakaninj tibaak.

### *Lasalus tiña me bomboñnit dininj mede kahat*

<sup>19</sup> “Me muneenj bomboñnit ninj hatiluguk adi tinahukutnjñ muneenj wapumdi tuwaan tinahukutuguk. Tiña helemahelman nanane ime momoonj naanj yot momoonj gineñ itouluguk. <sup>20</sup> Nai unjaninj me fiyewakanj ninj hatiluguk wou Lasalus, adi foloonj folonj wede gitigitik. <sup>21</sup> Ala me bomboñnitdi nanane naune munamunam falik falipmenj mayaginj u mimbune nanandok yonã nagila woonj yoli yeyemenj kameune ituguk. Kanj kamo hekidi maanj bunã wedeninj himbitnayaginj.

<sup>22</sup> “Undunj tiña hatigene Lasalus kumunguk kanj anelo hekidi bunã nagila loonj Abalaham dut kameune ikuk. Kanj me bomboñnit adi maanj kumumbune weneginj <sup>23</sup> kanj hamdok gigit

tuguk. Tiña folofigita ginenḡ hali diweenḡ Abalaham kweetniḡ gwaḡ kaguk, kaḡ Lasalus adi Abalaham gaga foloḡ ikuk. <sup>24</sup> Kaḡ katiguk, ‘O Abalaham, batne, nu kudupdi nehidaune folofigita kisaḡ hinek nadilat ale nutok bulaningḡoḡ nadiḡa Lasalus nimbenḡ kaḡ kohoḡ ime ginenḡ kapmanḡ tiña buḡa mebelemne foloḡ kameune kulemawek.’

<sup>25</sup> “Unduḡ niḡguk kaḡ Abalahamdi yoguk, ‘O mihine, du koom hogok hatigunḡneḡ uḡoḡ nemenemek fofooḡ tugunḡ kaḡ Lasalus adi tibulabulaye hati tuguk u kaule be tilaḡ? Unduḡ doktiḡa kobuk Lasalusdi iḡoḡ nadifo foloḡ hatak kaḡ du folofigita ginenḡ hataḡ. <sup>26</sup> Tiña indiḡ maḡ, kubali wapumdi du tiña indi lekiḡoḡḡnik foloḡ hatak u nebek niḡdi iḡandiḡ yali lahula guḡandiḡ uuḡdok tuwot moḡ, be guḡandiḡ yali iḡandiḡ bubuḡdok u maḡ tuwot moḡ.’

<sup>27</sup> “Unduḡ yobune me bomboḡnit wondi yoguk, ‘Batne Abalaham, fiit Lasalus niḡkulune batne yolineḡ wooḡ <sup>28</sup> kwayaneye 5 u folofigita kwetneḡ iḡoḡ mu bubuḡdok yenimbek.’

<sup>29</sup> “Unduḡ yobune Abalahamdibo yoguk, ‘Kwayageye mede yenindok adi Moses tiña polofet heki uḡoḡ hatiḡ doktiḡa adi yenimbune nadineḡ.’

<sup>30</sup> “Unduḡ yobune me bomboḡnitdi yoguk, ‘Unduḡ adi tuwot moḡ, nebek niḡ kumuḡ gineneḡ pilali wooḡ yenimbune kedeḡ kadakanḡḡhik sigilulum tiña wele tubutakale tineḡ.’

<sup>31</sup> “Unduḡ yoguk kaḡ Abalahamdibo niḡguk, ‘Adi Moses tiña polofet heki’walaḡ Youkudip

Mede mu nadiin doktiņa me kumuņ gineniņ  
kaikaan pilalek'walaņ mede maan mu  
nadineņ.' ”

## 17

### *Nemenemek titiņdok u nadidakaleeņ titiņdok (Matiy 18:6-7, 21-22; Mak 9:42)*

<sup>1</sup> Unduņ yonņa Jesu adi mihinņiye indin yeniņguk,  
“Metam wanakan hogohogok kadakaniņ  
mebimebi mintayemulak. Inņon me nediyen  
kadakaniņ titiņdok weleyouyout tiyemulak adi  
moniņ, adi kibikoņ dediniņon hinek timineen!

<sup>2</sup> Tiņa unduņon me undiniņ adi hatiņa wapmihi  
kuyahi-kabe niņ nihohokeneune kadakaniņ  
tibaakneņ doktiņa timenņon kawade bigim  
wapum wondi kodi foloņ tehikapmamiņa  
silonetikulune imenņwan wapum gineņ foon  
kumuņ tibaak. <sup>3</sup> Unduņ doktiņa nemenemek  
taneen u baigoņ kaņ nadidakaleeņ taneen.

“Be me nokedi kadakaniņ tubune kaņ  
mede baigoņ nimbune welen tubutakaleune  
kadakaninņiņ bimiluwaan. <sup>4</sup> Be hele  
kubugoņ maaneņ kadakaniņ 7 tigamuņa woon  
kotigoņ udaneen buņa nai 7 wendok tuwot  
welebulaninņon ganimbune kaņ kadakaninņiņ  
bimiluwaan.”

### *Jesudi nadisukiliti titiņ diniņ mebi yodakaleguk*

<sup>5</sup> Aposel heki adi Wapum indin niņiņ,  
“Nadisukilitinik tububedinimbeņ.”

<sup>6</sup> Unduñ ningiñ kañ Wapumdi indin tubu-udaneyemguk, “Nadisukilitihik-kabe mastat kilik\* undiniñ halune kwele wapum gu madila labukadoña wooñ imengwan gineñ yalen nimbune kedem tibek.”

*Jesudi tipilapilaye-me'walañ titiñhikdok yoguk*

<sup>7</sup> “Nebek niñ adi tipilapilaye-meniñ niñ hatilawek ala adi dinina kwanai be dompa yabudoko tiyaña udaneeñ yopmañ buune nanañeniñ pilap wooñ nanañdok tuwot mu nimbek. <sup>8</sup> Moñ hinek. Tobo indin nimbek, ‘Hinañ diniñ tinahukut tiña nanañe tiulidokoune nu nadapmawe dabo kougoñ hinawen.’ <sup>9</sup> Adi kwanaiñiñ uñakoñ doktiña me wapumdi tipilapilayeniñdok welemo-moñ mede mu nimbek. <sup>10</sup> Unduñ doktiña hidi mañ undugoñ hinek taneñ. Bepañdi nemenemek titiñdok hanilak u tiña yoyaneeñ, ‘Indi kwanai nimiñak uñakoñ-kabe hogok tumun ale kwanai-me fofohi mu niniñdok.’ ”

*Jesudi me wede hakihinit 10 yehitubukedebaguk*

<sup>11</sup> Jesu adi Jelusalemde wene Galili dut Samaliya kwet kimindep tamukneñ talik uguk. <sup>12</sup> Wooñ yokwet niñ gineñ fowe tulune me wede hakihinit 10-di tubumintaan kabe-tamaigoñ gwan yali indin kutiniñiñ, <sup>13</sup> “O Jesu, me wapum, du inditok bulanigoñ nadiwen!”

<sup>14</sup> Unduñ kutiniñiñ kañ Jesudi yabuña yeniñguk, “Uneñ kañ Silonyot diniñ talitimen

---

\* **17:6:** Mastat diniñ mebi kanadiwe nadiña pepa yendiniñ dikiineñ Diksineli gineñ uñoñ kawen.

hekidi habuŋa nadineŋ.” Unduŋ yenimbune wouŋ talipmen kedebadapmagiŋ.

<sup>15</sup> Unduŋ tiŋa adi'walaaniŋ me kubugoŋ niŋdi kedebadapmagiŋ u kaŋ nadiŋa kotigoŋ udaneen Bepaŋ wou niutumatabuguk. <sup>16</sup> Buŋa Jesu yakukneŋ kayoŋ gineŋ maŋ hali welesiloŋ mede niŋguk. Me u yadi Samaliyaniŋ.

<sup>17</sup> Doktiŋa Jesudi me u kaŋ indinŋ yoguk, “Me 10 binemek kedebaŋit yoŋa nadit, inŋoŋ me 9 deŋgoŋ hakiŋ? <sup>18</sup> Kaŋ me kubugoŋ kweet-niŋniŋdi hogok udaneen buŋa Bepaŋ niutum-balak.”

<sup>19</sup> Unduŋ yoŋa indinŋ niŋguk, “Nadisukilitigedi gehitubu-kedebaŋak ale pilali weŋ.”

*Nai wapum diniŋ mede  
(Matiyu 24:23-28, 36-41)*

<sup>20</sup> Falisi nolidi Bepaŋ'walaŋ heben gineŋ Hatihati Fafaŋeniŋ deniŋ mintawaak yoŋa Jesu ninadigiŋ. Kaŋ indinŋ tubu-udaneyemguk, “Bepaŋ'walaŋ heben gineŋ Hatihati Fafaŋeniŋ adi daugedi tuwot mu kawenŋ. <sup>21</sup> Bepaŋ'walaŋ heben gineŋ Hatihati Fafaŋeniŋ adi hidi'walaŋ lekiŋgoŋhik gineŋ hatak doktiŋa nebek niŋdi gu bulak, gu kawenŋ be i bulak, i kawenŋ u tuwot mu yobek.”

<sup>22</sup> Unduŋ yoŋa mihiniye indinŋ yeniŋguk, “Hidi nai niŋ mintawaakneŋ Me Kobumuŋ bubuŋdok naiŋiŋ kanim yo kaneen inŋoŋ tuwot mu kaneenŋ. <sup>23</sup> Nai uŋaniŋ me nolidi hanineenŋ, agaŋ gwaŋ mintalak be agaŋ inoŋ mintalak yobune lohitaŋ mu tineenŋ, be biyagoŋ mu yo nadineenŋ.

24 Filimpit tubune kunum hautadapmalak unduniŋon Me Kobumuŋ nainiŋ folon miŋŋon buune kaneen. 25 Inŋon timenŋ adi metam kobuhidi kahaŋinda tineen kaŋ mindanŋ folofigita nadiwaak.

26 “Me Kobumuŋ’walaŋ nai adi Nowa’walaŋ nai ginenŋ mintaguk dabuŋon mintawaak. 27 Metam hogohogok adi nanaŋe ime nanadifoŋon hekimalam tiŋa tilune Nowa adi muwageŋiŋ ginenŋ foune ime gabuŋ wapumdi buŋa yehikufuŋlaguk.

28 “Tiŋa unduŋon Lot’walaŋ nai ginenŋ mintaguk dabuŋon mintawaak. Metam hogohogok adi nanaŋe ime naŋ, bombon boiŋa tuwayagiŋ, be diniyeti tagiŋ, be yot mamaŋ tulune, 29 Lotdi Sodom yokwet biguk nai uŋaŋiŋ kudup fafaŋeniŋ kunum gineniŋ foŋon yehidakumuŋdapmaguk. 30 Ala Me Kobumuŋ niŋkulune baakneŋ nemek unduŋ dabuŋon mintaune kaneen.

31 “Nai uŋaŋiŋ nebek me niŋ yot foloniŋ halaak adi bombonŋiŋ kaliŋ yot maaneŋ mu fowaak, be nebek niŋ kade ginenŋ hatibaak adi yopmande mu waak. 32 Lot tamŋiŋ’walaŋ mintaguk u nadineŋ. 33 Nebek niŋdi hatihatiŋiŋ netok kahilewaak adi fiit timimbaak, eŋ nebek niŋdi nutok tiŋa hatihatiŋiŋ bikabaak adi hatihati foloŋon kahilewaak. 34 Nai uŋaŋiŋ timiŋ metam lufomdi gulup kubuŋon folon dahatune kubuŋon niŋ bikabuŋa kubuŋon hogok nagilaak. 35 Be tamyat lufom adi henanŋ nonŋon ila tulune niŋ nagila niŋ bikabaak.”

<sup>36</sup> Unduŋ yobu mihinjiyedi u nadiŋa niŋgiŋ, “Wapum, u danŋ mintawaak?”

<sup>37</sup> Unduŋ ninadigiŋ kaŋ yeniŋguk, “Dabaŋ danŋ hali bitakalakneŋ uŋoŋ kalaŋkatak hekidi bop-neiŋ.”

## 18

*Jesudi yonadi dedinŋ titinŋdok u tam kahat niŋ foloŋ kamekaanŋ yoguk*

<sup>1</sup> Unduŋ yoŋa Jesu adi mihinjiye ninadi kwanai fafaŋe tiŋa titinŋdok yoŋa yoyout mede foloŋ indinŋ yeniŋguk, <sup>2</sup> “Yokwet wapum niŋ gineŋ mede yodapmandapmanŋ me niŋ hatiluguk, adi Bepaŋ be kwetfoloŋ me yabuhanŋinda tuluguk. <sup>3</sup> Ala adi hatilugukneŋ uŋoŋ tam kahat niŋ hatiluguk adi helemahemanŋ woonŋ mede nadiŋa yodapmandapmanŋ me wendi tubulodadok yoŋa indinŋ niluguk, ‘Nehitubu-lodaanŋ me toboniŋ dut mede didimeŋgoŋ hinek yodapmawenŋ.’

<sup>4</sup> “Nai fee hinek niluguk inŋoŋ me mede nadiŋa yodapmanŋ me adi kibida tuluguk. Inŋoŋ mindaŋkade indinŋ yoguk, ‘Nu Bepaŋdok munta mu tilat eŋ metamdok nadibedi mu tilat, <sup>5</sup> inŋoŋ tam kahat i helehele buŋa nanimbaba tilak ale fiit tubulodaanŋ mede didimeŋgoŋ hinek yodapmawene bombonŋiŋ moŋgolek. Nu kwanai u mu tibit adi uŋambuŋat tiŋa nanilu nanilu lakata tibatneŋ.’ ”

<sup>6</sup> Unduŋ yoŋa Wapum adi tomboyoula indinŋ yoguk, “Me mede nadiŋa yodapmanŋ me hogolidi mede yolak u nadiŋeŋ. <sup>7</sup> Bepaŋ adi metamjiye netok yehikahilelak adi haninŋ tebele



nimbulabulaye hati tiin u yehitubu-lodaan mede didimengon hinek yodapmalak. <sup>8</sup> Tina undugon baigon mu tilak, adi pilap hinek yehitubulodalak. Ingon Me Kobumun baaknen metam nadisukilitihinit neenbe yehitubu-mintawaak be, be mokon?”

*Jesudi yoyout mede meyat lufomdi Bepan ninadi tugumuk folon kamekaan yoguk*

<sup>9</sup> Undun yeniya me indihidok mede yoguk. Me nolidi nehitok nadiune utumba tilak kan metam nolidok kadakanin titin nadiyemii. Aditok yoyout mede indin yoguk. <sup>10</sup> “Helenin meyat lufom Silonyotnen ninadi kwanai tide fogumuk, noli Falisi, agan noli takis muneen mongomongot me.

<sup>11</sup> “Ala Silonyotnen foon Falisi adi taban yalin netok indin ninadiguk, ‘O Bepan, metam hogo-hogok adi kadakanin tiin. En nu adi nememek natok hogok mu mongotat, be yalan mu yolat, be me noli’wala tam dut kefile mu tilat wondoktina welemomoon nadigamulat. Tina undugon nu muneen mongomongot me gu yatak adi undinin mon, <sup>12</sup> en Sonda kubugon maanen kadehati lufom nanane kamehep tina map hali ganinadi tina muneene faki utawaan dutok gamulat doktina welemomoon nadigamulat.’

<sup>13</sup> “Falisi adi undun ninadiguk kan takis mongomongot me adi kadakanin indok nadin meka tina tunen duwokene yali indin ninadiguk, ‘O Bepan, du me kadakanin titin nutok bulaningon nadiwen.’”

Jesudi kahat undun tiyemina yeninguk, <sup>14</sup> “Hanimbe nadinen. Takis mongomongot

me adi ninadi kwanai tiŋa yolide udaneguk nai uŋaniŋgoŋ hinek Bepaŋdi ninadiŋiŋ u nadiŋa kadakaniŋŋiŋ tumolokulimimbune me u walanda hinek tuguk. Bepaŋ ne unduŋ timimbune me didimeniŋ tuguk. Ingoŋ me noli adi ninadiŋiŋ u indiŋ doktiŋa mu nadimiŋguk. Meeniŋ nediyeŋ netok nadiune lolonŋit tilak adi yadi niŋa tifofonŋ titiŋdok, eŋ meeniŋ nediyeŋ netok nadiune fofonŋit tilak adi yadi niŋa tilolonŋ titiŋdok.”

*Jesudi yoguk, “Wapmihi kuyahi biyabune nu’walaŋkade buney”*

*(Matiyu 19:13-15; Mak 10:13-16)*

<sup>15</sup> Metam noli adi wapmihihiye Jesudi kohon kihik folonŋ kamewek yoŋa yanagila bugiŋ, kaŋ Jesu mihiŋiye adi yenihep tigiŋ. <sup>16</sup> Kaŋ Jesudi katiyenimbu buune yeniŋguk, “Wapmihi biyabune nu’walaŋkade buney. Kamehep mu tiyemineŋ. Bepaŋ’walaŋ hebenŋ folonŋ Hatihati Uŋgoniŋ hatak uyadi wapmihi undihidegoŋ. <sup>17</sup> Nu biyagoŋ hinek hanilat. Nebek niŋ adi Bepaŋ’walaŋ Hatihati Uŋgoniŋ u wapmihi-kabedi kahileiŋ unduŋ mu kahilewaak adi yadi maanenŋ uŋoŋ mu fowaak.”

*Me niŋ muneenŋ bombonŋ wapumnitdi Jesu takaliwe yoguk*

*(Matiyu 19:16-30; Mak 10:17-31)*

<sup>18</sup> Unduŋ yobune Judame heki’walaŋ talitimenŋ niŋdi yoguk, “Hinale momoonŋ, nu maŋgoŋ tiŋa hatihati dapmandapmaŋnit mokit kahilewaat?”

19 Undun ninadiguk kañ Jesudibo niñguk, “Mañgoñde nu momooñ nanilañ? Nebek niñdi momooñ nemu hatilak, Bepañdi hogok. 20 Du Yodoko Mede indiñ agañ nadilañ. ‘Hekimalam hidi kefile mu taneñ, du me widihikumun mu tuluwaan, du kubo mu tuluwaan, du menolidok yalañ mu yeniluwaan, du mañge baha’walañ mede tiloloñ tuluwaan.’ ”

21 Undun yobune me wondi niñguk, “Nu koom kuyanineñgoñ Yodoko Mede hogohogok u agañ tagimneñ tugutdi titabulat.”

22 Jesudi mede u nadiña niñguk, “U kedem tilañ iñgoñ nemek kubugoñ nimañ titiñdok hatak woñ adi indiñ. Bombonje hogohogok tuwadok boiune tuwaune muneñ fiyewakahidok yembeñ. Undun tibeñ kañ nemenemek momohi kunum gineñ uñgoñ boigambu itneñ. Ale undun tiña buña nu nehikeleweñ.”

23 Me u muneñ bombon wapum hinek hal-imiñguk doktiña mede u nadiña welemulap kisañ hinek tuguk. 24 Undun tubu Jesudi u kañ yoguk, “Metam muneñ bombonhinit adi Bepañ’walañ hebeñ gineñ Hatihati Uñgoniñ u kahiledok kwanaimiñ hinek tiñ. 25 Kale kamel\* adi buñi ginaneñ fofon dok kwanaimiñ hinek mu tibek, iñgoñ me muneñ bombonhinit adi Hatihati Uñgoniñ kahiledok kwanaimiñ wapumgoñ hinek tineñ.”

26 Undun yobune metamdi nadiña yogiñ, “Kei, undun doktiña nediyeñ kahilewaak?”

---

\* **18:25:** Kamel adi kale wapum, makau dabugoñ.

<sup>27</sup> Kañ Jesudi yeninguk, “U meeniñdi titiñdok tuwot moñ, iñgoñ Bepañ’walañkade adi nemek u be u titiñdok kwanaimiñ mu tilak.”

<sup>28</sup> Unduñ yenimbune Pitadibo niñguk, “I kawen, indi nemenemek hogohogok biyabudapmaan du gehikeleyam.”

<sup>29</sup> Yoguk kañ Jesudibo yeninguk, “Biyagoñ hinek hanimbit. Nebek niñ adi Bepañ’walañ Hatihati Fafañeniñ doktiña wapmihi tam be yolikweli, be miñbeu, be dali kwayaniye biyabulak adi <sup>30</sup> nai indidegoñ duhuduhu tubumintamilak, eñ kougoñ adi hatihati dapmandapmanñit mokit mimbaak.”

*Jesu ne kumuña kaikaan pilalaak wondok yenimbune nai 3 tuguk*

*(Matiyu 20:17-19; Mak 10:32-34)*

<sup>31</sup> Jesu mihiniye yanagi woon nehi hogok yehibopneen yeninguk, “I nadineñ, ya agañ Jelusalemde loyam kañ uñon polofet hekidi Me Kobumuñdok mangoñ mintamindok yoña youkiñ hogohogok u foloon mintawaak. <sup>32</sup> Me Kobumuñ adi Loma me heki’walañ kohohik folon kameeneñ kañ nimpekit tiña nihañindaan maluluk suwambali <sup>33</sup> kiyegelepdi utubukadakaan ulukumuneen, kañ helebufa lufomkulitniñ hali kotigoñ kaikaan pilalaak.”

<sup>34</sup> Unduñ yenimbu mede u mu nadidakalegiñ. Mangoñde, mede mebidu hebihat tuguk doktiña mihiniyedi nadidakaledok kwanaimiñ tigiñ.

*Jesudi Jelikonin me dawi sipmakan nin tubu-  
tominguk*

*(Matiyu 20:29-34; Mak 10:46-52)*

<sup>35</sup> Jesu Jeliko tubudulalune me dausipmik nin talipmen ila nayo tuluguk. <sup>36</sup> Ala undun ila tulune metam feedi bunja kalakapmelu nadiña yeninguk, “I mangon tiin?”

Yobune ninjin, <sup>37</sup> “Jesu Nasaletnin bunja ulak.”

<sup>38</sup> Undun yobune nadiña indin kutiguk, “Jesu, Dewit’walañ yalaki, nutok bulaningon nadiwen.”

<sup>39</sup> Undun kutibune metamdi nintonja kabup ilek yonja nihep tigin ingon me yadi tobonin gagine tinja wapungon hinek kutiguk, “O Dewit’walañ yalaki, nutok bulaningon nadiwen.”

<sup>40</sup> Kutibune Jesu ungon yali yenimbune me dausipmik u nagila bugin kan Jesudi ninadiguk, <sup>41</sup> “Nu mangon tigambit yonja kutinanilan?”

Undun yoguk kan dausipmikdibo ninguk, “Wapum, nu dau diwediwe tibe nadilat.”

<sup>42</sup> Undun yobune Jesudi ninguk, “Dauge kedem diiwewen! Nadisukilitigedi gehitubukedealak.”

<sup>43</sup> Undun nimbune nai unaningon dawi diwedakaleen Jesu keleen Bepan niutumbaguk. Kan metamdi kudi u kan adi maan Bepan niutumbagin.

## 19

*Sakiyasdi Jesu kawene bem folonin loguk*

<sup>1</sup> Jesu adi Jeliko wosuwaan yokwet lekingon uguk. <sup>2</sup> Yokwet unanin me nin wou Sakiyas. Adi muneen bombonit tinja takis mongomongot

diniŋ talitimenŋ hatiluguk. <sup>3</sup> Ala Jesu ungoŋ ulune me u muniŋgoŋ-kabe doktiŋa kakanŋdok kwanaimiŋ tuguk. <sup>4</sup> Unduŋ doktiŋa kiyaneenŋ timenŋ wooŋ bem foloniŋ loguk. <sup>5</sup> Kaŋ Jesu adi bem u yakukneŋ wooŋ dadiyeenŋ diweenŋ Sakiyas kaŋ niŋguk, “Sakiyas, pilap fo! Nu kamiŋ du yokeneŋ wit.”

<sup>6</sup> Unduŋ nimbune pilap hinek foonŋ Jesu nadifo foloŋ nagila uguk. <sup>7</sup> Kaŋ metam hogohogok adi u kaŋ nimunumunuŋeŋ indinŋ yogiŋ, “Me i me kadakaninŋ titiŋ yoliniŋ nalum ulak.”

<sup>8</sup> Yopmaŋ wooŋ ila Sakiyas adi pilali yali indinŋ niŋguk, “Wapum, i nadiweŋ, nu kougoŋ muneenŋ bomboŋne lekiŋgoŋ daneenŋ faki fiyewakahidok yembit tiŋa metam yalaŋ yeniŋa bomboŋhik kubonegut u kedem kibikoŋ wapumgoŋ tubu-udaneyembit.”

<sup>9</sup> Unduŋ yoguk kaŋ Jesudibo niŋguk, “Du maanŋ Abalaham’walaŋ yalaki iŋgoŋ. Unduŋ doktiŋa kamiŋ Bepaŋdi metam yot yendok maaneŋ ikiinŋ hidi hehitubu-lodaanŋ hanagitak. <sup>10</sup> Me Kobumuŋ adi me fiit tigiŋ yolohiŋa yehitubu-mintaanŋ yanagile buguk. Adi kwanai unŋakoŋ tibe buguk.”

*Mapmedi udaneenŋ buŋa kwanai-me tuwahik didimeniŋgoŋ yembaak*

<sup>11</sup> Jesu adi Jelusalem tubudulalune metam adi Bepaŋ’walaŋ hebenŋ gineŋ Hatihati Fafaneninŋ agaŋ mintawe tilak yo nadigiŋ. Tiŋa ungoŋ yali nadilu tomboyoula yoyout mede indinŋ yeniŋguk. <sup>12</sup> “Me niŋ wougigitnit hatiluguk ala heleninŋ kwet kweetniŋ uune mapme kameneŋ yoŋa uguk.

13 Ala wene tipilapilaye mihinje 10 katiyen-  
imbu buune muneen tumut kubugon kubugon  
yemina yeninguk, 'Hidi muneen yengon mongola  
kwanaineen wapumgon yehitubu-mintaneen.'

14 Undun yemina uune me noli adi mapme mu ilek  
nadigin doktina mebop nin mede indin yemina  
yeningkulune mindan keleen ugin, 'Indi me i  
mapme mu hatibek nadiyam.'

15 "Kan me u agan wong mapme iitdok nin-  
dapmaune udaneen buja tipilapilaye mihinje  
yenimbune bugin. Kan muneen dedin yehitubu-  
minta nit yeninadiwene katiyeninguk. 16 Kan  
me timen yakukdi yoguk, 'Wapum, nu muneen  
namgun wondi kwanainewe muneen tumut 10  
nimaan tomboyoula mintaguk.'

17 "Undun yobune ninguk, 'Kedem hinek tugun.  
Kwanai me momoon. Du nemek kuyanin u ke-  
dem kadokogun doktina ganindapmawe yokwet  
wapuhi 10 yabudokoluwaan.'

18 "Kan me nolidibo buja ninguk, 'Nu muneen  
namuna ugun wondi kwanainewe muneen tu-  
mut 5 nimaan tomboyoula mintaguk.'

19 "Undun yobune ninguk, 'Kedem hinek tugun.  
Kwanai me momoon. Du nemek kuyanin mo-  
moon kadokogun doktina ganindapmawe yok-  
wet wapuhi 5 yabudokoluwaan.'

20-21 "Kan me nolidibo buja ninguk, 'Muneenge  
tumut yon. Du me kongolondan tina undugon  
me nin di kwanai tubune foloon mintaune du  
hogok mongotdok nadilan. Undun doktina  
muneenge tubufilaatnen yona munta tina haule-  
bumdi yauneen kamegambe hatak.'

22 “Undun yobune ninguk, ‘Tipilapilaye me hogoli du, da’walañ medege wendigon mede gineñ gapmelak. Du nu me kongolondañ agañ nadinamulañ, nu nemek na’walañ mu mongotot tiña kwanai mu tilat ingon foloon mintaune mongotot. 23 Ale du mañgonde kamehafit tugun? Muneen yotneñ tiña woon kameune kwanaineen noli neen mintaune buña mongolit on.’

24 “Undun yoña metam unon yakin yeninguk, ‘Adi undun tuguk doktiña muneen mingut u lomtiña me kwanai tiña muneen tumut 10 yehitubumintaguk mineñ.’

25 “Kañ yogin, ‘Wapum, adi agañ 10 mongolak.’

26 “Undun yogin kañ yeninguk, ‘Nebek niñ adi nemek miñgin u boiña hatibune kañ tomboy-oulimimbaak, eñ nebek niñ nemek miñgin u mu kame hatibune kañ lomtubune hogok hatiluwaak. 27 Agañ ale me nediyen nu me mapme mu hatidok nadinamgin u yanagila namandatne folon ingon buña widihiliwe tineen.’ ”

### *Jesu donki folon Jelusalemde loguk*

*(Matiyu 21:1-11; Mak 11:1-11; Jon 12:12-19)*

28 Jesu adi mede undun yeniña Jelusalemde koom uguk. 29 Woon Oliwa Tuwai gagayen Betefage eñ Betani yehitubu-dulaan 30 mihinijyat lufom mede indin yeniña yeningkulu timen ugu-muk: “Hidi yokwet gu hatakneñ woon donki mihinin me nolidi koom nemu loon ila yaugin ungon tehiune yatak u fiyali nagi budemek. 31 Fiyalu nebek niñdi mañgonde fiyakamuk yobune kañ, ‘Wapumdi yendegon yoñak’ yodemek.”



<sup>32</sup> Unduŋ yeniŋa yeniŋkulu meyat adi wosuwaan nenenemek Jesudi yeniŋuk unduŋoŋ hinek tubumintagumuk. <sup>33</sup> Tiŋa doŋki mihiniŋ yafiyatu molomdi buŋa “Maŋgoŋde fiyakamuk?” yeniŋuk.

<sup>34</sup> Kaŋ yogumuk, “Wapumdi yendegoŋ yoŋak,” <sup>35</sup> yoŋa fiyali hamantiŋa Jesu heki hakiŋneŋ ugumuk. Wosuwaan dahidahihik wahiniŋ kwi-hiŋa doŋki foloŋ iŋa Jesu tubulodaune looŋ ikuk. <sup>36</sup> Ilaŋa ulune metamdi dahidahihik wahiniŋ kwi-hiŋa tali foloŋ gulup itaugiŋ.

<sup>37</sup> Wooŋ Oliwa Tuwai koloneŋ foŋila Jelusalem tubudulaune metam Jesu keleyagiŋ bop wapumdi Jesudi nenenemek wapum tuguk wondok Bepaŋ welemooŋ nadimiŋa niŋa tiloloŋ tigiŋ. <sup>38</sup> Tiŋa kakaliŋa indiŋ yogiŋ,

“Mapme i Wapum wou gineŋ bulak, Bepaŋdi kahaŋ timimbek!”

“Bepaŋdi welekulema tubumintanimilak doktiŋa adi wou niŋa tiloloŋ titiŋdok.”

<sup>39</sup> Unduŋ togiŋ kaŋ Falisi noli metam baŋamhik gineŋ uŋgoŋ yali Jesu indiŋ nintogiŋ, “Hinale, du metamgeye yenimbune wabineŋ.”

<sup>40</sup> Niŋgiŋ kaŋ Jesudibo yeniŋuk, “Nadiiŋ be. Adi wabineŋ kaŋ kawade hekidi toŋa Bepaŋ ni-utumbaneŋ.”

*Jesu adi Jelusalemdok bulaningon nadiguk*

<sup>41</sup> Unduŋ totabuŋa Jelusalem tubudulaan Jesudi Judahi'walaŋ yokwet mebi Jelusalem u kaŋ makat kokuk. <sup>42</sup> Indiŋ nadiŋa koyemiŋguk, “Hidi kamiŋ nai yendok kulema gineŋ hatidok nadiŋa kadakalenetijit binek adi kedem,

ingon hidi adi dauhik sipmakahi doktiņa mu kadakaleiņ. <sup>43</sup> Unduņ doktiņa nai niņ mintawaakneņ memikhikdi mik bombonhinit buņa hehikelemadiņa yahedapmaan <sup>44</sup> hidi be wapmihihie fidihiņa hehitapme-tukulune maan hidihikumuneņ. Hidi Bepaņdi hehitubu-kedebawe buguk nai u mu kakiyondagiņ doktiņa unduņ tihamuneņ, tiņa yokwet i tubuliwedapmaneeņ.”

*Jesudi Silonyotņiņ uyadi ungoniņ yoguk  
(Matiyu 21:12-17; Mak 11:15-19; Jon 2:13-22)*

<sup>45</sup> Mede u yodapmaan Silonyot diniņ hamuhe gineņ foon metam muneņ bombon kibikibi tiņa hatigiņ u indin yeniņa yehikelepupuhene-une foutelegiņ, <sup>46</sup> “Youkudip gineņ Bepaņ’walaņ mede indin hatak, ‘Nu yotne uyadi ninadi yot unduņ yoneņ.’ Unduņ yolak ingon hidi unduņ tubune kubome heki’walaņ hebihathik kwet dabugon tilak!”

<sup>47-48</sup> Helemahelemaņ Jesu adi Silonyotneņ Mede Momoon yoyo tuluguk kaņ metam hogohogok adi medeņiņ nadiņa nadigalika tagiņ doktiņa me Silonyot diniņ talitimeņ wapuhi, eņ Yodoko Mede hinale heki, eņ Judahi’walaņ me wapuhi adi ulukumunđok nadigiņ ingon metam gineņ doktiņa nadibedi tiņa wabigiņ.

## 20

*Judame talitimeņhiye Jesudi yeninadiune mede lohigiņ  
(Matiyu 21:23-27; Mak 11:27-33)*

<sup>1</sup> Heleniņ Jesu adi Silonyot diniņ hamuhe ginen foon Mede Momoon yeniyeniņ ha-tulune Silonyot diniņ talitimenē wapum heki, eņ Yodoko Mede hinale heki agaņ me wapuhi noli adi indinē ninadigin, <sup>2</sup> “Du nediyeņdi kwanai i titiņdok saņiniņ gamuņa ganindapmaune tilaņ u ninimbune nadinim?”

<sup>3</sup> Ninadigin kaņ adibo yeniņguk, “Unduņ yoiņ ale nubo haninadiwit. <sup>4</sup> Jon Imeyout kwanai tuguk u neeņdi nindapmaguk. Bepaņdibe, be kwetfoloņ medi nindapmaginē u nanimbune nadiwit.”

<sup>5</sup> Unduņ yeninadiune adi mede toboniņ dedin tubu-udanenim yonā nehi uņgoņ kiyonadi tigin. Tiņa yogiņ, “Bepaņ yonim adi ninimbek, ‘Kaņ hidi maņgoņde medeņiņ mu nadisukilitigin?’

<sup>6</sup> Tiņa undugoņ metam hogohogokdi Jondok polofet niinē doktiņa kwetfoloņ me yonene adi kawade mongola nindihineneņ ale dedin yonim?” <sup>7</sup> Unduņ yonadibediņa moņ kaņ “Mu nadiyam” niņgiņ.

<sup>8</sup> Kaņ Jesudibo yeniņguk, “Hidi mu yobihikiņ doktiņa nu undugoņ neeņ nanindapmaune kwanai i tilat u nu maañ mu hanimbit.”

*Me kadakahidi wain fiye kadokogin  
(Matiyu 21:33-44; Mak 12:1-11)*

<sup>9</sup> Unduņ yeniņa metam yoyout mede indinē yeniņguk. “Me niņ adi wain fiye diniņa gimbahanē ibiņa yetiņa me kadokodok yehitubumintaañ yeniņguk, ‘Hidi kadoko hatibune folooņ mintane daneeņ natok niņ boiņa hidetok niņ boineeņ.’ Unduņ yeniņa biyabuņa niņkade uguk.

10 “Ala hatige hatige wain agan foleon mongotdok nai tuguk kan aditok nenobu boinej yonja tipilapilayenij nin ninikulune buguk. Kan me wain fiye kadoko tigin hekidi wihitnadija hogok kameune udaneen uguk. 11 Wosuwaune kotigon tipilapilayenij nolibo kameune buguk kan u maan utubufigitaanj nemek mekanmekan timina kameune hogok udaneguk. 12 Kan kotigon ninbo kameune buguk kan me wain fiye kadoko tagin hekidi gibita ulanja toboti gimbahanj fatnak kulune foguk.

13 “Undun tigin kan wain fiye molomdi dedin hinek tibit yo nadija yoguk. ‘Kaminj na’walanj mihine wenedi kahilelat kamewe wek kan moonj timinej.’

“Undun yonja kameu buguk 14 injonj me wain fiye kadoko tigin heki adi kan yogin, ‘Adi kuyendi hatigene wain fiye i kahilewaak onj! Undun dok-tinja ulukumunja wain fiye i indetok kahileneem.’ 15 Undun yonja nagila gimbahanj fatnak kameen ulukumunjinj.”

Jesu adi undun yenindapmaanjinj indin yeni-nadiguk, “Undun tubune wain fiye molom adi dedin tibek? 16 Wabinja ne bunja me wain fiye kadoko tiinj u widihikumunja wain fiye u me nolidok yembek.”

Jesudi undun yobune metamdi nadiu tuwot mu tubune indin yogin, “Hidige! Undun hinek mu titindok!”

17 Undun yolune yabuhohone tinja indin tubu-udaneyemguk, “Undun injonj, manjonjde Youkudip Mededi indin yolak?”

‘Yot mamañme hekidi taka fofoonj ninj moñ yo tukukinj, ingonj taka u mindanjcade taka kobumunj mintaguk.’

<sup>18</sup> Undunj doktiña nediyenj taka kobumunj wendok folonj maanj ulaak adi umunumunuke tibaak. Enj taka kobumunj wendi me ninj foloonj folonj maanj utubukadakaanj ufilifiliye hinek tibaak.”

*Jesu takis muneñdok ninadiginj  
(Matiyu 21:45-46; 22:15-22; Mak 12:12-17)*

<sup>19</sup> Undunj yobune me Silonjyot dininj talitimenj tiña Yodoko Mede hinale heki adi yoyout mede u aditok nadiña yenilak u aganj nadikiyondaan nai unjaningonj honeenj uurdok nadiginj ingonj metam doktiña nadibediña wabiginj. <sup>20</sup> Wabiña kakuwali dedinj tiña honeenj gapman heki’walañ kohohik folonj kamenim yonja talii lohiginj. Tiña me noli yeningkulune me momohi namandap tiña keleenj wanañ yauginj.

<sup>21</sup> Keletawoonj Jesu indinj ninginj, “Hinale, indi du nemenemek yolañ u talii folongonj biyagonj yolañ u aganj nadiyam, tiña kwetfolonj me lolonjfofonjhinit yabumunta mu tiña Bepañ’walañ mede foloonj ninilañ <sup>22</sup> doktiña ninimbenj. Indi Lomahi’walañ mapme Sisadok takis kameyam u du nadiune kedem be tilak be moñ?”

<sup>23</sup> Undunj yoginj kañ Jesudi welehek maanenj kadapmaan muneenj ninjok yenimbu minginj kañ tiña loonj kameyali indinj yeninadiguk, <sup>24</sup> “Welewele tiña kudi i nedi’walañ?”

<sup>25</sup> Kañ yoginj, “Sisa’walañ.”  
Ninginj kañ yeninguk,”

<sup>26</sup> Metam namandahik ginenj unduŋ yenimbu honedok talii lohiŋa medeŋiŋ yoguk u nadiŋa boho tiŋa mede lohi tigiŋ.

*Sadusi hekidi kumuŋ gineniŋ kaikaan pilatdod Jesu ninadigiŋ*

*(Matiyu 22:23-33; Mak 12:18-27)*

<sup>27</sup> Unduŋ tigiŋ kaŋ Sadusi hekidibo Jesu nina-dine bugiŋ. Me heki u metam kumuŋa koti mu pilatneenŋ yoyagiŋ ala buŋa niŋgiŋ, <sup>28</sup> “Hinale, Mosesdi Yodoko Mede indiŋ youtninguk, ‘Me niŋ adi tam tiŋa wapmihi nemu yehitubu-mintaanŋ kumumbune kaŋ me wendiniŋ kwayaŋdibo tam kahat uŋakoŋ nagila wapmihi me kumuŋ tuguk-dok yehitubu-mintamiluwaak.’ <sup>29</sup> Heleniŋ heki-dalit 7 hatigiŋ ala Tuwodi tam niŋ nagikuk. Nagila wapmihi nemu yehitubu-mintaanŋ kumuŋguk <sup>30</sup> kaŋ Monedibo tam uŋakoŋ nagikuk. Adi maanŋ unduŋoŋ wapmihi nemu mintaune kumuŋguk, <sup>31</sup> kaŋ Gikdibo tam uŋakoŋ nagikuk. Unduŋ hogok titawoonŋ kwayahik dikineŋdi nagila kumumbune <sup>32</sup> tam u maanŋ hogok hatiŋa kumuŋguk. <sup>33</sup> Me hekidalit 7 adi tam kubuŋoŋ uŋakoŋ nagikiŋ ala kouŋoŋ nai wapum foloŋ pilatneenenŋ tam u neditok tibaak?”

<sup>34</sup> Unduŋ ninadigiŋ kaŋ yeninguk, “Kobuk nai yendok adi metam hekimalam tiŋiŋ <sup>35</sup> eŋ kouŋoŋ metam Bepaŋdi yabune tuwot tubune kumuŋ gineniŋ yehitubu-pilalu hatineenŋ uŋaŋiŋ adi hekimalam mu tineenŋ. <sup>36</sup> Adi kumuŋ gineniŋ pilali Bepaŋ’walaŋ wapmihi tineenŋ dok-tiŋa aŋelo heki dabuŋoŋ hatiŋa kumuŋ mu tineenŋ. <sup>37</sup> Tiŋa Mosesdi kumuŋa pilatdok biyagoŋ

hinek yodakaleguk. Bepañ'walañ kudupdi bem daguk nai unañiñ Wapumdi indin yoguk, 'Nu Abalaham eñ Aisak tiña Jekop heki'walañ Bepañ.'<sup>38</sup> Adi yadi kumuhi'walañ Bepañ moñ. Adi yadi kaipmuhi'walañ Bepañ. Biyagon hinek, adi'walañ metamñiye kumundapmañ mu tiin, adi'walañkade adi kaipmunñ hatiin."

<sup>39</sup> Unduñ yobune Yodoko Mede hinale heki adi ningin, "Hinale, mede momoon hinek tubu-udanelañ." <sup>40</sup> Tiña kotigon ninadidok munta tiña wabigin.

*Jesudi metam ne'niñ mebidok yeninadiguk  
(Matiyu 22:41-46; Mak 12:35-37)*

<sup>41</sup> Jesudi indin yeninadiguk, "Hidi mangonde Kilisto adi Dewit'walañ yalakinin yoin? <sup>42</sup> Dewit ne Kap ginen indin youkuk,

'Wapumdi nu'walañ Wapumne indin ninguk, "Du kohone didimeninñekade itune <sup>43</sup> me mikgeye kayoge falipmen yapmewaat."

<sup>44</sup> Dewit adi 'Wapumne' ninguk kañ dedin tiña Kilisto adi Dewit yalakinin tilak?"

*Jesudi mihinñiye mute mede yeninguk  
(Matiyu 23:1-36; Mak 12:38-40; Luk 11:37-54)*

<sup>45</sup> Metam fee adi ungon yanadilu mihinñiye indin yeninguk, <sup>46</sup> "Yodoko Mede hinale heki fiyen doktiña nadinadinila hatiyaneen. Adi yadi tinahukut kweheyehi tiña yowawaliwen uune metandi momoon tiyemiña yeniutumba titindok nadin. Tiña hinamuni nai ginen be bopyot-nej me wohiyenit'walañ pop folon iitdok nadin.

<sup>47</sup> Tiŋa adi yadi tam kahat heki yalaŋ yeniŋa bombonhik yolom mongokiŋdigoŋ metamdi yabudok yoŋa ninadi kweheyehi hati tiŋ. Adi kougoŋ kibikoŋ malabumuŋ wapum mintayembaak.”

## 21

*Tam kahat niŋdi muneŋ-kabe behatiguk  
Bepandok kamedapmaguk  
(Mak 12:41-44)*

<sup>1</sup> Unduŋ tiŋa Silonyotneŋ uŋgoŋ Jesudi yayabulune me muneŋ bombonhinit adi siloŋ malin foloŋ muneŋ looŋ boigoŋ. <sup>2</sup> Kaŋ tam kahat fiyewakaŋ niŋ adi buŋa muneŋ gimihim lufom boiguk kaŋ <sup>3-4</sup> Jesudi u kaŋ metam indiŋ yeniŋguk, “Biyagoŋ hinek hanilat, metam hogohogok noli muneŋhik boiŋit iŋgoŋ dumuŋhikdok uŋgoŋ halune boiŋit. Kaŋ tam kahat fiyewakaŋ yeŋ adi ukabe boihatilak agaŋ boidapmanak doktiŋa adi boiŋak adi noli yalakapmeŋ tiŋa wapumgoŋ boiŋak.”

*Jesudi nai dapmawe tulune mangoŋ mintawaak  
wondok kigili mede yoguk  
(Matiyu 24:1-14; Mak 13:1-13)*

<sup>5</sup> Jesu mihiniye noli adi Silonyot kawade fofohidi magiŋ eŋ nemenemek fofohi siloŋdok boiyagiŋ u yabunadigalika tiŋa yogiŋ, kaŋ Jesudi yeniŋguk, <sup>6</sup> “Yot be nemenemek yabuŋa yoiŋ wendok hanimbit. Nai niŋ mintawaakneŋ uŋgoŋ nemenemek yabu yoiŋ i memik hekidi ubulagineŋ youpupuhene-kudapmaune molomolom mapupuheneŋ ila uneŋ.”



<sup>7</sup> Unduŋ yenimbune niŋgiŋ, “Hinale, nemek u nai deniŋ mintawaak, tiŋa nai dulaune timenŋ maŋgoŋ mute mintawaak?”

<sup>8</sup> Unduŋ yonadigiŋ kaŋ yeniŋguk, “Tikamanda tihamuŋa nadinadihik tubugiyondaneeneŋ ala nadinadiŋila hatiyaneenŋ. Metam feedi buŋa nu wotnene foloŋ yokamanda indiŋ tineenŋ, ‘Nu na iŋakoŋ.’ be ‘Nai agaŋ dulalak.’ Ingoŋ hidi adi u mu yehikeleneenŋ. <sup>9</sup> Hidi mik wapum mintaune gigilitŋiŋ nadineenŋ, be mik kwet niŋkade gwaŋ mintawe tubune gigitŋiŋ hogok nadiŋa munta mu tineenŋ. Nemenemek undihi timenŋ mintaneenŋ iŋgoŋ nai wapum adi pilap mu mintawaak.”

<sup>10</sup> Tiŋa tomboyoula indiŋ yeniŋguk, “Kwetk-wet metam bop wapum be bop kuyaniŋ adi nehi uŋgoŋ kibikibi mindobuneenŋ. <sup>11</sup> Kaŋ nai uŋaniŋ kenim wapuhi kwetkwet mintatawaak, eŋ map wapum mintawaak, eŋ yagit mebimebi mintawaak, eŋ kunum gineŋ adi nemek muntaŋ muntaŋ uŋgoŋiŋ mintawaak. <sup>12</sup> Nemek u kougoŋ mintaneenŋ yoŋa timenŋ adi hidi nutok tiŋa hanagila fidihiŋa folofigita hamneenŋ, tiŋa hanagila bopyotneŋ fooŋ medehik nadineenŋ. Yot fafaŋeniŋneŋ hapmeneenŋ, eŋ hanagila mapme be me wapuhi heki’walaŋ uneenŋ. <sup>13</sup> Kaŋ nai uŋaniŋ hidi Mede Momooŋ yohautadok naihik mintawaak. <sup>14</sup> Kaŋ hidi nai uŋaniŋ adi namandahik gineŋ yaliŋa mede dedinŋ yonim yoŋa nadihebet mu tineenŋ. <sup>15</sup> Nu nai uŋaniŋgoŋ nadinadihik be mahik tubulodawene yoneenŋ kaŋ me tobohi adi medehik ulatifofonŋdok talii lohi tineenŋ. <sup>16</sup> Tiŋa nai uŋaniŋ mehim-behiye, be

dahik-kwayahiye, be mehimehiye, be nohiye nehigoŋ maan bolik tihamneen kaŋ noli hidi fidihikumun tineen. <sup>17</sup> Tiŋa metam hogohogok nutok tiŋa hidi habukwihita tineen, <sup>18</sup> ingoŋ nu habudokowe kihik hapmun kubugoŋ-kabe nemu filaak. <sup>19</sup> Unduŋ doktiŋa fafaŋe tiŋa hatiŋa Hati-hati Kobuli kahileneen.”

*Jelusalem yot mebi diniŋ mede*  
(Matiyu 24:15-21; Mak 13:14-19)

<sup>20</sup> “Hatiŋa kaneen, Jelusalem yokwet mikmedi buŋa yakelemadiune Jelusalem yokwet tubukadakadok nai agaŋ tilak nadineen. <sup>21</sup> Unduŋ doktiŋa indiŋ tineen. Me Judiya kwetneŋ hatineen hidi momoŋ tuwai foloŋ loneen, kaŋ me yokwet wapum maaneŋ hatneen hidi momoŋ fooŋ bu uneen, kaŋ me fakaŋ hatineen hidi momoŋ tobo yokwet wapum maaneŋ mu foneen. <sup>22</sup> U kadakaninŋhik diniŋ kibikoŋ tubu-udaneyemdok nai tibaak. Unduŋ tubune Yodoko Mededi yolak u foloŋ mintawaak. <sup>23</sup> Hidige! Nai uŋaniŋ, tam mihiwelehinit eŋ tam eyaŋhinit adi kada, dedin tineen. Tiŋa undugoŋ kwet yendok malabumun wapum hinek mintaune Bepaŋ’walaŋ kwihitadi metam yendok foloŋ mintayembaak. <sup>24</sup> Metam noli miknoŋdi widihikumuna noli kohohik ibikilitiŋa yanagila kwetkwet udapmaneen. Kaŋ me Judahi’walaŋ feknit mokit heki Bepaŋ mu nadimiin adi Jelusalem yokwet kahileen tubukadakalune Bepaŋdi nai yoguk folongon dapmawaak.”

*Bepañ'walañ mede mu liwewaak  
(Matiyu 24:29-35; Mak 13:24-31)*

<sup>25</sup> “Nai unaniñ mele, muyakip, bamholiña heki nemek ungoniñ hinek mintayembaak. Kañ metam hogohogok adi imenḡwan wapumdi tinḡiyondaan muhila gigilit tobune nadiña munta tiña sañiniñ lohineen. <sup>26</sup> Kañ kunum mahamulune nemenemek unon ikiin hogohogok iithik giyondaune kwetfolon inon metamdi ‘I maḡon mintalak’ yoña welemulap tiña kumunḡweheye tiña tineen. <sup>27</sup> Kañ nai unaniñ Me Kobumun adi mulukwan folon hauta holiholiñe tiña sañiniñ wapumnit busuwaune kaneen. <sup>28</sup> Ala nemek undihi mintaune ‘Ninigitdok nai agañ dulalak’ yoña dadiyeen kunum gineñ diween nadifo tiña yatneen.”

<sup>29</sup> Undun yoña Jesudi kotigon yoyout mede niñ indin yeninguk, “Bem kone u kañ nadiñeñ. <sup>30</sup> Hapmun maan gitipmun labune meleyañ nai yoyam. <sup>31</sup> Undugon hinek nemek u mintaune kañ Bepañ'walañ Hatihati Fafañeniñ agañ dulalak yoneen. <sup>32</sup> Tiña i biyagon hinek hanimbit, metam kumunḡdapman mu tulune nemenemek i mintawaak. <sup>33</sup> Kunumkwet adi liwedemeek inḡon nu'walañ medene adi tuwot mu liwewaak.”

*Hidi welehikdi damo kaipmun hatiñila ninadi  
kwanai youdihiniñ tiña hatiyaneeñ*

<sup>34</sup> “Hidi kwetfolonḡdok nadinadi hogok hatiña kwetfolon tinagalika tiña ime fafañeniñ naañ nadibubuyeen hati tolune nai wapumdi begap gineñ kale widihiin dabugon fidihawaakneñ ale

hidi nadinadinale hatiyaneen. <sup>35</sup> Nai wapum adi metam hogohogokdok mintayembaak dok-tinā hanilat. <sup>36</sup> Ale gweheye bilinteletnit mokit hatiņa nemenemek u yalakapmedapmaan Me Kobumuņ namanda foloņ saņiniņnit mintayat-neeņdok ninadi kwanai taneen.”

<sup>37</sup> Jesu adi helemahelman hadapmo Siloņyotneņ fooņ Mede Momooņ yeniluguk ala bufaune Oliwa Tuwai foloņ uņoņ deituguk. <sup>38</sup> Ala heleune haniņ metam wooņ Siloņyotneņ bopneune Mede Momooņ yeniluguk.

## 22

*Judasdi Jesu mikme kohohik foloņ kameņdok yofafaneņguk*

*(Matiyu 26:1-5, 14-16; Mak 14:1-2, 10-11; Jon 11:45-53)*

<sup>1</sup> Belet haguwonit mokit sipakan dinin hinamuni titiņdok eņ Aņelodi Yabukiyondaan Yalakapmeguk wondiniņ nai dulaguk. <sup>2</sup> Kaņ Siloņyot diniņ talitimeņ heki tiņa Yodoko Mede hinale heki adi metamdok munta tiņa Jesu dedin tiņa ulukumunim yoņa talii lohigin. <sup>3</sup> Kaņ Sadaņdi Jesu mihiniņ niņ, Judas Kaliotniņ adi welen maaneņ foguk. <sup>4</sup> Kaņ Judasdibo Siloņyot diniņ talitimeņ, eņ mikme wapuhi Siloņyot kadokoyagiņ heki'walaņ wooņ mintayemiņa Jesu adi kohohik foloņ kameņdok yeniņguk. <sup>5</sup> Kaņ adi u nadiņa nadifo wapum hinek tiņa muneen mimiņdok yogiņ. <sup>6</sup> Judas adi mede u yofolokeneen nai niņ metam feedi mu bopneune

nai unanin Jesu kabup mikme heki kohohik folon kamenɗok yonɗa woom hatiguk.

*Jesu mihinjiye dut nanane nonɗon nananɗok tiulidokogin*

*(Matiyu 26:17-25; Mak 14:12-20; Jon 13:21-30)*

<sup>7</sup> Belet haguwonit mokit, sipakan dinin hinamuni nai tubune Anelodi Yabukiyondaan Yalakapmeguk wondok dompa widihigin nai dulaune <sup>8</sup> Jesudi Pita dut Jon yeningkula indin yeninguk. “Hidi udemek woon nanane muni tiulidokodemek kan woon habunɗa nanim.”

<sup>9</sup> Kan adibo ninadigumuk. “Dan tiulidokodim nadilan?”

Undun ninadigumuk kan adibo yeninguk, <sup>10</sup> “I nadidemek, hidi woon yokwet wapumnen wosuwalune me nin ime kabotnit bunɗa hehitubumintawek. Kan me unakon keletawoon adi yot dan foweknen unon fodemek. <sup>11</sup> Foon yot molom indin nindemek, ‘Hinaledi indin ganilak. Mihineye indi Anelodi Yabukiyondaan Yalakapmegukdok nanane nanimdok yotmaan denɗak?’ <sup>12</sup> Undun nindemek kan adi yotmaan wapum folonin, kumopop en falik ila nanane nananɗok agan koom tiulidokogin u hanimbune nanane unon tiulidokodemek.”

<sup>13</sup> Undun yenimbune woon Jesudi yeninguk undugon hinek tubumintaan Anelodi Yabukiyondaan Yalakapmegukdok nanane tiulidokogumuk.

*Jesu mihinjiye dut nanane nonɗon nagin*

*(Matiyu 26:26-30; Mak 14:21-26; 1 Kolin 11:23-26)*

14 Agan nai tubune Jesu adi mihiniye dut nanane falik ikelemadija nanane nagiñ. 15 Ila nanila indin yeninguk, “Nu tebele yendok Anelodi Yabukiyondaan Yalakapmeguk wondok nanane i hidigut nanañdok hinek nadilat. Nadapmaan mindan̄kade adi folofigita folon lowit. 16 Undun doktiña indin hanilat. Nu hinamuni indinin kotigon nemu naan kan hatigene kougon Bepañ’walañ Hatihati Kobuli mintaune unon nawaat.”

17 Undun yoña ime tout tiña Bepañ niutumbaan yeninguk, “I tiña ikiin indigon silotnanen. 18 Tiña indin hanimbe nadinen. Nu wain kwetfolon inon kotigon nemu naan hatibene kougon Bepañ’walañ Hatihati Ungonin mintaune nawaat.”

19 Undun yoña beletbo tiña Bepañ niutumbaan wobuña yemiña yeninguk. “I na’walañ foloone, hiditok gigit tibek yoña hamulat. Nu nadisunamuña undun taneen.”

20 Nanane nadapmaan koti koom tuguk undugon wain tout tiña indin yeniña yemguk, “Wain ime yon adi na’niñ nangatne u yofolok kobuli titindok yoña kwatnelat. 21 Tiña indin nadinen, nebek nin nu memik kohohik folon napmewek adi nukut nanane nongon ila nayamut. 22 Me Kobumuñ adi Bepañdi yohebet tuguk indigon keleen woon kumumbek, ingon me nagila memik kohohik folon kamewek adi kada yadi malabumuñ wapum hekiwaak.”

23 Undun yobune nehi ungon kiyonadi tiña indin yogin, “Kudi undinin u me neendi yo tibek.”

*Mewoidi talitimenj mintadok siwe tigiņ*

<sup>24</sup> Jesu mihiniye adi, nehi'walaņ lekiņgoņhik ginenj nediyeņ talitimenj tilak yoņa siwe tigiņ. <sup>25</sup> Kaņ Jesudibo yeniņguk. “Me nadisukilitihinit mokitdi mapme ila metam nadiyembu founē tipilapilaye kwanai titiņdok yeniņgigine tiiņ, tiņa adi metamdi yeniutumba tiiņ doktiņa wohiyenit. <sup>26</sup> Ingoņ hidi yadi unduņ mu taneē. Me nediyeņ loloņnit hatibe nadiwaak adi yadi timenj fofonoņnit hatiluwaak. Kaņ me talitimenj adi undugoņ tipilapilaye-me wele hatiņa hehitubulo-daluwaak. <sup>27</sup> Hidi nanimbu nadiwit, neeņdi me loloņnit? Me kweliņgoņ ila nanaņ hogok tibek u be, be me nanaņe kidila timiņa bek? Me kweliņgoņ ila nanaņ hogok tibek adi me loloņnit, uņakoņ. Kuņgoņ nu adi hidi'walaņ lekiņgoņhik ginenj tipilapilaye-mehik hatilat. <sup>28</sup> Tikamanda mintanamguk hogohogok u hidi mu binabuginj, wanaņ hatine mintanamguk. <sup>29</sup> Nu batnedi kwet i kadokodok nanindapmaguk, undugoņ nubo kwet i kadokoneeņdok hanindapmalat. <sup>30</sup> Unduņ dokti nu yotnekwetneneņ nanaņe ime noņgoņ naneem, tiņa hidi mapme'walaņ kumopop foloņ ila Isilaehi metam bop 12 hatiiņ hogohogok u yabudokoneeņ.”

*Jesudi Pita mute mede niņguk*

*(Matiyu 26:31-35; Mak 14:27-31; Jon 13:36-38)*

<sup>31</sup> “Saimon, indiiņ nadiweņ, Sadaņ adi nadisukilitihik mahamule tiulidoko tilak, ala kopi utnene gitnem niņ wiiņ kaņ foloņ niņ wiiņ unduņ dabugoņ hehidanewe yoņak. <sup>32</sup> Kuņgoņ nu du gehitubu-lodaņ nadisukilitigedi mu

gweyehewekdok ninadi kwanai agan tiŋat. Unduŋ doktiŋa nu'walaŋkade udaneŋ buŋa nokeye saŋiniŋ yemiŋa yehitubu-kilitibaanŋ.”

<sup>33</sup> Kaŋ Pitadibo niŋguk “Wapum, nu dukut nonŋonŋ yot fafaŋeniŋneŋ fofonŋdok be kumuŋ titiŋdok u kedem nadilat.”

<sup>34</sup> Kaŋ Jesudibo yoguk, “Pita, indiŋ ganimbe nadiweŋ. Kamiŋ timiŋ yendok pupupdi mu kutilune du nu mu nadinamulaŋ nai lufomkultiniŋ yobeŋ.”

*Muneŋ eŋ lik, tiŋa miknoŋ diniŋ kahat*

<sup>35</sup> Unduŋ yoŋa Jesudi mihiŋiye indiŋ yeni-nadiguk, “Koom haniŋkule muneŋ be lihik be kayonŋnamokop mokit ugiŋ nai uŋaniŋ nemek nolidik lohilohi neeŋbe tigiŋ?”

Kaŋ adibo yogiŋ, “Mokoŋ.”

<sup>36</sup> Kaŋ Jesudibo indiŋ yeniŋguk, “Kamiŋ adi nebek niŋ muneŋ be likniŋnit kaŋ u maanŋ moŋgolek. Kaŋ me nediyen miknoŋniŋ moŋ kaŋ dahidahiŋniŋ me nolidik yembune tuwaune muneŋ u moŋgola miknoŋniŋ tuwawek.

<sup>37</sup> Yodoko Mededi indiŋ yolak doktiŋa hanimbe nadineŋ, ‘Adi me kadakaniniŋ titiŋ nindapmanenŋ.’ U biyagoŋ hinek nu'walaŋ mintawek. Biyagoŋ hinek nemenemek Yodoko Mededi nutok yolak u agan biyagoŋ mintawek.”

<sup>38</sup> Kaŋ adibo yogiŋ, “Wapum, i kawenŋ indi miknoŋnik lufomuk.”

Kaŋ adibo yeniŋguk, “U tuwot.”

*Jesudi Getsemani uŋonŋ ninadi kwanai tuguk  
(Matiyu 26:36-46; Mak 14:32-42)*



<sup>39</sup> Unduḅ tiḅa Jesu yokwet wapum bikabuḅa foḅḅ wooḅ feḅ tuluguk unduḅ Oliwa Tuwai foloḅ loune mihiḅiye maḅ kelegiḅ. <sup>40</sup> Wosuwaḅ yeniḅguk, “Tigene tikamanda gineḅ gweheyeen maneeneḅ doktiḅa ninadi kwanai tineḅ.”

<sup>41</sup> Unduḅ yeniḅa ne kabe-kweetniḅ kawade kutne wooḅ maiḅ wendok tuwot wooḅ mulelem tiḅa ninadi kwanai tuguk. <sup>42</sup> Indiḅ ninadiguk, “Me baḅ, du nadiune tuwot tubune kaḅ folofigita i nolomtibeḅ. Inḅoḅ nu yolat wondokti moḅ, da nadilaḅ unduḅ tibeḅ.” <sup>43</sup> Unduḅ yolune kunum gineḅiḅ aḅelo niḅ foḅḅ saḅiḅiḅ miḅguk. <sup>44</sup> Kaḅ Jesu adi nadimalabuda tiḅa ninadi kwanai gibita tulune mimindiḅiḅ adi naḅgat dabugoḅ kwetfoloḅ hadokomaguk. <sup>45</sup> Adi ninadi kwanai tubudapmaḅ pilali mihiḅiye yabe uguk, wooḅ yabulu adi damo deihakiḅ. Adi welebulagitdi yehitubu-gweheyeune deihakiḅ <sup>46</sup> kaḅ yeniḅguk, “Maḅgoḅde damo kwanai hogok tiḅiḅ? Hidi tika-manda gineḅ gweheyeen maneeneḅ ale pilali ninadi kwanai tineḅ.”

*Judasdi Jesu mikme kohohik foloḅ kameguk  
(Matiyu 26:47-56; Mak 14:43-50; Jon 18:2-11)*

<sup>47</sup> Jesu adi mede hayenilu metam bop wapum busuwagiḅ. Mihiḅiye 12’walaaniḅneḅ me niḅ wou Judasdi talitimeḅ tiyemguk. Adi Jesu siḅgoḅgome tibe loune <sup>48</sup> Jesudi indiḅ niḅguk, “Judas, dagoḅ hinek Me Kobumuḅ siḅgoḅgomeeḅ memik kohohik foloḅ kamelaḅ.”

<sup>49</sup> Jesu mihiḅiye ne gut hakiḅ adi nemek u mintawe tubune kaḅ yogiḅ, “Wapum, kedem be indi miknoḅdi widihinim?” <sup>50</sup> Kaḅ mewoi

lekingonhik ginen me niñdi Silonyot dinin talitimen wapum'walañ tipilapilaye-meniñ magi didimeniñnenkade filodiguk.

<sup>51</sup> Kañ Jesudi yeninguk, “Hidi unduñ mu tinen.” Unduñ yeniña kohon me weñ magi folonj kameune magi kotigonj utumbaguk. <sup>52</sup> Kañ Jesudi Silonyot dinin talitimen heki eñ Silonyot kadoko dinin me wapuhi eñ talitimen heki honene bugiñ adi indin yeninguk, “Hidi nu mikbe tubupilale tilat doktiña miknoñ eñ tebe bohomo tiña nohonene bunjit? <sup>53</sup> Nu helemahelemañ hidigut Silonyotneñ hatilat, kañ nai unaniñ mangonje mu nohonein? Kungon kamiñ adi mambip molom'walañ sañiniñdi fafañe hinek tilak doktiña hidi'walañ nai tilak.”

*Pitadi Jesu mu nadimilat yoguk*

*(Matiyu 26:57-58, 69-75; Mak 14:53-54, 66-72; Jon 18:12-18, 25-27)*

<sup>54</sup> Unduñ yodapmaune honeeñ nagila Silonyot dinin Talitimen Wapum'walañ yolineñ ugin. Kañ Pita adi gikingon yali yayabukuwali uguk. <sup>55</sup> Wosuwaan yot maaneñ foonj woonj gimbahan maaneñ kudup heu daune ikin, kañ Pitadi metam unonj ikin u yehitomboyoula ikin. <sup>56</sup> Kañ tipilapilaye tamkuya niñdi kudup dahauta tugukneñ ungonj ila kakiyondañ yoguk, “Me yonj adi Jesu gut nongonj hatilak.”

<sup>57</sup> Unduñ yoguk kañ Pitadibo ninguk, “Nu me u mu nadimilat.”

<sup>58</sup> Muniniñ ila me niñdibo Pita kakiyondañ ninguk, “Nohik niñ du inakonj.”

Unduñ yoguk kañ Pitadi ninguk, “Nu mokonj.”

<sup>59</sup> Kañ kabe-yagigigon ila kotigon me niñdibo fafañeñgon indin niñguk, “Biyagon hinek, me yon adi Galilinin. Adigut ingon hatilak.”

<sup>60</sup> Unduñ yobu Pitadi indin yoguk, “Nu me u yolan u biyaku mu nadimilat.” Unduñ ila yolu nai unaningon pupup kutiguk. <sup>61</sup> Kañ Wapumdi fakaleen Pita didimeñgon hinek kaguk. Kañ Pita adi wapumdi mede indin niñguk u naditomguk. “Pupupdi mu kutilune du nu mu nadinamulan nai lufomkulitnin yoben,” <sup>62</sup> niñguk u naditomuña fakan fowoñ makat gibitan kokuk.

*Jesu nimpekit tiña ula kagege tigin  
(Matiyu 26:67-68; Mak 14:65)*

<sup>63</sup> Kañ me Jesu honeen kadokogin hekidi nimpekit tiña ukin. <sup>64</sup> Tiña namanda hauledi folokenehep tiña indin ninadigin, “Du polofet biyagon nobu hatiliwen kan nebek gutak u kedem ninimbu nadinim.” <sup>65</sup> Unduñ tiña mede kadakahi fee noli maan niñgin.

*Jesu me wapuhi en talitimen namandahik folon yakuk*

*(Matiyu 26:59-66; Mak 14:55-64; Jon 18:19-24)*

<sup>66</sup> Unduñ hati tulune helehautaune Silonyot dinin talitimen wapuhi tiña Judahi’walañ me wapuhi en Yodoko Mede hinala heki buña bopnegin. Kañ Jesu nagila bophik ginen loune niñgin, <sup>67</sup> “Du Kilisto nobu kan ninimben?”

Ninadigin kan adibo yeninguk, “Nu hanimbe hidi medene tuwot mu nadineñ. <sup>68</sup> Be hidi kibi nu haninadi tibit u tuwot mu yoneñ. <sup>69</sup> Ingon Me

Kobumun adi kamiŋ tububihila Bepaŋ Saŋiniŋ Molom kohon didimeniŋnenkade ila wooŋ ilaak.”

<sup>70</sup> Unduŋ yeninguk kaŋ adi wanakaŋ indiŋ niŋiŋ, “Unduŋ doktiŋa du Bepaŋ mihiŋiŋ kube?”

Niŋiŋ kaŋ adibo yeninguk, “Hide yoŋiŋ uŋakoŋ, nu adigoŋ.”

<sup>71</sup> Unduŋ yobune adibo yogiŋ, “Indi inde agaŋ ne’walaŋ maŋiŋ gineŋ mintaune nadiyam doktiŋa kotigoŋ aditok mede mu yodok.”

## 23

*Jesu mede titiŋdok nagila Pailat’walaŋ logiŋ  
(Matiyu 27:1-2, 11-14; Mak 15:1-5; Jon 18:28-38)*

<sup>1</sup> Unduŋ yoŋa noŋgoŋ piladapmaan Jesu nagila Pailat’walaŋ logiŋ. <sup>2</sup> Loon mede gineŋ kameeŋ indiŋ niŋiŋ, “Me yoŋ adi indi’walaŋ metamniye talik moŋiŋ yanagitak, tiŋa Lomahi’walaŋ gapmandok muneŋ mu mimiŋdok yoŋa kamehep tiyemulak. Tiŋa netok adi Kilisto, Mapme yolak.”

<sup>3</sup> Unduŋ yogiŋ kaŋ Pailatdibo ninadiguk, “Judahi’walaŋ me mapme du-ku be?”

Kaŋ Jesudibo niŋguk, “Yolaŋ uŋakoŋ.”

<sup>4</sup> Yobune Pailatdibo Silonyot diniŋ me wapuhi eŋ metam bop wapum u indiŋ yeninguk, “Nu me yeŋ’walaŋ kadakaniniŋiŋ nemu kalat.”

<sup>5</sup> Unduŋ yeninguk iŋgoŋ adi fafaŋeŋgoŋ indiŋ yogiŋ, “Adi Galili kwetneŋ gwaŋ tububihila metam nadinadihik tubugiyonda tiŋa buŋak, bu i busuwalak.”

*Jesu kameu Helot’walaŋ uguk*

<sup>6</sup> Pailat adi u nadiŋa yeninadiguk, “Me i Galiliniŋ be?”

<sup>7</sup> Undun yeninadiguk kan adibo indin yogin, “Jesu adi Helotdi kwet diki kadokolak unanin.” Undun yobune nadinu kameune Helot’walaŋ uguk. Nai unanin Helot adi maan Jelusalem ungon hakuk.

<sup>8</sup> Helot adi gigitin nadinu kakan dok koomgon hatinadiluguk. Undun doktinu adi Jesu kan nadifo tuguk. Tinu undugon kudi nin tubune kakan dok yonu hatiguk. <sup>9</sup> Undun doktinu Helotdi ninadi fee tuguk, ingon Jesudi kibi nemu tubu-udaneminguk. <sup>10</sup> Kan Silonyot dinin talitimen wapuhi en Yodoko Mede hinale hekidi yamaingon uyen yali ningigine tigin. <sup>11</sup> Kan Helot tinu mikmenye adi Jesu tihilihili timinu nimpekit tigin. Untinu mapme dinin dahidahi fofoon nin tinu dahiminu nin kulu kotigon Pailat’walaŋ uguk.

<sup>12</sup> Helot adi koom Pailat memik timiluguk, ingon nai unanin menot tugumuk.

*Pailatdi Jesu kolondabek folon uutdok yodapmaguk*

*(Matiyu 27:15-26; Mak 15:6-15; Jon 18:39-19:16)*

<sup>13</sup> Pailatdi me Silonyot dinin talitimen en me wapuhi tinu metam hogohogok wanakan katiyenimbu bunu bopneune <sup>14</sup> yeninguk, “Hidi me i metam yeningalika tinu talik moin yanagitak yonu nagila nu’walaŋ bunjit. Kan nu hidi naman dahik folon hinek mede yendok ninadinat, ingon mede folon nemu tubumintanat kan hidi me i mede folon kamefit tiin. <sup>15</sup> Helotdi maan mede mon lohikaan koti kameune indi’walaŋkade bunak. Me i kadakanin nin nemon doktinu indi

ulukumuñfit tuwot mu tinim. <sup>16</sup> Unduñ doktiña hogok wihitnadiña kamewe wek.”

<sup>17</sup> Adi’walañ unon talik indin hatuguk. Gulet indigon Pailatdi me yot fafañeniñneñ hakagin u kubugon kubugon yenindapmaune foon wagin.

<sup>18</sup> Unduñ doktiña metam hogohogokdi kakaliña indin yogin, “Me u ulukumuña Balabas bikabu bek.” <sup>19</sup> Balabas adi gapman gut mik tiña me nin ulukumuñguk kañ nagila yot fafañeniñneñ kamegin. <sup>20</sup> Unduñ tiña Pailatdi kotigon Jesu bikabune uundok yeninguk. <sup>21</sup> Ingon adi kakaliña yogin, “Kolonðabek folon kumumbek! Kolonðabek folon kumumbek!”

<sup>22</sup> Yobune Pailatdi kotigon indin yeninguk, “Me i mangon yom hinek tiñak? Nu yomnin nemu kañat ale mangonde ulukumuñfit tinim. Unduñ doktiña wihitnadi hogok tiña kamewe wek.”

<sup>23</sup> Unduñ yeninguk ingon metam adi gigne tiña Jesu kolonðabek folon uudok yogin. <sup>24</sup> Tiña kakalihikdi Pailat’walañ medenin ulatifoguk. Untubu wabiña Pailatdi medehik keleen undugon mintawek yodapmaguk. <sup>25</sup> Kañ metam’walañ medehik keleen Balabas bikabuyemiña Jesu mikme kohohik folon kameguk.

*Jesu kolonðabek folon ukin*

*(Matiyu 27:32-44; Mak 15:21-32; Jon 19:17-27)*

<sup>26</sup> Mikme heki Jesu nagila ugin. Unila talipmen me nin tubumintagin, wou Saimon, adi Sailini yokwetneñnin, ala kobugon buña yokwet wapumneñ fowe buguk. Kañ honeen Jesu’walañ kolonðabek u kaluwanñin folon kameen ningigineune bemña Jesu keleguk.

<sup>27</sup> Metam bop wapumdi kelegin, kanj adi lekingonjhik ginenj tamwoi noli adi kabulagitaan makat kola keletauginj. <sup>28</sup> Kanj Jesudi udaneenj indinj yeninguk, “Jelusalemhi tamwoi, hidi nutok mu kotneņ, hidetok enj wapmihihiedok nadi kotneņ. <sup>29</sup> Nadiinj be. Hatigene nai ninj dulaune metamdi indinj yoneenj, “Tamwoi wapmihi mu yanagikinj hidi kedem nadifo tineņ.’ <sup>30</sup> Nai unaninj metamdi kweboboe heki indinj yenineenj, ‘Golonj foņ nihikufulanenj.’ <sup>31</sup> Nemek indininj adi bem kaipmunj ginenj tiin, inņonj kumunj ginenj adi dedinj timinenj?”

<sup>32</sup> Me kadakaninj titinj yakat lufomuk adi maan Jesu dut kumunđok yonja yanagila uginj. <sup>33</sup> Woonj kwet wou ninj Me Mebi Kitili, unņonj woonj Jesu kolonđabek folonj ukinj. Me kadakaninj titinj yakat adi maan kolonđabek folonj widihiginj, noli kohonj didimeninņenņkade ukambiyakinj enj noli kohonj kapmadinenņkade ukambiyakinj.

<sup>34</sup> Kanj Jesudi indinj yoguk, “Me banj, adi nemek tiin u mebi mu nadidakaleenj tiin doktiņa kadakaninjhik u biyembenj.” Kanj mikme heki adi kat kula dahidahinjinj nehitođ daneenj monņokinj.

<sup>35</sup> Memetam unņonj yakalu Judahi me wapuhidi nimpekit tiņa indinj yoginj, “Metam noli adi kedem yehitubu-lodalak, tiņa adi Kilsto, Bepan mihinjinj yibagonj nobu hatiliwek kanj nebo tubu-lodawek.”

<sup>36</sup> Undunj yoginj kanj mikme hekidi maan yamaņonj labunja nimpekit tiņa wain ime buukaanj u sumulimimbu loune ninņinj, <sup>37</sup> “Du

Judahi'walaṅ mapme biyagoṅ nobu hatiliwen kaṅ du da uṅgoṅ folooge tubulodawen.”

<sup>38</sup> Kudi niṅ kolonḍabek ki foloṅ indin youla ukambiyakin, “Me yoṅ adi Judahi'walaṅ Mapme.” <sup>39</sup> Kaṅ meyat kolonḍabek foloṅ yakumuk adi'walaanin me ninḍi Jesu ninfoko tinḍa indin yoguk, “Du Kilisto biyagoṅ nobu kaṅ da folooge tubulodaan indi maan nihitubulodawen.”

<sup>40</sup> Unduṅ yoguk kaṅ me nolinḍinḍi u nadinḍa indin ninḍuk, “Du maanḍoṅ, adi timinḍit undugoṅ tigamḍit kaṅ Bepanḍok munta mube tilan? <sup>41</sup> Indi yadi kadakaninḍikdok kibikoṅ tiniminḍit inḍoṅ me yoṅ adi kadakanin nemu tuguk.”

<sup>42</sup> Unduṅ yoṅa yoguk, “Jesu, du mapme saninḍigenit hatigene udaneen bunḍa nu maan nadinambaan.”

<sup>43</sup> Kaṅ Jesudibo ninḍuk, “Biyagoṅ hinek ganilat, du kaminḍoṅ nukut yokwet fofoon\* ginen udim.”

### *Jesu kumunḍuk*

*(Matiyu 27:45-56; Mak 15:33-41; Jon 19:28-30)*

<sup>44</sup> Mele lekinḍoṅ tubune kwet wanakan mam-bip tubudapmaan halune wooṅ 3 kilok tuguk.

<sup>45</sup> Kaṅ Silonḍyot maanen haule bulubuluyen u lekinḍoṅ bulagineune lufom mintaguk. <sup>46</sup> Kaṅ Jesudi gibita indin katiguk, “Me ban, Munabuline kohoge ginen kamelat.” Unduṅ katinḍa unḍaningon kumunḍuk.

<sup>47</sup> Unduṅ tubu mikme heki'walaṅ talitimenḍhikdi kudi u kaṅ Bepan wou nintiloon

---

\* **23:43:** Yokwet fofoon wou maan yoguk, adi Gilik mede ginen “Paladais” yoinḍ.



yoguk, “Biyagon hinek, me yon adi me didimeniņ.”

<sup>48</sup> Metam hogohogok uņon buņa bopnegiņ adi kudi uņon mintaguk u kaņ welehiķ gimingimiņ kulune udaneņ yohite ugiņ. <sup>49</sup> Kaņ Jesu meņimeniņe tiņa tamwoi Galili gwaņ tububihila keleņti bugiņ adi kabe-kweetniņgoņ yali nemenemek mintaguk u kagiņ.

*Jesu bom gineņ kamegiņ*

*(Matiyu 27:57-61; Mak 15:42-47; Jon 19:38-42)*

<sup>50-51</sup> Me niņ wou Josep adi Alimatiyaniņ, adi yadi me talitimeņ bop hatiyagiņ’walaaneniņ, tiņa adi me didimeniņ eņ me momooņ. Adi Bepaņ’walaņ Hatihati Kobuli miņgoņ mintadakaleu kakaņdok woom hatiguk. Unduņ doktiņa me talitimeņ noliņiyedi Jesu medeņiņ ulatifoņ kumuņ gineņ kamegiņ kaņ adi nadiune tuwot mu tuguk.

<sup>52</sup> Me wendi Pailat namanda foloņ wooņ yali Jesu folooņ dabaņdok ninadiguk. <sup>53</sup> Kaņ nadimimbu wooņ Jesu kolonđabek foloņ kibidali tiņafooņ haule fafaudi yauneņ tiņa wooņ mehinek dabaņ kameņdok kawade fafaņeniņ wamukiņneņ uņgoņ kameguk.

<sup>54</sup> Nai uņaņiņ Sabat iitdok nai dulaune tiulidoko kwanai titiņdok nai tuguk. <sup>55</sup> Kaņ tamwoi Galili gwaņ tububihila Jesu keletabugiņ heki adi Josep dut wooņ dabaņ meyoņneņ dedeņ kameguk u kagiņ. <sup>56</sup> Nemenemek u kadapmaaņ udaneņ yopmaņ wooņ haguwo munduņhinit tiulidokogiņ. Sabat gineņ adi Yodoko Mededi yolak undugoņ keleņ hakula tigiņ.

## 24

*Jesu kumuḡ gineniḡ kaikaanḡ pilakuk  
(Matiyu 28:1-10; Mak 16:1-8; Jon 20:1-10)*

<sup>1</sup> Sonda haniḡ timiḡ tamwoi adi pilali haguwo munduḡhinit tiulidokogiḡ u beḡa Jesu bomḡiḡ gineḡ ugiḡ. <sup>2</sup> Woonḡ kalune kawade wapum aganḡ dekeleune bom mami hamap yakuk. <sup>3</sup> Unduḡ kaḡ woonḡ maaneḡ fooḡ kalune Wapum Jesu'walaḡ dabanḡ uḡoḡ mu hakuk. <sup>4</sup> Unduḡ kaḡ nadibedi tiḡa yatu meyat lufom tinahukuthik holiholiniḡenit wendi adi yakiniḡneḡ uḡoḡ mintayemgumuk. <sup>5</sup> Kaḡ tamwoi adi u yabuḡa munta tiḡa duwo-keneḡ kwetfoloḡ diweenḡ yakiniḡ. Kaḡ meyat wendi indiḡ yeniḡgumuk, “Hidi maḡoḡnde me kaipmuḡ hatilakdok kumuhi'walaḡ kwet gineḡ iḡoḡ lohiḡiḡ? <sup>6</sup> Adi iḡoḡ mu hatak, adi aganḡ pilalak. Hidi koom Galili kwetneḡ gwanḡ hatiḡa mede indiḡ haniḡguk u nadisuneḡ. <sup>7</sup> ‘Me Kobumuḡ adi me kadakahi kohohik foloḡ loune ulukumuneḡ, kaḡ nai lufomkulitniḡ hali kaikaanḡ pilalaak.’ ”

<sup>8</sup> Kaḡ tamwoi adi medeḡiḡ u naditomunaḡ <sup>9</sup> bom gineniḡ udaneḡ woonḡ mihiniye 11 u yeniḡa metam noli maanḡ kahat tiyemgiḡ. <sup>10</sup> Tamoi wohiye Maliya Madalanḡiḡ, eḡ Yoana eḡ Maliya Jems miḡ, adi tiḡa tamwoi noli noḡoḡ yaugiḡ heki adi noḡoḡ buḡa aposel heki nemek mintaguk u yeniḡiḡ. <sup>11</sup> Inḡoḡ aposel heki adi sububa mede binek yoḡa medehik u mu nadisukilitigiḡ. <sup>12</sup> Kaḡ Pitadi kiyaneḡ bom gineḡ uguk, woonḡ maaneḡ heweḡa kaguk kaḡ hauleniḡ hogok ilu yabuḡa udaneḡ yopmanḡ woonḡ nemek

u mintaguk wendok nadiune ungoniñ hinek tuguk.

*Jesudi meyat lufom Emaus talipmen  
mintayemguk*

*(Mak 16:12-13)*

<sup>13</sup> Nai unaniñgon Jesu'walañ kayonbopniñ gineniñ meyat lufom adi yokwet niñ wou Emaus unon ude ugumuk. Talik Jerusalem biña Emausde uundok u adi 12 kilomita hogok. <sup>14</sup> Ala adi talipmen unila nemek mintaguk hogohogok wendok hayotaugumuk. <sup>15</sup> Meyat adi mede kiyonadi titaulune Jesu unon mintayemiña nonon ugiñ. <sup>16</sup> Ingon nadinadihik mu tomguk doktiña tuwot mu kakiyondagumuk.

<sup>17</sup> Kañ Jesudi indin yeninadiguk, “Hidi mangon mede yonadi tabamuk?”

Undun yenimbu meyat u bulaniñgon diween yakumuk. <sup>18</sup> Yali adi'walaaniñ me wou niñ Keleopa adi yoguk, “Metam kwetkwet Jerusalem bunjit hogohogok adi nemenemek unon mintanak agañ nadidapmanit, kañ du kubugondi nemek kobugon mintanak u mu nadiñañ be?”

<sup>19</sup> Undun yoguk kañ Jesudibo yeninadiguk, “Mangon mintanak?”

Kañ adibo indin ningumuk, “Nemek Jesu Nasaletniñ'walañ mintanak. Adi polofet, Bepañ dawineñ be memetam dauhineñ mede yoyo be kudi titiñ u saniniñnit hati tuluguk. <sup>20</sup> Kañ me Silonyot diniñ talitimeñ eñ me wapuhiniyedi kumundok nindapmaan gapman kohon folon kameu adi yodapmaune kolondabek folon ukiñ.

<sup>21</sup> Indi adi me wendigon Isilaehi memetam

kadakanin ginenin ninigilaak yon̄a nadisukilitina hatigumun. Kan̄ ulukumumbune hatine melenai agan̄ lufomkulitnin̄ dapmalak. <sup>22</sup> Tina kamin̄ indin̄ nin̄ mintan̄ak. Tamwoi noli indi'walañ bopnik ginenin̄di welenadifo mede indin̄ ninimbu boho tumun. Adi haniñ timin̄ koñ ginen̄ un̄it. <sup>23</sup> Woon̄ kan̄it kan̄ Jesu'walañ daban̄ un̄on̄ mu halak. Undun̄ kan̄ udaneen̄ buña indin̄ ninin̄it. An̄elo lufomdi mintayemiña Jesu agan̄ pilalak yenimuk. <sup>24</sup> Kan̄ mewoi nolidibo koñ ginen̄ un̄it woon̄ tamwoidi kan̄ buña yon̄it undugon̄ hinek adi maan̄ kan̄it. In̄gon̄ ne adi mu kan̄it.”

<sup>25</sup> Kan̄ Jesudi indin̄ yeninguk, “Hidi yadi nadinadihinit mokit tina welehik adi gweheyehi doktina polofet hekidi mede yogin̄ u mu nadisukilitin̄. <sup>26</sup> Hidi mu nadin̄ be? Kilisto adi timen̄ folofigita nadin̄a mindan̄ Bepan̄di wougigit mimin̄dok yoguk u kahilewaak.” <sup>27</sup> Undun̄ yon̄a netok Youkudip Mede ginen̄ dedin̄ yolak u yenin-dakaleguk. Tububihila Moses'walañ man̄in̄ mede ginen̄ en̄ polofet heki'walañ Youkudip ginen̄ yolak u yeninguk.

<sup>28</sup> Undun̄ tina woon̄ yokwet tubudulagin̄. Tina Jesu adi yokwet u kalakapmen̄ tina wene tuguk <sup>29</sup> kan̄ adi mon̄ ningumuk, “Mele agan̄ fohebilak ale indigut in̄gon̄ itnim.” Undun̄ nimbu adut itne fogin̄.

<sup>30</sup> Foon̄ nanane nanandok meyat dut non̄gon̄ ikin̄. Ila adi belet tina Bepan̄ niutumbaañ wobuña beña yemguk. <sup>31</sup> Undun̄ tubune dauhik tombune diwedakalegumuk. Kan̄ un̄an̄in̄gon̄ Jesu fila uune koti mu kagumuk. <sup>32</sup> Undun̄ tina

wabi nehi ungon kiyonadi tija indin yogumuk, “Indi talipmen bade mede ninija Bepan’walañ Youkudip Mede mebi hinek ulitawaan nininjak. Kan welenik yout hinek tinjak.”

<sup>33</sup> Undun yohake nai unaningon pilali koti Jelusalemde ugumuk. Wosuwaan ne’niñ mihijiye 11 tija metam noli nongon bopne hatu woon yabune <sup>34</sup> indin yeningin, “Wapum adi biyaku agañ pilalak, tija Pita mintaminjak.”

<sup>35</sup> Undun yobu adibo nemek talipmen mintayemguk wendok kahat tiyemgumuk, tija belet wobune nai unaniñ kakiyondagumuk wendok mañ yenimbune nadigin.

*Jesudi mihijiye yot maanen hatune mintayemiña mede yeninguk*

*(Matiyu 28:16-20; Mak 16:14-18; Jon 20:19-23)*

<sup>36</sup> Mede kahat undun hatulune Jesu ne lekingonhik ginen ungon mintaang yakuk,\* <sup>37</sup> u kan sukule tigin. Untiña momolok binek kayam yonça munta tigin. <sup>38</sup> Kan adibo yeninguk, “Mangonde nadibedi tiin? Mangonde welelufom tiin? <sup>39</sup> Kohone kayone yabunen. Nu nagon mintahamulat. Nohoneen kanen. Momolok adi nu nohoneen nabiin undihi mon. Adi yadi gom tija kitilihinit mokit.”

<sup>40</sup> Undun yonça kayon kohon yembune yabugin.

<sup>41</sup> U yabuña wele kukut tija boho gimingimin

---

\* **24:36:** Metam nolidi mede indin mañ tomboyoula youkin. Jesudi “Kulema hidigut halek” yeninguk. Ingon mede u Gilik mede ginen mu hatak doktiña nolidi youkin en nolidi mu youkin.

tigin ingon on, mu nadisukilitigin. Untina nadifi-file tubune adibo yeninguk, “Hidi nanane neenje boina hakiin?”

<sup>42</sup> Undun yeninadiguk kan pisi hehenit diki nin tina mingin. <sup>43</sup> Kan adi tina naune kagin <sup>44</sup> kan yeninguk, “Nu hidigut hatinila indin hanilugut, ‘Nemenemek nutok koom Moses’wala Yodoko Mede ginen be polofet heki’wala Youkudip ginen be Kap ginen hatak u hogohogok u biyagon mintadapmawaak.’”

<sup>45</sup> Tina Bepan’wala mede nadinendok nadinadisuhik tubudakaleyemina <sup>46</sup> indin yeninguk, “Youkudip Mededi indin yolak, ‘Kilisto adi folofigita nadin kumuna nai lufomkulitnin hali pilalaak. <sup>47</sup> Adi’wala wou folon kwetkwet metam hogohogok Mede Momoon yenindapmaune welehek tubutakaleneen kan Bepandi kadakaninik tumolokuyembaak.’ Kwanai u adi Jelusalem inon tububuhitdok. <sup>48</sup> Hidi kuyen dauhik ginen nemenemek hogohogok mintaune kanit wendok yohauta tineen. <sup>49</sup> Tina i nadinen, Batnedi nemek hiditok gigit hanindapmaguk u kamehambe fowaak. Undun dokti hidi yokwet wapum i pilap mu bikabuneen. Ingon hatilune kunum ginenin sanjin kamehambe fowaak.”

*Jesu kunum folon loguk*  
(Mak 16:19-20)

<sup>50</sup> Undun yena yahaenen yokwet bina Betanide ugin. Unon wosuwaan kohon tina loon kahan tiyemguk. <sup>51</sup> Kahan tiyemina unaningon biyabuna kunum ginen loguk. <sup>52</sup> Undun tubune

adi wou nintiloon welenadifo tiŋa udaneen kotigon Jelusalemde ugin. <sup>53</sup> Tiŋa helemahelaman Silonyotneŋ uŋon hatiŋa Bepaŋ niutumba hati tigin.

**Bepan'Walaŋ Folofolok Kobuli  
Genesis, Exodus, Psalms, and the New Testament in  
the Numanggang Language of Papua New Guinea  
Sampela hap Buk Baibel long tokples Numanggang**

copyright © 2005 Wycliffe Bible Translators, Inc.

Language: Numanŋaŋ (Numanggang)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

---

PDF generated using Haiola and XeLaTeX on 21 Feb 2024 from source files dated 31 Aug 2023

217908e9-ce08-5ac3-9947-124c48579a74